

মহাভারত-কাব্যভিনয় !

কেশবাজ্জুন

বীর-চরিত

আদিপর্ব

All Rights Reserved.

ভট্টপল্লীনিবাসী
শ্রীরামগোপাল ভট্টাচার্য্য প্রণীত

১৩৪০

মূল্য ৭০ বারো আনা

প্রকাশক—
শ্রীশ্রীগোপাল ভট্টাচার্য্য
ভাটপাড়া, ২৪ পরগণা।



কলিকাতা, ১৬৬নং বহুবাজার স্ট্রীট,
'বসুমতী ইলেকট্রিক মেশিন যন্ত্রে'
শ্রীপূর্ণচন্দ্র মুখোপাধ্যায় কর্তৃক মুদ্রিত।

প্রবেশ-পত্র

বঙ্গসাহিত্য মহামণ্ডলে প্রতিভাবান্ বাণী-বরপুত্রগণের কাব্যকুঞ্জে, মানমন্ডলের যোগ্যতা বা প্রবেশাধিকার, আমাদের নব্যপরিচিত মহাকাব্য-‘কেশবার্জুন’-প্রণেতা গুণানুসারে অর্জন করিতে পারিবেন কি না, তাহা বঙ্গের সুরসজ্জ পাঠকবর্গের দ্বারা ক্রমশঃ বিবেচিত হইতে পারিবে ; কিন্তু এই দশসহস্রাধিক শ্লোকাস্বক, চতুর্দশপদী অমিত্রাক্ষর কাব্যের, আয়তনের দৈর্ঘ্য ও পদগাভীর্ঘ্যের সারবত্তা দেখিয়া, আমি স্বতঃপ্রবৃত্ত হইয়া কবিলেখনীর অনুবর্তী হইলে, দেখিলাম, বাক্‌দেবতা বঙ্গের পল্লীপাটে সত্যই একটা কাব্যোৎসবের নহবৎ বাজাইতেছেন। সেই সঙ্গতে দেবতা ও মহামানবগণকে পৌরাণিক দেবচরিত্রে এবং অলৌকিক মানবঙ্গের স্বভাবে যেরূপ ভাববিনিময় করিতে দেখিলাম, তাহাতে ছন্দোবঙ্গের সারল্যে ও বাক্যের স্বতঃ স্ফুরণে কখন কখন ব্যতিক্রম অনুমিত হইলেও শব্দের শ্রুতিমাধুর্য ও ভাবের ব্যুৎপত্তি, আমাকে স্বপ্নাভূতের ত্রায় কল্পনারাজ্যের রসসাগরে নিমজ্জমান রাখিয়া, কেমন একটা সুখানুভব করাইতে লাগিল। অনেকস্থলে অনিচ্ছা সত্ত্বেও আমাকে মানিতে বাধ্য করিয়াছে যে, ভাষা-চিত্রে যে যে চরিত্র বা ঘটনা সম্যক্ পরিশ্ফুট হইয়া উঠে নাই ; ভাবছন্দের বংশীবাদনে তাহা মুখরিত হইয়া উঠিয়াছে।

একটা কাল্পনিক ভাবধারা, প্রাগৈতিহাসিক চরিত্রে ওতপ্রোত ভাবে বিগলিত হইয়া আৰ্য্য সমাজের তদানীন্তন ব্রাহ্মণ্য-ধর্ম্মের জয়ধ্বজা ও অত্যাচ্ছন্ন আদর্শের পরাকাষ্ঠা প্রদর্শন করিয়াছে। আৰ্য্যধর্ম্মের সভ্যতা মানবঙ্গের সত্যবুদ্ধি কি বিপুল কোলীন্যগর্ভে আমার চিন্তাকর্ষণ

করিয়াছে, তাহা প্রত্যেক পাঠকের পাঠকালে হৃদয়ঙ্গম হইবে, শুনিলে বিশ্বাসযোগ্য হইবে না! অবশ্য আমিও ভাষার শব্দ-লালিত্যে প্রভাবিত হইতে পারি, কিন্তু বাণীকণ্ঠের সুর-সঙ্গতে আমি তন্ময় হইয়া গিয়াছি, শ্রোতে গঙ্গাবগাহন করিতেছি! সুতরাং মোহগ্রস্তের ক্ষোভ আমাকে কখন উদ্বেলিত করিতে পারে নাই। বাহার। আলঙ্কারিক সাজশয্যায় বিশেষ মনোযোগী, তাঁহারা হয় ত কাব্যের শব্দ-কাঠিন্বে ও আধুনিক প্রগতির ভাবকার্পণ্যে বিমর্ষ হইতে পারেন; কিন্তু তাঁহাদেরও আতিথ্যোপযোগী মর্শ্ববাণীর কমনীয়তার অভাব নাই। মহাভারতের গল্পটি সূর্য্যশ্রাব্যনাট্যের অভিনয়ে আধিদৈবিক ও আধিভৌতিক ব্যক্তিত্বের দ্বারা পরিকল্পিত হইয়া বেশ সুন্দর-ভাবে সন্নিবেশিত হইয়াছে।

মহাকাব্যের প্রথমাংশটি গল্পরসে কথঞ্চিৎ ক্ষুদ্র হইলেও তাহার অন্তর্বাহ্য শুভারম্ভের শঙ্করবনি ও সচ্চিদানন্দের আগমনী গানে মুখরিত হইয়া সামান্যতাব পূর্ণ করিয়াছে। যাহা হোক আমার একটু নিকটাত্মীয়তা দোষ থাকিলেও, পুস্তকের যে মূল্য ধার্য্য হইয়াছে, তদতিরিক্ত আনন্দ ও সন্তোষ যে প্রত্যেক পাঠক পাইবেন, তাহা নিঃসন্দেহ। আমার সনির্বন্ধ অনুরোধ, সহৃদয় পাঠক-পাঠিকাগণ যেন নিজস্ব মতবাদের অবতারণা করেন; কর্ণাকর্ণির কুসংস্কারে আচ্ছন্ন হইয়া যেন ইহার সুখস্বাদে প্রবঞ্চিত না হন। গ্রন্থখানির ঐতিহাসিক মৌলিকতা মহাভারতীয় হওয়াতে, তাহাতে বর্তমানের আবহাওয়ার হয় ত, হৃ-বহু চিত্রাঙ্কন হয় নাই; কিন্তু যখন ছাপরের যুগসঙ্কায় মানবাদর্শের চিত্রশুলিকে, ভাষায় ভাবে ও রসে, আধুনিক ছায়াচিত্রের আলোকে কিঞ্চিৎ মানসূকাশে উদ্ধৃত করি, তখন দেখি, তাহার। হয় ত পুরুষাবতার বেদব্যাসের বা অথ কোন মনীষীর চিত্রফলক হইতে উদ্ধৃত না হইতে পারে, তথাপি তাহার। সজীব ও সত্যাকার চলচ্চিত্র। লেখকের

ভগবৎপ্রীতি মহাকাব্যের মূল উৎস হওয়াতে উহার চরিত্রগত গুণাগুণের উৎকর্ষাপকর্ষ ঐ মানদণ্ডের সাহায্যে স্থিরীকৃত হইলে ভাল হয়। গ্রন্থের ভাষাসম্পদ আরো প্রাঞ্জল হইলে হয় ত কাব্যটি অধিকতর মনোমুগ্ধকর হইত; কিন্তু তাহাতে গীতাবজ্ঞার ঐশ্বর্য ও তদুপযুক্ত দেশকাল-পাত্রাদির সামঞ্জস্য রক্ষা হইত কি না সন্দেহ।

ফলকথা, কাব্যখানি মহাভারতের কঙ্কালসারে গঠিত; সুতরাং তদ্বাবে পঠিত হইলেই লেখকের শ্রমসাধনা সার্থক হইবে। সুধীজনের আনন্দ-বর্ধনে এই গ্রন্থখানিসাধারণে প্রকাশিত হইল—অমমতিবিস্তরেণ।

ইতি সন ১৩৪০ সাল,
১৫ই শ্রাবণ।

বিনীত
শ্রীঅতুলকৃষ্ণ ভট্টাচার্য্য।
শিলং।

শুদ্ধিপত্র

অশুদ্ধ	শুদ্ধ	পৃষ্ঠা	পংক্তি
কিরীটী	কিরীট	২০	৫
বাসন্ত দেবীর	বাসন্তী দেবীর	১২	৭
গুণাততী	গুণাতীত	১৩	১৪
স্বর্গ	সর্গ	২৩	১
মহারথী	মহারথ	২৮	১৮
কক্ষে	বক্ষে	৩১	১৭
এ দীপ	প্রদীপ	৩৩	১৭
নারি	নারী	৪৮	১০
স্বমি-পুত্র	স্বামি পুত্র	৫০	৮
লৌচক্র	মৌচক্র	৫৬	৫
মায়ায়	মায়ার	৫৬	৭
বিশ্বতরু	কল্পতরু	৫৬	১৫
সন্ধিবিয়া	জীবিয়া	৫৭	৪
সথে	সখি	৫৯	১
ওই জ্যেষ্ঠ পাণ্ডব	জ্যেষ্ঠ পাণ্ডব	৬৪	২১
ভুলবিভ্রমে	ভুলক্রমে	৭৬	৯
জলে	জলে	৮২	৮
মণিকাঞ্চন	নীলরতন	৮৫	৩
প্রাচীর	শিবির	৯০	১৬
উদ্যার	ফুৎকারে	৯৩	২২
সসয়	শময়	৯৫	৩
পূর্বাহ্ন	অপরাহ্ন	৯৫	ঐ
জয়ন্তীর	যশোদার	৯৬	১৩
কিস্ত ওই	ভুলিব না	৯৮	১০
ইচ্ছাময়	ইচ্ছামর	১০৪	১৬
সে বয়নে	রিপুকশ্বে	১০৭	২২
দাসের দৈন্ত	বন্ধনরজ্জু	১০৯	৫
পূজ্যপাদ	বিদ্যার্ণব	১১৪	৪
হইবে	বর্ত্তিবে	১২৫	১২

কেশবাজ্জুন

উদ্বোধনী

পুষ্পাঞ্জলিবন্ধ-করপুটে নৃত্যশীল নট ও নটীর প্রবেশ ও
উভয়ের স্তোত্রপাঠ ।

উভয়ে । ওঁ হরি ব্রাহ্মণ্যে ; গীতাদ্বে পুরুষোত্তম ;
 স্বাধ্যায়ে বিজ্ঞানঘন “সত্যস্ত সত্যম্” ;
 গৌরাদ্বে প্রভু চৈতন্য-চরিতামৃতের ;
 বন্দে শ্রীপদারবিন্দে জ্যোতিঃ-স্বরূপের ।
 তজ্জ্যোতিঃশরণ্য সূর্য্য-বরেণ্য ঠাকুর,
 সদগুরু সচ্চিদানন্দ সুন্দর মধুর,
 অথও অন্তরয়ামী নীলকান্তমণি ;
 তৎসতে প্রণামাজলি কাব্যকমলিনী ।

(পুষ্পাঞ্জলি দান)

কেশবাজ্জুন

নট । যে কাব্য-মধুকোরকে মুঞ্জিলে শ্রামল ;
 অর্দ্ধফুটে বিকচিলে ব্রজের তুলাল ;
 মধ্যমায় আমোদিলে গীতা পুরোহিত ;
 সে গতমোবনাম্বুজে ঢল হস্তিদীপ ।
 কনক-কিরীটী শঙ্খ-গদা-চক্র ফেলি,
 কুঞ্জলাল মধুকাব্যে বাজাও মুরলী ;
 শ্রামচন্দ্রে প্রবোধিতে নব্যরসকলি,
 সাধে কে ভজনাবলী ; ভাব-গুঞ্জমালা
 গাঁথে কে প্রেমের পুষ্পে ভরি মর্ম্যডালা !
 বাজায় উদাত্ত স্বরে ভাষা একতারা,
 ঠুংকারে কে কাব্যকলনাদী, দ্বৈতবাদী,
 রঞ্জিতে পূর্ণাবতারে জ্যোতিঃ পরোরজা
 ঐশ্বর্য্য অপৌরুষেয় ; যে শক্-চন্দনে
 ভরি সাজি ভাগবত-মালধের মালী
 পুষ্পিল পুরুষোত্তমে গীতাঞ্জলি-ডালি ।
 সে কুঞ্জকুটীরে বঙ্গপল্লী-মালাকর,
 যুগসম্মা-ঝরা ফুলে মিনিস্ততা-হার,
 গাঁথিছে কেশবাজ্জুন প'রো বনমালী,
 মোদিতে নিস্ত্রভারুণা কাব্যের গোধূলি ।

(প্রণাম)

নটী । বাজা মা বেদাঙ্গ-বীণা মূর্ত্য-উপাসনা,
 পরাভক্তি-বরদাত্রী প্রেমানন্দাসনা ;

উদ্বোধনী

ভাষার রসনাফীরা বরিষ বরষা ;
ভাবের তরঙ্গে বঙ্গে কাব্যামোদে ভাসা ;
কল্পনার বহু ডাকি আয় মা ভারতি
কলস্বনা বাঁচি-শেখে করি সন্ধ্যারতি ;
অভ্রান্ত-পথের বাঁকে বর্তিকা-ধারিণী,
জ্ঞানাজ্ঞানে সন্ধ্যা দিও জ্ঞানানন্দরাণী ।
গুঞ্জমা ভ্রমরা ধরে, ওঙ্কার ঝঙ্কারে,
উদ্যোগি সামগা সতী ; দে গো ধ্বতভুজে
অঙ্গুলি চম্পককলি সুরসপ্তমায়,
গোবিন্দ নিগুণো গুণী চরিতার্চনায় ;
লো ব্রহ্মবাদিনি ওই ভগ্ন আঘাটায়
বাজিল মোহন-বাঁশী বাঁধ মা বীণায় ।
কবীশ গণেশে বন্দি, চন্দ্রচূড়ে ভজি,
অচ্যুত-নির্মাল্যভূতা শৈলসুতে পুজি,
নিরাধারা ব্রহ্মময়ি হুর্গে বোধনিয়া,
গুভারস্ত আরস্তিল মালধ-পাপিয়া ।
আদি কবি বাম্বীকির পদাশুজে নমি,
যাঁহার অমর বীণা গাহি রামায়ণী,
ছন্দোপকরণে পদ্য নৈবেদ্য গাঁথিল,
প্রথম বেদের কণ্ঠে কাব্য-স্বর দিল ;
কবি-গুরু বৈশ্যায়নে সাষ্টাঙ্গে প্রণমি,
যাঁর বাণী সভ্যতার লিপি পুরাতনী ;

নট ।

কেশবাজ্জুন

যাঁর জ্ঞানাঞ্জন-লেখা শ্রুতি সাংখ্য যোগে,
কবি-কল্পনার শিল্পে কলাবিদ্যা-ভাগে,
আর্য্য-আভিজাত্যতায়, ধর্ম্য প্রেরণায়,
অবৈতাগ্নে নির্দেশিল পরিপূর্ণতায় ।
যাঁহার ভারত-কাব্য-বারিধি-ভাঙারে
অর্দ্ধাধিক বেদ-তন্ত্র মগ্ন স্তূপাকারে
সে বাগ্মিমণ্ডলাচার্য্য সরস্বতী-বরে,
প্রথম কাব্যের যোনি বান্ধীকিপ্রবরে,
পূজার্য্য পুষ্পিল কুঞ্জ-লতিকামণ্ডলে ।
শঙ্কর শিবাবতারে পরহংস-মঠে,
স্থাপিয়া সর্ব্বতোমুখী স্মৃতির স্তবকে ;
ষে দণ্ডী বিবেক-মুণ্ডী আত্মযোগ-বলে,
আর্য্যের স্থাপিল ধর্ম্য বৌদ্ধ-দাবানলে,
যাঁহার উদার তর্ক সিদ্ধান্ত-কৌমুদী
ভিক্ষুর মোহান্ধকারে দীপ্তিল দীপালি ;
স্মরিল কনকাঞ্জন দীপাঞ্জলি রাগে,
তাপসে বনতোষিলী বেলা ভাষ্য বটে ।
ভবভূতি ভারবির ভাবে বিভোরিয়া,
ভক্তিগাঁথা জয়দেবী চ্ছন্দে কুহরিয়া,
বিদ্যাপতি চণ্ডীদাস কীর্ত্তনে মাতিয়া,
গৌরাঙ্গে নাচিয়া, রামকৃষ্ণ করতালে
বাক্‌দেবতা পল্লীবাটে মহোৎসব করে ।

উদ্বোধনী

নটী । * এ শুক্লা মাধবী রাতে কে রে ব্রজবাসী
উদাসী বাজাস্ বাঁশী, ভারতী-মন্দিরে
কে পূজারী, বন্দিছ মুরারি ? ধূপ-গন্ধে
হোমানলে হর্ষে দেবালয়,—গীতাঞ্জলি
ব্রহ্মযোনি বাগীশ্বরী গায়,—বহুবর্ষ
জীর্ণ-তন্ত্রী—বীণা-যন্ত্র ছিল অজানায়,
ভুলি মহা-কাব্য ভজনায়—কে ‘রে’ তার ?
ছেঁড়া তারে দিলি বেঁধে নবীন বন্ধার,
প্রভাকর কাব্য যুগে ফেরালি আবার ।
যে নব্য-সঙ্গতে গাহি শ্রীমধুসূদন,
বীরমঞ্চে রামায়ণী-গীতি,—ঘুমাইল
আলশ্চের মহাঘুম-ঘোরে,—দূরাগতা
মহাগীতি শুনাইয়া বিশ্ব ভারতীর,
সে সুরবাহার গন্ধী যুগ অবেলায়
কে রাত-ভিখারী পুনঃ আরতি বাজায় ।

নট

ভাগীরথী-তটভূমি মুখর করিয়া,
যে শব্দ-ভরঙ্গে বঙ্গে নদের নিমাই,
জ্ঞানের কনক-শঙ্খ, প্রেমের আরতি
করিয়া মঞ্জিল পুণ্য নবদ্বীপ-ভূমি ;
সেই অনাহত ধ্বনি, কুহরে মুখরা ;
সেই অনবদ্য সুর বন্ধারে উদারা ;
ভট্টপল্লী-অংশুমালী জ্ঞান-গরিমায়,

কেশবাজ্জুন

সেথা এ কাব্যের মোহ-মুদগর-তাড়নে,
লজ্জি প্রতীচীর জড়-বিজ্ঞান স্বপনে,
যদি এ পল্লীর প্রাণ হর্ষে প্রেমালোকে,
বন্দিছে বাণী-মন্দিরে কাব্যপরভূত,
ভট্টকবি কলকণ্ঠে কৃষ্ণকথামৃত ।

নটী । এতটা ভগিতা কেন—প্রেমের নিমাই
 প্রেমাঞ্চলে যে জীবন ছ'হাতে বিলায়,
 সে কণা পাইবে কোথা ? কি ঢঙে কোতুকী,
 মৃদুমন্দ রাগে গাহ মিঠান বৈঠকী ।

নট । শুন প্রাণসই, ছিল পুণ্যশ্লোক এক,
 ভট্টপল্লী গ্রামাঞ্চলে ভক্ত মহাভাগ ;
 ধর্ম্মাচারে আত্মস্তুরী, ঈশ্বর-প্রেমিক ;
 নির্ভীক বিদ্যোৎসাহী নৈষ্ঠিক শ্রমিক ;
 প্রজ্ঞা-সুখান্বেষী, আত্মভোগে বীতরাগ,
 কলির যুগান্তে সত্য পুষ্পের পরাগ ;
 আবাল্য সাংখ্যিক দ্বিজ ত্রিসন্ধ্যা পুজারী,
 সংসার আশ্রমে যথা আরণ্যকাচারী,
 মুদিল শেষের ডাকে নয়নতারায়
 শ্মশানের কুহেলায়, শান্ত মহিমায় ;
 সে পর-পারের যাত্রী—বিদায়ে কীর্তন ;
 এ কাব্যের মঙ্গলাচরণ ।

নটী ।

কীর্তনাজ

উদ্বোধনী

কোথায় কাব্য্যভিনয় ? যে নাট্য-উৎসবে
ভগ্নকল্পী নাম-গীতি ঝঙ্কারিতা হবে ?

নট । সেদিন জাহ্নবীতটে, সান্ধ্য-বিচরণে,
দেখিও পূজারী মঠে, শুদ্ধমিতাচারে,
করে পাঠ অমিয় চরিত—পুরোহিত
সম্বোধি সুরেন, তথা সভ্যে কথকিল,
লোলগ্রহী গ্রহ পুরাতনী - মধু-হন্দে,
হেমকান্ত ভাবানন্দে, বঙ্কিম-ভাষায়,
কি যেন শ্রীহরি গুণ তথৈব নিগূর্ণ
মুক্তায়িত হ'ল পদ-লালিত্য-প্লাবনে ।
সে বৈঠকে ছুটি দৃশ্যে ঝঙ্কারিল বীণা,
শ্রুতিস্বাদ মিটিল না—অতেন্দুকিরণে
একদা বাসন্তী সন্ধ্যা উদ্ভাসিতালোকে,
অলকানন্দের পথে, সুরেন শ্রোতায়
ভেটিলাম বিস্মিত পুলকে,—সুধাইলে
কাব্যের বারতা, আছোপাস্ত বর্ণিল সে
জাতিস্মরতায় ।

নটী । শ্রোতার অল্লায়ুঃ ভাষে
কেমনে গুনিলে রাস ! জ্ঞানোজ্জল দেশে,
কি সাহসে গাহ বঁধু খণ্ড-নাটিকায় ।

নট । খণ্ড সে কাব্য্যভিনয় নহে লো ভারতী
কাব্য্যমোদী স্বয়ম্ গাহিলে কবি, তারো

কেশবাজ্জুন

ভুল হ'ত ; শ্রুতিধর অভ্যস্তপূর্বের
কীর্তনে অশ্রুতপূর্বে আগন্তু গাহিল ।
দেহমুক্ত আত্মারাম স্মার্তানুশীলনে
প্রভূত সামর্থ্যবান দেহভূত হ'তে ;
কবির পার্থিব রসে, উর্দ্ধ রসামৃত,
কি যেন কাব্যক্ষে মৃতসঞ্জীবনী দেছে ।
কল্পপূর্ব জাগরণে জন্মান্তর দিয়ে
গোরাঙ্গের নববঙ্গে দেছে পৌরাণিক ।
কাব্যের সে মধুচক্রে ষড়্ রসামৃত
প্রচুর ভরিয়া দেছে বিদেহী স্নহদ
পূতাত্মার কথাচ্ছলে মৃত বন্ধু-মুখে
সুকাব্য কেশবাজ্জুন পেল উর্দ্ধলোকে ।

নটী ।

চল মিত্র, কুশীলবে করিয়া আহ্বান,
দেব-ভবনের ভগ্নঘাট আলিচায়,
সুকাব্যভিনয়-কুস্তে, ভক্তি নারায়ণী,
দ্বারিকানাথের তীর্থে করি গে বর্ষণ ।
স্নহদ মস্তিত শ্রাদ্ধ বার্ষিক বাসরে,
নামামৃত বঙ্গালয়ে হোক বিতরণ ।

নট ।

দাস্ত-প্রেম-ভক্তি গাঁথা নব্য অভিনয়,
সঙ্ক্যারাগে আরম্ভবে বন আঙিনায়,
অশ্রুট কিশোর কণ্ঠে ; যাই দেবযোনি
বঙ্গের সমাজে দিব নব বঙ্গবাণী ।

উদ্বোধনী

নটী । বঙ্গের সমাজে যান দিতে সমাচার !
বঙ্গ তো উৎকীর্ণ কর্ণে করিবে শ্রবণ !
পল্লীবধু গৃহাঙ্গনা তার বিনোদনে,
হয় ত শক্তি নাই, গেলেন হাঁকিতে
বঙ্গের বিশাল প্রাণে, যে কাব্য-কাননে
বাজে ঠাকুরের বাঁশী বিহঙ্গ প্রভাতী
মারে সুর সাগরের পাড়ি, কিবা তাঁর
ভাষার বৈচিত্র্যে, পদলালিত্য কলার,
বৈজয়ন্তী কল্পনা অলকা, অতি উচ্চ
ভাবকের ভাবের উৎসব ; যে উচ্ছ্বাস
কাব্যামোদী সিন্ধুবুকে জাহ্নবী-প্রপাত ;
তথাপি এ মহাকাব্য মন্ত্রপূত এক
ষাহার প্রথম নাদে টুটিবে কপাট,
সেটী বৃন্দাবন বেণু বাদিত নিনাদ ।
সে বাঁশী বাজিলে দেশে গৌরাদের ভোলে,
আর কিছু চাহিবে না কাব্য-কোলাহলে ;
নবান্ন কেশবার্জুন নেবে মাথা পেতে,
সুধী সত্যে সম্ভাষিয়া কাব্যাভিসারিকা
বাজাল মাদল মৃদঙ্গে গৌরচন্দ্রিকা ।

[উভয়ের প্রস্থান]

আদি পর্ব

প্রথম সর্গ

স্থান—যমুনাতীর-সংলগ্ন বনপ্রান্তরে শিলাখণ্ডে অর্জুন
একাকী উপবিষ্ট । সময়—অপরাহ্ন ।

অর্জুন । প্রভাবতী উষসীর শিশু নবারণ,
অলক্ত জননী-স্নেহচুষনে তরুণ ,
যে বিধি-বিধানে, ক্রমে মধ্যাহ্ন-যৌবনে,
উতরি পড়িছে ঢলি সাক্ষ্য ছায়াপথে ;
নিয়ন্তার সে গূঢ় সঙ্কেতে, নবজাত,
তথা, মাতৃস্নেহনীড়ে অজ্ঞানভিভূত,
সে দিনে যে ছিল গুহ্র-শিশু—সে কৈশোর
উপকণ্ঠে আজ, মন্ত্রমুগ্ধ বাহে মরু-
মরীচিকা ভ্রমে, ক্রমে দুঃখ-কণ্টকিত
ঘর্ম্মাক্ত যৌবনে । রুদ্ধজ্যোতিঃ মধ্যাহ্নের,
হেরি অন্তমিত-প্রায় বনস্পতি-শিরে,
অন্তর আশঙ্কাকুল ব্যথায় চঞ্চল ;
সদা ভয়—ভাগ্যের কুহক মন্ত্রশক্তি
ছলনায় ; যৌবনের ক্ষুব্ধ অবেলায় ;

বাসনা করকাকীর্ণ প্রাবৃত ঝঞ্ঝায় ;
 নগণ্য জীবনভরী পাছে ঘূর্ণিকায়,
 কোথা ডুবে যায় ; যথা তৃণ পথহারা ।
 কে দেখাবে পথ মোরে—কে দেবে বলিয়া
 কি অন্তে অন্তরক্ষা মিটিবে আমার ;
 বিশাল বারিধি-বেলা, দেখি স্বপ্নদোলা ;
 বৈশাখী বিদ্রোহী বায়ু করে রঙ্গ-লীলা,
 এ ভাঙ্গা সংসার-ঘরে অভাব-দোলায়,
 কি দিয়ে অশান্ত প্রাণে রাখি সান্ত্বনায় !
 হে বিরাট ! মাতৃকণ্ঠে মন্ত্র গুনিয়াছি,
 তুমি পরমেষ্ঠদেব এসেছ অতিথি,
 আমাদের নিকটস্থ আত্মীয় সদনে ;
 বিকাশ হে বিশ্বন্তর, মহতো মহান,
 ত্রিপাদে অঙ্কিত যার বিশ্ব চরাচর,
 সর্বস্থিত যার সীমানায়, যিনি মাত্র
 দিগন্তর অসীমের সসীম আধার,
 সমক্ষে লোকচক্ষুর ; এস বাঞ্ছারাম,
 এস অন্তরের ধন ; আজন্ম বাঞ্ছিত,
 এস গো স্বয়ম্ভোজ্যতিঃ স্বরূপে চিহ্নিত
 জগজ্জ্যোতি পূর্ণাবতারের সত্যরূপে
 হও স্বপ্রকাশ—কে আছে এমন
 তোমারে চিনাতে পারে ? তুমি না চিনাও

যদি অচিন্ত্য মনীষা ; অদূরের বধু,
 ললাটে সিন্দূর-লেখা কোকিল অঞ্জনা ;
 হৃদয়ে সুষমারতি, পুষ্প মধুমতী,
 কুরঙ্গ কটাক্ষময়ী, দ্বীপান্বিতা বেণী,
 শ্রীকান্তে আরতি করে বন-বিনোদিনী ।
 বিজনার এ পূজা-পদ্ধতি —এ নাটিকা
 বাসন্তদেবীর—কিশদন্তী বৃন্দাবনে,
 বাঁশরী পাগলপারা রতিসুখভূতা
 পতিতা রাধা কুঞ্জের সুরের নকলী ।
 কে বট বালেন্দু-শুভ্র, মধুর-দর্শন,
 মুন্ময় পীযুষকান্তি প্রফুল্ল স্তনু,
 সোহহম্ ব্রহ্মণ্যদেব বালবেশী কানু,
 আসে কে স্বভাব শিশু—অহো অভ্যাগত,
 গোস্বামী তরুণাদর্শ শুক প্রভুপাদ ;

(শুকদেবের প্রবেশ)

প্রণতঃ চরণাস্থজে কিঙ্কর ভারত ।
 শুকদেব । শুভমস্ত তাত ! সাত্ত্বিকী বাসনা তোর,
 অব্যক্তে করেছে ব্যক্ত মানব-কল্যাণে ।
 শোন ভাগ্যবান্, শুক আগমন হেতু
 বাহি দীর্ঘপথ ; সবীজ সমাধিযোগে
 হেরিয়াছি আমি ওই বিপুল বিরাটে,

তুমি যা পূর্বাহ্নে ভাব-প্রত্যক্ষ করিলে
 ব্রহ্মজ্যোতি বিরাটের ;—দেখেছি পার্থের
 সারথ্য আসনাসীন কপিধ্বজ রথে,—
 তারকব্রহ্ম সে নরসারূপ্যে বিরাজে ;
 যোগাস্তে জনকপদে, পুলকিত প্রাণে
 নিবেদিলে ধ্যানাগম ; সাক্ষেভিল ব্যাস
 ওম্ নাদে ; দৈববাণী দিল' মহাকাশ ;
 গুকের সমাধিগম্য দৃশ্য মনোরম,
 অচিরে ধরণীবক্ষে হবে অভিনীত ;
 তাই বৎস ! আসিয়াছি হেরিতে কেমন,
 শোভিবে মৃণালকান্তি গোবিন্দ সরোজে ;
 কৃষ্ণাজ্জুন কবে লোকে—করি বর দান,
 এ মহাসঙ্গম তীর্থে কর মুক্তিস্নান ।

অজ্জুন । গুণাততী ব্রহ্মবিদ্ গুরো—রাষ্ট্রগুরু
 কুলপতি ব্যাসের মানসাত্মজ ! এ যে
 উদ্ধমূল বাসনার প্রাজ্ঞল বিকাশ ।
 এ আদর স্নেহাধিক স্ফটিক ভাস্বর ;
 এ আশিস্ ঐশ্বরিক স্ফুট প্রত্যাদেশ ।
 ঋষিবরে আজি মোর সিদ্ধ মনোরথ,
 গুণিলাম, তৃষিতের তড়াগ আহ্বান ;
 মন্ত্রপূত হ'ল আজ, ভবিষ্যের দৃঢ়
 অঙ্ককারে—সবিতৃমণ্ডলমধ্যবর্তী—

সরসিজাসন—কনককেশ্বরবানে
 পেয়েছি সন্ধান ; আর কি ভাবনা গুরো !
 এবার ত্রিলোকপূজ্য ধরিব স্নন্দরে ।
 সে মোর পরমারাধ্য পড়েছে শৃঙ্খলে ।
 গুরুদেব । অরে, পার্থ—গুন ভক্তি-স্বভাব মাধুরী,
 হরিভক্তি-প্রদায়িনী পূজার পদ্ধতি ।
 ভক্তাধীনা হরিমতি—কিন্তু হরিবোলা,
 সেবাদাসী আশ্রামে গুধু ; অহমিকা
 বিষকুস্ত দস্ত পয়োমুখে—ষড়্‌রাগ
 উদ্দাম নবযৌবনে—প্রভুত্ব খেয়ালে
 উঘেলিত হ'লে ; কামনার ক্রীতদাস্ত্রে,
 কার সাধ্য গুরু সত্ত্ব গোবিন্দস্নন্দরে,
 হৃদ-মন্দিরে ধ'রে রাখে ; ইন্দ্রিয় প্রবল
 সবলে ডুবায় কাম—জীর্ণ সে ভেলায়,
 নাবিকের অবেলা থিয়ায় । নির্ভরতা
 আসক্তি নিধুতারতি—প্রীতি ভালবাসা
 ব্রজাঙ্গনা কৃষ্ণাশ্রয়িতায় ; তপ, হোম
 বেদোক্ত বৈদিক যাগ—জ্ঞানরজ্জু ; পোত
 সহায়ক ; নহে কিন্তু তরীর তারক,
 জীবন্তে চরমোৎকর্ষ শ্রীহরি সঙ্গত ।
 এ কারণে নিমজ্জিতে সে সিদ্ধ-সোহাগে,
 সত্য যদি জাগে অনুরাগ ; ওম্ হরি

জপ্যমান রহ দিন-রাত ; মৈত্র পাতে
 বিশ্ব পরিবারে ; ভক্তিপুষ্পে প্রেমিকের
 বঞ্জ তাঁর রাতুল চরণ—ধ্যানযোগে
 মানস প্রত্যক্ষ কর হিরণ্যয়ী ছবি,
 পদ্মনাভ, সবিত্তমণ্ডলমধ্যবর্তী,
 তবে সে সত্যের সত্যে চিনিবে কদাপি ;
 প্রশান্ত পরমানন্দ আসেন যতপি ।
 আসি বৎস—হের অস্তাচলাবলম্বিনী,
 জগত-প্রসূতি আত্মা আদিত্য বিভূতি ।
 ব্রাহ্মণ প্রসাদ পেও—অচিরে হেরিও
 উদ্যীত আনন্দ-ঘন ভূমা চিদাকাশ ।

অর্জুন । ভগবন্—গুরুব্রহ্ম—হে মুক্ত-স্বভাব,
 কি গুরুদক্ষিণা আজ দিব এ মন্ত্ৰের ;
 আছে এ নৈবেদ্য প্রাণ উৎসর্গ দিলাম
 ত্রীশাদ-পঞ্চজে, প্রভো, কর দৃষ্টি-ভোগ ।

গুরুদেব । এ নহে মন্ত্ৰের দান ; প্রারদ্ধ স্বভাবে
 উদ্বুদ্ধ করেছি, জ্ঞানের তত্ত্বাবেষণে ।
 হইও স্বকৃত মন্ত্ৰশিষ্য কেশবের ;
 আমি উপগুরু তোমার ; শিক্ষা প্রাথমিকে
 রোপিত সংস্কারে, সত্যে প্রত্যক্ষকরণে ।
 যাই বৎস—ব্রাহ্মণ্যের প্রত্যবায় ঘটে ;
 না পুঞ্জি অর্দ্ধান্তরূপে জ্যোতিঃ স্বরূপের ।

অজ্জুন । বিদায়—বিগলিতাঙ্গে করি প্রণিপাত,
নমো নমঃ তাপসেন্দ্র তরুণ সম্রাট ।

[শুকদেবের প্রস্থান ।

কি সুন্দর এ সন্ধ্যার নাট্য প্রহেলিকা,
স্নাতক করিয়া গেল শ্রীমণিকর্ণিকা ।
এ কি মোর ব্রহ্মজন্ম দিলেন ব্রাহ্মণ ?
করিয়া ব্রহ্মোপদেশ হরি-মন্ত্র দান ।
শুন ওরে জীবগ্রাম চরাচরবাসী,
শুন গো অশ্বরলোকে দেব-পারিষদ,
ভেদি ধরাভল, শুন রে অনন্তনাগ,
আর যত আছ লোকপাল—ব্রহ্মবিষ্ঠা
আরম্ভ করিল সিদ্ধ পুরুষ আমার ।
জ্ঞানাজনে উদ্বাটিল দ্বার ;—ভাগ্যবান
মোর সম কে আছে কোথায় ? কে কোথায়,
লভিয়াছ নারায়ণে সাম্য আঙিনায় ?
যোগীশ্বর ঈশানের সমাধি-সম্পদে,
রত্নেশ্বরী কমলার চিস্তামণি ধনে,
অক্ষর-পরমব্রহ্মে—আগন্তু অমৃত,
চিন্ময় হরধিগমে বিনা সাধনায়,
লভিতে চলিল পার্থ গুরু-করণায় ।
দীননাথ—হে অনাথনাথ—পতিতের

অনন্ত আশ্রয়—ভক্তের আশার আলো,
 মুক্তির প্রদীপ—প্রত্যয় কি হয় প্রভু,
 মোর রথে জগন্নাথ হবে অধিষ্ঠান !
 শুক-উপদিষ্ট মন্ত্রে হই সন্দিহান ;
 জানিয়াছি মনোবাঞ্ছা-কল্পতরু তুমি,
 বড় সাধ জাগে প্রাণনাথ—প্রাণসখা
 বলি তোমা করিতে আহ্বান—রামায়ণে
 চণ্ডাল গুহকে যথা মিতাল রাঘব,
 সে ব্রাহ্ম মৈত্রেয় স্নুখে ভাগ্যবান ক'রে ;
 বর দত্তা আৰ্ঘবাণী ঋতন্তরা-রেখো ।

(ভীমের প্রবেশ)

ভীম । অর্জুন ! অর্জুন ! শার্দূল-শাবক দেখ,
 হত গদাঘাতে ; গিয়াছিনু বনান্তরে
 মুগয়াষ্মেযণে—প্রাণপাতে তন্ন তন্ন
 করেছি সন্ধান—হেরি অস্তাচলচূড়ে,
 হতাংশ মার্ত্তণ্ডদেবে,—ভগ্নমনোরথে,
 ফিরিতেছিলাম তব সন্ধান-উদ্দেশে ।
 মধ্যপথে হেরিলাম মুগারি শার্দূলে ;
 লক্ষ্য করি ভীম গদা করিহু নিক্ষেপ ;
 ব্রষ্ট লক্ষ্য, গদা তার শিশুর গ্রীবায়

যমদণ্ডে করেছে প্রহার—পশুরাজ
 পলাইল প্রাণ লয়ে ফেলিয়া শাবকে
 কৃতান্ত-করাল-করে । এ স্নেহ-কার্পণ্য
 পিতৃদেহ—প্রাণে মোর বাণ বরষিছে ।
 রুধির-প্লাবিত মুখ যতই নেহারি,
 ততই বিদীর্ণ হয় বক্ষ এ ভীমের ;
 অশ্রুধারা বহা চলে দেয়—হা ভারত !
 বিধাতার অভিশাপক্রপী, শিশুহত্যা,
 ভীমবীৰ্য্যে বিভীষিকা করে উদ্দীপন ;
 ক্ষত্রিয়ত্ব বিচূর্ণিত আজ—ক্ষতবীৰ্য্য
 ভীমসেন জ্যেষ্ঠপদে কি দিবে উত্তর ।

অজ্জুন । মধ্যমার্য্য, ভগ্নগ্রীবা শার্দূল-শাবক,
 কি এক অক্ষুট ছবি ভবিতব্য রাগে,
 ফুটায় হৃদয়াকাশে অলক্ষিতালোকে ।
 জানিনাক দুর্ভাগ্যের কোন লহমায়,
 যমদণ্ডাঘাত সম, অত্রান্ত নিক্ষেপ
 শূলভূজে শূলক্ষেপ যথা, ব্রহ্মমহু
 উদগারিত যথা অভিশাপ, লক্ষ্যভ্রষ্ট
 হয়ে গেল ; একদিকে সৌভাগ্যের
 বৃহস্পতি দশা ; নরের মোক্ষার্থ লাভ ;
 দীনের সম্রাট-পদ ; বিধি করুণার,
 উৎকৃষ্ট অদৃষ্ট-পূর্ব দানে পূর্বরাগ ।

পক্ষান্তরে, অতি তীব্র তীক্ষ্ণ অভিষাপ,
 জর্জরিত নিন্দা-হলাহলে ; পুরঃসর
 বাসন্তী-পূর্ণিমা নিশি ফুল্ল জোহনায়,
 অকস্মাত্ বনঘটা বৈশাখী ঝটিকা ।
 দ্বারে হর্ষে অভ্যাগত ব্রহ্ম মহাজন,
 অভ্যন্তরে শিশুহত্যা কাণ্ড বিভীষণ ;
 চির-প্রহেলিকাময়, দাদা, বিধাতার
 অদ্ভুত বিধান ; সর্বদাসুন্দর বুঝি
 হয় না কোথায় ? যা হবে তা হোক আর্ষা,
 কি হবে ভাবিয়া ;—কক্কে মৃগরাজ-শিশু,
 হৃদে ভক্তি নারায়ণী, বহিবে এ বাহু
 মৃগয়ায় পুরস্কার—দানিব অগ্রজে
 প্রথম গুরুদক্ষিণা মৃগয়া দীক্ষার ।

ভীম ।

রে অর্জুন ! আত্মপ্লানি-জর্জরিত প্রাণে,
 এ তোর সান্ত্বনা যেন সুধার প্রলেপ ।
 কিন্তু তোর ভাষা-লিপি অজানা গন্ধের,
 যেন কি সম্বাদবাহি ; সত্য বল মোরে ;
 কিশোর বালক বোধে, ষমুনার তটে,
 রেখে গেছ নিরাতকে—না নিলাম সাথে,
 ভীষণ হিংস্রকাকীর্ণ ভয়াকুল বনে ;
 ইতোমধ্যে কি সৌভাগ্য ফুটিল তোমার,
 ক্ষুর্ভি যার হাশ্বানলে দিল স্বর্ণরাগ ।

বল মোরে প্রাঞ্জল ভাষায়—শুনে ভীম
 দাবানল-দগ্ধ হিয়া করে স্মৃতিতল ।
 অজ্জুন । এ ঘটনাচক্রে ভাষা পারে না বর্ণিতে,
 এ যে আর্ঘ্য, অঘটনপটায়সী দয়া ।
 সর্বশাস্ত্র নিগমের চিন্তার অতীত !
 প্রথর মধ্যাহ্নে যবে রাখি নদীতীরে
 সশঙ্কিত প্রাণে—স্নেহ-স্বভাবে দুর্বল,
 আত্মাসিয়া ফিরিবে অচিরে,—চ’লে গেলে,
 আমি একা, বিবিধ চিন্তায়,—আত্মহারা
 অপেক্ষা করিতেছি পুনরাগমন ।
 সে ভাব আবেশে—প্রাচীকণ্ঠে পৌর্ণমাসী
 শশী—প্রতীচীর রক্তারুণারুণ, আসি
 তেজঃপুঞ্জ বাগ্মিবর সাধু—শুনালেন,
 ঈশ্বরের আগমনী নিধু—“ভাগ্যবান !
 ধ্যানযোগে ত্রীগোবিন্দে কপিধ্বজ-রথে,
 পার্থ সাথে-করেছি দর্শন”—আরণ্যক
 বেদব্যাস শুনি তার পুঞ্জ-নিবেদন,
 ওম্ নাদে হরষিল ;—দিয়ে কাম্যবর,
 তপস্তা-প্রসূত সেই সিদ্ধ নবারুণ,
 অন্ত্রমানে অর্ঘ্য দিতে গেল । মধুমতী,
 এ হেন পরমানন্দা সোভাগ্যের ঝুলি,
 কে কোথা কুড়ায়ে পায় ? প্রেমরসে


মাতিল পরাণ, বাসনার স্নিবিড়
 রেশমী অঞ্চলে—সুখনিদ্রা পেতেছিল,
 যে তন্দ্রা করুণাহ্বানে, খুলিল পলক ।
 চল দাদা, যাই গৃহে,—ছায়াময়ী নিশা
 অস্পষ্ট করিছে ক্রমে দূর বনপথ ।

ভীম ।

চল ভাই স্নেহের মাণিক, শুনি তোর
 অদ্ভুত বারতা,—বিস্ময়-কারুণ্যে প্রাণ,
 নিতান্ত শিশু-আহ্লাদে হতেছে চঞ্চল ।
 যজ্ঞান্তে যাজ্ঞিক দেয়, সোম মধুপানে,
 উৎকণ্ঠিত অস্ত্রবাসী যথা ; তেমতি এ
 আশ্বাসিত গোবিন্দ-মিলনে—সোমসিদ্ধ
 পিপাসায়—অতিষ্ঠ হতেছে প্রাণমন ।
 এ সুখ, চিস্তার স্রোতে করে কণ্ঠরোধ,
 যথা রুদ্ধবেগ অন্তঃসলিলা ফল্গুর ।
 চল ভাই গৃহে যাই ; এ উৎসব-রাগ,
 জ্যেষ্ঠ তারে না বাজিলে হবে না স্মতার ।
 স্নেহাতুরা এতক্ষণ হুঃখিনী জননী
 ভয়াবুল পুত্রগণ সহ—না জানি কি
 হুশিচিস্তার তীব্র তাড়নায়—হতেছেন
 কত না কাতর—ভুলি নাই স্মধ্যম,
 মাতৃকণ্ঠে আমরা পাঁচটি ভাই—হলি
 একবৃন্তে পঞ্চফল পঞ্চামৃত-রসে ।

যে কোন পাণ্ডবোৎসব গেষ্য অভিনয়ে,
 পঞ্চাননে নিনাদিত ; অন্তথা অজ্ঞেয় ।
 প্রণমামি বনভূমি গুরুমহাসন
 আবার আসিলে দেবি দিও মা চরণ ।

[উভয়ের প্রস্থান ।



দ্বিতীয় স্তম্ভ

স্থান—দ্বারকাশ্রম, সময়—পূর্ববাহ্ন
কৃষ্ণ ও বলরাম উপবিষ্ট

শ্রীকৃষ্ণ । আৰ্য্য ! মহারাজ উগ্রসেন,—গুনিতেছি
বৈষ্ণৱাজে জিজ্ঞাসু আলাপে,—জানিয়াছে,
অদ্রুস্থ মরণের দূত,—অপেক্ষিছে
দিবসান্তরালে ; একান্ত প্রার্থনা তাঁর,
মুমূর্ষু জীবনাধার জহু বালা-কোলে,
শেষ শয়নের শয্যা পাতুক অস্তিম্বে ।
আজীবন সহিতেছে, অসহ যাতনা,
কুপুলের দুর্কিনীত ঘোর অত্যাচারে ;
শেষ জীবনের এই সাধের বাসনা,
অশান্ত প্রাণের গুহ পুণ্য অভিলাষ,
যদি থাকে অভুক্ত তাঁহার,—দেহমুক্ত
দুঃখিত পরানী, দীর্ঘনিঃশ্বাসের বাণী,
বর্ষিবে যাদবোপরি কল্লাস্ত অবধি ।

বলরাম । হ্যারে হরি ! বেদকণ্ঠে এ কি মোহ ক'লি,
যার নাম—মরলোকে মৃতসঞ্জীবনী,
মৃতকল্লে, শিবত্ববোধিনী ; নামাঙ্কিত
সে ব্যক্তিত্বে যদি কেহ শুভদৃষ্টি পায়,

তার ইচ্ছা-পূর্ণতায় বিয় কে ঘটায় ?
 ভুলে কি গিয়াছ বিষ্ণু জাতিস্মরতায় ?
 অথবা চাতুরী শুধু ভুলাতে আমায় ;
 বার বার যদি মোরে করিস্ তাড়না,
 এ ছলায় রে মাধব,—সমুচিত দণ্ড
 দিব তোরে ;—সংসারের মোহ-ঘূর্ণিপাকে
 ভাসা তরি কর্ণধার কেবল ঘুরাও ।

শ্রীকৃষ্ণ : আৰ্য্য ! এ কি অহেতুক রোষানল তব ;
 অহোরাত্র সুরাপানে বিকৃত মস্তক,
 সদসদ, যা কিছু কহিব,—মন্দভাবে
 লবেন তখুনি ; না করি জিজ্ঞাসা যদি,
 নেশায় উদ্ভ্রান্ত এক উৎকট সন্ন্যাসে ;
 অমনি অবজ্ঞা দোষে দণ্ডেন অনুজ্ঞে ।
 মনে হয়, দাদা আর নাই ভালবাসে ;
 কিংবা সেই শৈশবের প্রেম-বিনিময়
 হ'ত মাত্র অভিনয় ; ছোট ভাই বলি
 অকপটে দাদা যদি করিতে আদর,
 অভিন্ন হতাম, তব হৃদয় হইতে,
 তবে কি প্রকৃতিগত অহেতুক রোষ,
 রামকৃষ্ণ-ভ্রাতৃত্বের জ্বলে বিষজ্বর ।

বলরাম । আরে রে, বন্ধিম ! সুরাপানে মত্ত আমি ?
 আর তুমি থাক, পূর্ণজ্ঞানে ধরাবক্ষে,

মহামিথ্যা করিতে রটনা ; হলনায়
 চাহ বুঝি লুকাইতে আধিদৈব ভাষ ?
 চূর্ণি তোর মায়াছাঁদ হলের ফলকে,
 ভাঙ্গিয়া বিশ্বের শিল্প দেখাব অচ্যুতে ।
 কৃষ্ণে নাহি ভালবাসে রাম ? রে কপট,
 এ কথা বলিতে তোর নাহি এল ভয় ?
 শৈশব হইতে যারে, হৃদি অন্তরালে,
 রাখিয়াছি অন্তর্যামী করে ; সঙ্গোপনে,
 প্রেম-প্রীতি-ভালবাসা হিরণ্যকুম্ভে,
 সাজাতেছি বরবপু যার ; প্রাণ-ভরা
 আশিস্ মঙ্গল, দেখি চন্দন-তিলক ।
 যার নিন্দা পশিলে শ্রবণে—ক্রোধোন্মত্ত
 বলরাম আহ্বানে প্রলয়ে,—সেই জন
 নিন্দে তারে কপট বলিয়া ;—এই সূত্রে
 ধরাবক্ষে ভালবাসা হয় অনাদৃত ।
 কৃষ্ণ বিনা বল রাম ছিল কোন্ দিন ?
 যোগনিদ্রা-ঘোরে যবে ছিলে সে নির্বাণে,
 আমার অনন্ত শেষে ; এ বিশ্ব জগত
 অণু-পরমাণু-গুচ্ছে ছিল লুকাইয়া ;
 গুণময়ী প্রকৃতির ছায়া চিত্রাবলী,
 নিগুণের মহাশূন্তে গিয়াছিল ডুবি,
 কোথা ছিলে সেই দিন ? ব্রহ্মজ্যোতীরেখা—

মাতৃগর্ভে জগ্ন যথা—অনন্ত শয্যায়—
রক্ষিত হইয়াছিল কপটের কোলে ।
শিশু যথা বয়ঃপ্রাপ্ত হলে—জায়া-পুত্রে
অনুরক্ত হয়ে,—বীজ-রক্তে স্নেহক্ষীরে,
হয় সন্দিহান, তেমতি এ লীলা তোরা ।

শ্রীকৃষ্ণ । ক্ষম আর্য্য, অপরাধ কৃষ্ণের তোমার ;
উদযাটিয়া বিস্মৃতির দ্বার,—প্রকৃতির
প্রাণহীনা ছবি—আর দেখায়ো না মোরে ।
প্রেম আশে রচেছি সংসার,—প্রেম-মধু-
আস্বাদনে উৎকণ্ঠিত প্রাণ ; চূর্ণ করি
মধু জাগরণ, দেখাও না অবাস্তব
অশ্রুট জগত ; অতি দীন প্রেমহীন
শ্মশান-কঙ্কাল ; হের আসিছে সাত্যকি,
অনুমানি সমাচার বহে অজ্ঞাতের ।

(সাত্যকির প্রবেশ)

সাত্যকি । রাম-কৃষ্ণ ! করি প্রণিপাত,—আসিয়াছে
বীর বপু,—জ্যোতিষ্মান্ ইন্দীবরনিভ,
আজ্ঞানুলম্বিত ভূজ ; দেব-আত্মা সম,
সুন্দর কশ্চিৎ যুবা প্রতিভা-মণ্ডিত ;
পরিচয়ে বিজ্ঞাপিল হস্তিনায় ধাম,
যাদবের পিতৃষসা কুন্তীর নন্দন—

অৰ্জুন-নামাধিকারী ; দর্শন-ভিখারী,
একান্তে যাদবপতি কৃষ্ণ-বাসুদেবে ।

শ্রীকৃষ্ণ । গুনিয়াছি অৰ্জুনের নাম,—পিতৃহীন
পঞ্চভাই ওরা ; লয়ে এস সমাদরে ।

[সাত্যকির প্রস্থান ।

বলরাম । দেখ ভাই, বোধ হয় অন্ধরাজ সনে
রাজ্য লয়ে বেধেছে বিবাদ ; অন্তরালে
থাকি, সবিশেষ করিব শ্রবণ—পরে
পরামর্শমত কার্য সাধিব হুঁজনে ।

আয় পার্থ প্রিয়তম—ভক্তচূড়ামণি,
তোরে লয়ে খেলিতে সংসারে, মধুমুগ্ধা
রাধিকায় বিসর্জন দেছি ; অপেক্ষায়
কত বর্ষ যায় ; আশিধারা অভিষিক্তা—
মর্ম্মবাণী প্রাণসখা মন্ত্রে আবাহন ;
প্রেম প্রীতি ভালবাসা পুষ্পাঞ্জলি গাঁথা,
দীর্ঘ অর্ঘ্য উপাসনা ; অহর্নিশ মোরে
করিছে ভৎসনা । কতবার সকাতরে
ডেকেছ আমায়, বাসুদেব এস, বলি
মুহুমুহু নিরাশ্রয়ে করিছ প্রার্থনা ।

পরিপূর্ণ সাধনা এবার—আয়—আয় ?
সাধ পূর্ণ কর তোর হেরি মাথুরায় ।

(সাত্যকি ও অর্জুনের প্রবেশ)

অর্জুন । কি মধুর ব্রজের মাধুরী ; কিবা স্নিগ্ধ,
নৃত্য নাগরালী ; কিবা মদনখঞ্জন
নিরুপম বাঁকা ঠাম ; নবঘনশ্রাম,
উজ্জল কৃষ্ণাজ জিনি সাক্ষ্য নীলিমায় ;
চন্দনচর্চিত তনু, বিনোদ বয়ান,
চাঁচর চিকুর কেশ, গলে ফুলমালা,
পীতবাস চক্রধর প্রেমের ঠাকুর
লাবণ্যের মোক্তিমায় ঢালা ; আহা মরি,
এত রূপ কোথা ছিল ? বড় স্তম্ভভাত,
প্রথম প্রণামাজলি দেই শ্রীচরণে ;
নমি—নমি, নমি স্বামী সাক্ষী সন্তমে ।

(নমস্কার ও অগ্রসর হওন)

শ্রীকৃষ্ণ । সুস্বাগত ক্ষত্রবীর ! কোন্ প্রয়োজনে,
সুদূর হস্তিনা হ'তে, কহ—কোরবের
এ শুভাগমন ; প্রকাশিয়া সবিশেষ,
ষাদবের চিন্তা দূর কর হে কোন্তেয় !
মহামতি পিতামহ, ভীষ্ম মহারথী,

জ্যেষ্ঠতাত অক্ষরাজ, পিতৃব্য বিহর,
 দ্রোণাচার্য্য আচার্য্য-শাদ্দূল, পিতৃষসা
 পাণ্ডুজয়া কুন্তী ভোজবালা, পঞ্চভ্রাতা
 পাণ্ডবেয়া, সকলে ত আছেন কুশলে ?

অর্জুন । বামুদেব, আপনার প্রশংসিত সবে,
 সবিশেষ আছেন কুশলে ; আসিয়াছি,
 তীর্থযাত্রা-ব্যপদেশে দূর দ্বারকায়,
 স্নদূর হস্তিনা হ'তে পৌরব কোন্তেয় ;
 প্রয়োজন গুহ্যতম, বামুদেব-পদে,
 মর্ম্মস্তুদ্র রহস্ত্য রঞ্জে ; নিরঞ্জে
 চাই সত্যঃ নিবেদিতে অন্তর্বেদনায় ।

শ্রীকৃষ্ণ । পথশ্রান্ত তুমি হে কোন্তেয়,—আতিথেয়
 যাদব-কুটীরে আজি করিয়া গ্রহণ,
 সম্মানিত কর আমাদের ; গভ-ক্লান্তি
 প্রমোদ-উদ্যানে বসি, দিবা অবসান,
 বিশ্রান্ত-আলাপে দৌহে করিব ষাপন ।
 হে সাত্যকি, তব শিরে অর্পিলাম আজি,
 ক্ষত্রবীর কোরবের আতিথেয়-ভার ।
 দেখ' যেন দীপ্যমান পৌরব-গৌরবে,
 করিও না হতাদর অঙ্ক অযতনে ।

অর্জুন । বামুদেব ! পরিতুষ্ট অতিথি তোমার,
 কোরবের যথাযোগ্য সহজ সজ্জমে ।

কিন্তু ক্ষত্র কোলীচের কুটুস্থিতা ভোগে
 আসি নাই স্বাধিকার-প্রমত্ত উদেগে ।
 যে বংশে ক্ষত্রিয় গুরু গাঙ্গেয় জীবিত
 বীর্যের সম্মান তার ক্ষোদিত তোরণে ।

(বেগে বলরামের প্রবেশ)

বলরাম । আরে—রে,—পাণ্ডব—বাতুল প্রলাপে যথা,
 তেমতি এ অসম্বদ্ধ বাক্যাবলী তোর ;
 রসনা সংযত রাখি নিজ প্রয়োজন
 সাবধানে কর বিজ্ঞাপিত—স্থির জেনো,
 ক্ষত্র-দম্ভ ক্ষমে নাক কভু হৃদয় ।

শ্রীকৃষ্ণ । আৰ্য্য, এ যে অতিথি কৌন্তেয় ;—পাহুজনে
 অসংযত অসম্মান দানে—কেন কর
 তীব্র অনাদর ; সনাতন গৃহধর্ম
 মহাপাপে হবে কলুষিত । আৰ্য্যনীতি,
 আতিথেয় দান—মহাধর্ম ভারতের ;
 সে ধর্মপালনে কেন, কহ আৰ্য্যগুরু,
 বিচলিত নেহারি তোমায় ? বিশেষতঃ
 গাঙ্গেয়-সম্মানে কেন ক্ষুর বলদেব !

বলরাম । অবশ্য ভীষ্মের কার্য্য—যোগ্য সুযশের ;
 তবু শ্লেষাত্মক বাক্য নহে মার্জ্জনীয় ।
 যদিও গার্হস্থ্য ধর্ম আতিথ্য-পোষক,

তথাপি অতিথি যেন ধর্মের পীড়ক,
নাহি লভে আত্মশ্লাঘা করিতে স্বেযোগ ;
করে নাই বলদেব নিন্দা অতিথির,
করিয়াছে কোরবের দন্তে শেলাঘাত ।

অর্জুন । যে সাধু সঙ্কল্পে আজো অপটু ভার্গব ।
শুনি লোকমুখে, যবে জরাসন্ধাসুর,
কংসের শ্বশুর,—আক্রমিল মথুরায়,
গোপালের মধু মথুরায়, যাদবের
মাতৃভূমিকায় ;—সে সঙ্কটে কোথা ছিল
ভীষ্মের গোরবে কুরু বীর্য যাদবের ?
পার্বত্য-প্রদেশ-পথে—আসি দ্বারকায়,
রাম-কৃষ্ণ বেঁচে আছে, অর্দ্রমৃত প্রায় ;
করে নাই ক্ষল যাহা করেছে গান্ধেয় ;
ক্ষত্রের বিশাল বৃকে অত্মপি জগতে ?
অক্ষত এ ক্ষত্রোত্তমে কে কোথা দেখেছে ?
হুনিবার, কোন শূর আছে এ জগতে ?
অপূর্ব ত্যাগের কক্ষে বীর্যের পাহাড় ;
আজন্ম অপরাডেয় শূরে কে নিন্দিবে ?
কোরবের ক্ষত্র তেজ জগত-বিদিত
হাস্ত্যাস্পদ দেখি তাহে—অমর্য প্রকাশ ।

শ্রীকৃষ্ণ । যদিও গান্ধেয় অতি শ্লাঘ্য বলবান,
তথাপি মানব দেবে কোথায় সমান ?

না হের, কোন্তেয় হেথা স্বয়ম্ভু উদয়,
মহাবীৰ্য্য রত্নাকর, দেব হলধর ।
ভার্গব পরাস্ত বলে ভীষ্ম-ভুজবলে,
কেহ কি বলিতে পারে কি ঘটিত ভবে,
বাধিত যত্নপি রণ ভীষ্ম-বলরামে ।
কংস বা শ্বশুর-ভয় ছিল না মোদের,
তবে দৈব মহাবলে আছে সদা ভয় ;
তাই ত লুকায়ে আছি শৈল-সান্নদেশে ;
বলদেব ঈর্ষা করে ভীষ্মের সৌরভে
এটা কি উচিত তব-কহিতে কোন্তেয় ?

অৰ্জ্জুন । অবিদিত নহে পার্থে দেব হলধর,
বহুশ্রুত সবিশেষ বীৰ্য্যের ব্যাখ্যান ;
শুনিলাম ভীষ্মকণ্ঠে পুনঃ সে দিবসে,
নারায়ণ পলায়েছে জরাসন্ধ-ভয়ে,
হুর্ভেদ্য গিরিসঙ্কটে ; তাই অসঙ্কোচে
এত কুৎসা নিবেদিলু এ বাদানুবাদে ;
এ নহে দন্তের বাণী, সত্যের ব্যাখ্যান ;
ব্রহ্মবীৰ্য্য বলাকর যদি হলধর,
মহাশক্তি পূর্ণ কলেবর, ভ্রভঙ্গীতে
যাঁর ত্রিলোক কম্পিত হয়, কেন তাঁর
ঈর্ষা ঘেষ উচ্চতম সন্তান গৌরবে ?
কহ আৰ্য্য, দেবতা কি স্তম্ভসন্ন নহে

ভীষ্মোপরি ? দেবতার—ভীষ্মের সদৃশ,
আছে কি সন্তান আরো ধরণীর বুকে ?
চিনি নাই তাই দোষ করেছি বাস্তবিক,
রূপণ নহিক কভু স্বয়ম্ভু সম্মানে ।
বলদেব রূপাভিক্ষা মাগি শ্রীচরণে ।

বলরাম । সন্তুষ্ট হ'লাম বটে বিনয়-বচনে,
কিন্তু ওই তীক্ষ্ণ শেল যাদব বিক্রমে,
ভুলিতে কি পারে হনু, কভু এ জীবনে ?
থাক রুক্ষ গোরবের—অতিথি লইয়া,
পাণ্ডবে ভ্যজিল কিন্তু রাম রীতিমত ।

অর্জুন । তথাপি সহস্র নতি করি শিবভমে,
প্রলম্ব ধেনুকহস্তা ডরি না যাদবে ।
কিন্তু মোরা পঞ্চ ভাই দেবতা-রক্ষিত,
আশ্রিত দেবতা-পদে ; দেবতার বরে
লভিয়াছি কোরব জীবন ; দেবভোগে
নিবেদিত আরতির পঞ্চদীপ-শিখা,
দেখো প্রভু, পঞ্চপাত্রে এ দীপ মাল্যের,
বিশেষতঃ মধ্যমানে, বঞ্চিও না কভু ।

বলরাম । প্রীত বড়, আমাদের করিলি পার্থ, সাধু-
ধর্মভানে ; চলিলাম তীর্থপর্যটনে ;
তোদের রহিবে হরি সম্পদে-বিপদে ।
আমি কিন্তু রাখিব না পাণ্ডব-সংস্রবে ।

[প্রস্থান ।

শ্রীকৃষ্ণ । দেখ পার্থ—সমুদ্র-মহনে, উপারিল
 হলাহল, ফণী যথা—সুধাভাণ্ড ভালে,
 তেমতি এ বিবাদের ফলে—লভিয়াছ
 অখণ্ডন দৈব শুভাশিস্ ; চল বীর,
 বিশ্রাম-আগারে তব, যেথায় সাত্যকি
 শিষ্যব্রতে গুরুসেবা দানিবে তোমায় ।

অর্জুন । পীতাম্বর—একবার বলেছি তোমায়,
 পুনরায় বারম্বার কহি শ্রামরায় ;
 আসে নাই ল'তে পার্থ অতিথি-সংকার,
 ক্ষিপ্তপ্রায় মস্তিষ্ক আমার ; শ্রান্ত নহি
 পথশ্রমে, ক্লান্ত বড় মনের আগ্রহে ;
 হারিয়েছি সদসদ শক্তি বিচারের,
 পূর্ণ কর আকাজ্জা প্রাণের,—বাসনার
 গুরুকণ্ঠে করি বারিদান, নিরঞ্জন !
 আশ্রিতে আশ্রয় দান কর অগ্রিমায় ।

শ্রীকৃষ্ণ । ব্যস্ত কেন হতেছ কোস্তের, সংসাহসে
 বাসনা নরের কভু অপূর্ণ কি রহে ?
 পূর্ণকাম হবে তুমি রথী, যাই আমি,
 বাড়ে বেলা ; যাও তুমি সাত্যকি সহিত ।

[প্রস্থান ।

অর্জুন । এসেছে মনের পদে—ক্রমে প্রভাতিবে ।

চল বীর সাত্যকি সূজন—কৃষ্ণদেশে
 আজি হ'তে শিষ্য তুমি পার্থ পাঠাগারে
 সাত্যকি । কৃতার্থ হ'লাম, লভি সদ্গুরু-সম্পদে,
 বরিস্ত তোমারে গুরো রণ-অধ্যাপনে ;
 অগ্রসর হন প্রভু অদূর আশ্রমে ।
 অর্জুন । কৃষ্ণাশ্রমে আশ্রমিত হ'লাম সাত্যকি,
 এ দিনের শুভবার্তা রেখো মনে করি ;
 চল শীঘ্র, তর্জনিছে কোপ-ছলা হরি ।

[উভয়ের প্রস্থান



তৃতীয় সর্গ

স্থান—পরশুরামের আশ্রম-বহির্ভাগ । বনপথ ।

কাল—পূর্বাহ্ন । কর্ণ একাকী আসীন ।

কর্ণ । ওঃ, এ কি দুর্দিন এল মোর ; ভেবেছিহু
অনুভের শাঠ্য কুহেলায়, ঈশ্বরের
আত্মন্তরী বিমনার দুঃস্থ অবেলায়,
শক্তি যা প্রলয়ঙ্করী করিব লুপ্তন ;
কিস্ত এক কীট হুঁরাচার, কীটযোনি,
কর্ণের প্রকাণ্ড শিল্প ছিন্ন ক'রে গেল ;
কোথা যাই, কোথা বা পলাই ; দিনমণি !
জগতের সুদর্শন সর্বজ্ঞ সাক্ষাত ।
বলে দিন—কোথা কর্ণ, এ দৈন্ত-দুর্দিনে
ক্লৈব্যের কলঙ্ককুষ্ঠে রাধিবে গোপন ;
ও কি ! মহাশূণ্ডে ছোটে বহির শলাকা ;
প্রভাতের বায়ুশ্বাসে অনল উদগারে ;
ওঃ ! কোহয়ম্ ! কে গো উগ্র প্রচণ্ড মধুর !
দয়া ক'রে পদাশ্রিতে দিন পরিচয়,
গলগদীকৃতবাসে, দিগ্ধে বরাভয় ।

(সহসা সূর্য্যের প্রবেশ)

সূর্য্য । বৎস, কণ মোর, আমি রে জনক তোর,
 পারিবে না চিনিতে আমায় । কোথা যাবি,
 আশ্রয়ের কিবা প্রয়োজন ? নিরাশ্রয়ে
 অধিষ্ঠিত সর্ব্বশক্তিমান—নিরাধারে
 ঈশ্বরের শক্তিবীজ লভে অঙ্কুরণ ;
 দেহ-কক্ষে হৃদাসরে মন পদ্মাসন,
 মুক্তপথে পেতে রাখ, আসিবে গৌসাই !
 জগতে তাজ্জীল্যকর, সূর্য্যের তনয়,
 ঈশ্বরের রোষমহু্য কর প্রজ্জলিত ;
 সে ব্রাহ্মী ভীষণা ভর্গে ভস্মীভূত হয়ে
 নির্বাণে মুছিয়া যারে ।

কণ । সূর্য্যাত্মজ আমি,
 কর্ণের কি এই পরিচয় ; স্নেহময়
 কোন্ ভাগ্যবতী নারী ভাস্কর-ওরসে,
 রতি দিল জন্মোৎসবে মোর ; বল পিতঃ,
 এ পাঞ্চভৌতিক দেহে কাহার সম্ভান ।

সূর্য্য । পরিচয়ে পৃথার তনয়,—পার্থ নয় ;
 সে কুমারী আজি বিবাহিতা, কুন্তীনায়ী
 পাণ্ডুর মহিষী ; বালিকার খেলাঘরে
 চেয়েছিল পরীক্ষিতে আৰ্ঘ্য করুণায়,
 বরলক্ষা হুর্কাসার সেবানুকম্পায় ।

হেরিয়া একদা নভে, নরাকুণ ছরি,
কুলক্ষেপে মস্ত্রে আরাধিল ; ভানুস্পর্শে
ঋতুমতী হইলে কুমারী—প্রসবিল
তোমায় কানীন ; লজ্জার হঃসহভারে
কুমারীর ক্ষুদ্রপ্রাণ, ত্যজিল সন্তানে,
তটিনীর তাড়িত-কল্লোলে—কণ্ঠাধর্ম্মে
দিয়ে সমাদর ; হ'ক বৎস—মাতৃপক্ষে
একটি নিশ্বাস তব করিও না ব্যয় ।
শোন কর্ণ, বিধাতার নিশ্চয় লিখন ।
শত্রুর জননী গর্ভধারিণী তোমার ;
কৌলীক স্বনামধন্তে ক'রো উপার্জন ;
ভিক্ষাভাণ্ডে মাগিও না কুলের সন্মান ।
বাই বৎস ! সাবধানে থাকিও সন্তান ।

[প্রস্থান ।

কর্ণ । পিতা স্বর্গঃ, পিতা ধর্ম্মঃ—তপোধন পিতা,
পিতার সন্তোষ পুণ্যে, তুষ্টি নিবেদিব,
এ প্রাণের ইষ্টদেবতায় ; কোথা পথ,
এই ত বুঝিছ সব ; পিত্রাদেশে রাম
করেছিল জননীর মন্তক ছেদন ;
আমি শিষ্ট তাঁর, মাতৃত্যক্ত জলে ভাসা
ছরন্ত সন্তান ; গুরুও করেছে ত্যাগ ;

মাত্র তুমি পিতঃ, এ হৃদ্বিনে আসিয়াছ

মৃতকল্প কানীনের জ্বালিতে বাসনা ।

যে বাসনা একদিন হয় ত জগতে,

ঈশ্বরের ভূমণ্ডলে, ভূমিকম্প দিবে ;

নয় ত গলিতাঙ্গারে স্বয়ম্ ভস্মিবে ।

(সহসা পাপের প্রবেশ)

পাপ । কে তুমি সৃজন, পার কি করিতে সেটা ?
 একবার শিক্ষা কিছু পার কি দানিতে,
 ঈশ্বরের দাস্তিক খেয়ালে ;—অত্যাচার,—
 অত্যাচারে,—জ্বলে হিয়া মোর,—আমি তার
 একটি সন্তান,—তারি হাতে ক'রে গড়া
 কারাগারে গেল দিন মোর,—আরো যারা,
 তাঁহারি সন্তান,—অহর্নিশ সুখভোগে,
 যাপিছে জীবন ; মোর প্রতি অত্যাচার
 শুধু ; যেন বলীবর্দ দুঃখ বহিবার ।

কর্ণ । এত যদি অত্যাচারী তিনি ; হে ব্রাহ্মণ !
 এতবড় পক্ষপাতী যিনি,—তাঁর কেন
 সন্ধ্যা-পূজা নিত্যসেবা মানব-কুটীরে ।

পাপ । জোর ক'রে ।

কর্ণ । কারাবাস কত দিন হ'তে ?

পাপ । নাগিনী দেবকী যবে, প্রসবিল তাঁর

কুটিল শাবকে ;—তপ্ত অশ্রু অভিষিক্ত
 কারাগারে রাখিয়ে আমার, শৃঙ্খলিত
 জনক জননী দ্বার করিল উদ্ধার ।

কর্ণ । বুঝিলাম কেবা সে শাবক ;—কর্ণ-পাশে
 কিবা উপকার তুমি যাচিছ ব্রাহ্মণ ?
 গুরুশাপে অভিষপ্ত আমি,—মাতৃত্যাগে
 জগতে অপরিচিত পান্থ অনাহৃত ;
 কিরূপে সাহায্য তোমা করিব, অজ্ঞাত !
 ব'লে দাও কর্ণে, যদি উদ্ধারিতে পারি ।

পাপ । চিনিয়াছ কুটিল শাবকে,—সে পামর
 ধ্বংসের আশ্রয়গিরি করে উদ্ভাবনা,
 ভারতের কুরুক্ষেত্রে । সাজান বাগান,
 এতদিন ধ'রে মোর বহু কোরে গড়া,
 পৃথিবীর সভ্যপীঠ—আশ্রয় প্রবাহে
 একেবারে ভস্মভূত করে ; যাও বীর,
 কর গে শত্রুতা তার, জীবনের পথে ।
 সুসন্তান কংস ম'রে গেছে—আর আছে,
 দুইটি সন্তান জরাসন্ধ সুবোধন,
 রাজপাটে ভারতের—যে প্রমোদোজ্ঞানে
 রতভূমি হতেছে কুজিত ; সেখা যাও
 গুরু-দত্ত বিদ্যাবলে দিও পরিচয় ।

[প্রস্থান]

কর্ণ । এই পথ মোর ;—হস্তিনার পাহাবাসে
 ঘটবে কি আশ্চর্য-পরিচয় ;—নরহরি
 স্বয়ম্ মুরারি—আসিবে কি শত্রু-শিরে
 লইতে প্রণাম । অদ্বিতীয় রণগুরু,
 দেখুন শ্রীগুরু—আপনার হতে আমি,
 লভিব বরেন্দ্রভূমে উচ্চতর অরি ;
 রঘুনাথ-করে যবে হলে পরাজিত,
 সে দিন ভার্গব ভর্গ, প্রথম দমিত,
 আশ্চর্য্য করে নাই ;—মস্ত্রে গুপ্ত থাকি
 শিষ্যে অকুরিত আজ,—শিষ্য এইবার
 দানিবে স্মৃশিক্ষা কিছু পূর্ণ রঘুনাথে ।
 চলিলাম তবে গুরো—ক'রো আশীর্বাদ,
 রাম-পরাজয় কথা জগত হইতে,
 পারি যেন মুছে দিতে ; ভীষ্ম রামজয়ী
 এখনো সংসারে লোকে, করে জনরব ;
 কৃষ্ণ অরি, ভীষ্ম বৈরী, চলিল রাধেয়,
 উদ্দেশে প্রণমি গুরো ; নমি দিনমণি ।

(সহসা ব্রহ্মণ্যদেবের প্রবেশ)

ব্রহ্মণ্যদেব । আদিত্য-সন্তান । অতি উচ্চ অভিমান
 জাগায়েছ প্রাণে ; কিন্তু ভাই মনে রেখো
 নহে হরি কুটিল শাবক ; ভেব নাক,

শ্রীবাণ্যে পুতনা বধি, গোবর্ধন ধরি,
কৈশোরে বীরেন্দ্র কংসে, মল্লরণে বধি,
ডঙ্কারিবে কর্ণধারে দিতে পরিচয়,
রণনীতি উচ্চতর কার ? মন্ত্রশক্তি
অর্জিষাহ বাহা গুরুপদে, আত্মশক্তি
বীজমন্ত্রে দামোদরে করাও সাক্ষাত ।
পরাজিত হবে শ্রীমাধব,—গুরুদ্রোহী
পড়িবে অজ্ঞেয় ভীষ্ম তব মন্ত্রণায় ;
কৃষ্ণজয়ী ভীষ্ম মাঝি হবে কর্ণরায় ।

কর্ণ । কে তুমি অদৃষ্টবাদী, জ্যোতির্ময়-দেহী ?
সত্যের স্বরূপ ধর্ম করিলে বর্ণনা ।
কর্ণের নিগূঢ় বার্তা, হৃৎকণ্ঠ বাসনা,
অতি গুহ্য ভাব, অন্তরাশ্রয় নিহিত,
জানে শুধু নারায়ণ, অন্তর্যামী যিনি ;
আত্মশক্তি ভরসায়, গুরুর প্রসাদী,
সাধিতেছি যেই মন্ত্রে করিতে সন্ধান,
পরম কপটাচারী অরি পরাজিতে,
কেমনে করিলে তার তথ্য নিরূপণ ?
কে তুমি অন্তর্যামী বাগ্মী হুনিপুণ !

ব্রহ্মণ্যদেব । কেমনে জানিছ আমি—আমার এ জানা
জানিও নহেক কষ্ট-কল্পনা-কাহারো !
কপটতা-বাসে হরি গুপ্ত না রহিলে,

কেমনে শত্রুতা বল হ'ত তব সনে ?
 কিন্তু ওই কপটের অকপট প্রাণ,
 অনাত্মাত মধুরসে করায়ে সিনান,
 শত্রুভাবে মিত্র তাই করিছে কর্ষণ ।
 শত্রুতাই বড় ভাল—অত্যাচারে তার,
 গোলোকে নিশ্চিন্তে থাকা হয় বড় দায় ।
 শত্রু তারে টেনে আনে—হিরণ্যকশিপু,
 স্তম্ভের ফটিকে ক্রোধে দেছে পদাঘাত,
 তবে না শঙ্কিল ব্যোম নৃসিংহ বিরাট ।
 কপটে শত্রুতা কর—তবে অকপটে
 পাবে শীঘ্র নিজের কবলে—যাই ভাই
 উপযুক্ত অরি হও শ্রাম শাস্তনবে ।

কর্ণ ।

যে মহর্ষি ভৃগু-পাদপদ্মে পদাঘাত,
 সহাস্ত্রে সহিতে পারে লক্ষ্মীনারায়ণ,
 প্রবল দানব পদে রত্নাক্ষিতাঘাত,
 সহিল না নরসিংহ কিসের কারণ ।
 এ অতি রহস্যবাদ ; একে বিতাড়িতে—
 যেন কি ত্বরিত-কর্ম্মা ; অস্ত্রে প্রসাদিতে
 উৎসাহে অমিতব্যয়ী ; এ আহুকুল্যের,
 অথবা সে অনাত্মীয়তায়,—যেন তিনি
 ক্ষিপ্তপ্রহস্ত, চিরাভ্যস্ত বন্ধপরিকর ।
 এ হরি কেমন অরি বুঝি দ্বিজবর ।

ব্রহ্মণ্যদেব । এ হরি সত্যের হরি ; শুন রে ভা'র্গব,
 যেই ভৃগুপাদচিহ্ন দিল পদাঘাত,
 তাহার প্রেরণা ছিল সত্যের সন্ধানে ।
 ব্রহ্মবিদ্যা অমর্যাদা দিল নারায়ণ,
 যখনি ভক্তের প্রাণে,—রুদ্ধহার থলে
 তখনি বৈষ্ণবী বিদ্যা, অবিদ্যা প্রেমিকে,
 পদাঘাতে বসাইলা নিরন্তর তটে ;
 ব্রহ্ম সে পুরুষোত্তম—মদনমোহন
 সাজিলে লক্ষ্মীর পাটে—রুদ্ধ করি হার,
 কুধার্ত ব্রহ্মণ্যদেব ছাদশী বাসরে,
 হরির মদান্ন বুকে দিল পদাঘাত ;
 কেন না, বিহারে তাঁর সাধিল ব্যাঘাত,
 হরি-নিবেদন বিনা হ'ত নিরাহার ।
 কিন্তু দৈত্য পদাঘাত—দন্তের উল্কার,
 বিষদন্তী বৃশ্চিক কামড়, কে সহিবে ?—
 বল কর্ণ, কে সহিবে ? নৃসিংহাবতার
 নহে হিরণ্যের,—প্রহ্লাদের তপোলব্ধ,
 বিশ্বাসের অমৃত-বর্ষণ ; ওই ভীমাকৃতি,
 ঈশ্বরের সর্কাজীন বিশ্বের মুরতি ;
 আসি ভাই সন্ধ্যাতারা ভাসে ছায়াপথে ।

[গ্রন্থান ।

কর্ণ । এই ত সম্মুখে পথ—কিবা বাস্পবানে,
 চড়াল বিধাতা আজ ; যাই হস্তিনায়,
 দেখি গিয়ে গুরুজয়ী দান্তিক গাজেয়,
 কেমনে নিশ্চিন্তে আছে পোহ্রগণে লয়ে ;
 গুনিয়াছি দ্রোণ গুরু, সেথায় কোরবে
 গড়িতেছে রণ-মন্ত্রদানে ;—দেখি গিয়ে
 স্ববর্ণ স্বেগ মোর,—রক্তভূমিপরে
 দিব আত্ম-পরিচয় গুরু পত্রিকায় ।

[প্রস্থান ।



চতুর্থ সর্গ

স্থান—দ্বারকাশ্রম । কাল—সন্ধ্যা ।

সুভদ্রা ও সখীত্রয় বেলা, চিত্রলেখা, মাধবী
শিলাতলে উপবিষ্টা ।

চিত্রলেখা । চারুশীলে, ভদ্রে, উদাসিনি ! এ সন্ধ্যায়
পূর্ণিমা-জ্যোছনা-ধোয়া পুষ্প-বাটিকায়,
আধ-ফোটা ফুলমালা পরি,—মধুলগ্নে
রাজিছ বাসন্তী রাণী, কোকিল অঞ্জনে ।
মাতাল মলয় ধরি, রেশমী অঞ্চল,
অনাবৃত কেতকীরে, করে জ্বালাতন ।
কিশোরীর মধুলোভে, লম্পট ভ্রমর
মল্লিকা কুমারী লজ্জা করে আলোড়ন ।
এ সন্ধ্যা মাধবী রাতে,—আসিত চকিতে,
স্বপ্নের নাগর কোন জ্যোছনার ভেসে,
হত' নাকি এ যামিনী আরো মধুময়ী ।
মাধবী । হ'ত মধু ! মধু !! মধু !!! বিরহ-বাদলে
কবে প্রফুল্লিত রয় নবীনার প্রাণ ?
বয়সের সোহাগ উৎসব—ব্যর্থ সব,
বরবধু না শোভিলে পাশে ; বন্ধপ্রাণ
মধু ভারে করে টলমল, খোঁজে তারা

প্রাণতোষে কোথা পাই দেখা,—আত্মহারা
 ভাবে কবে ভুঙ্গরাজ গুঞ্জরিবে বৃকে,
 কবে প্রেম-মধু পানে মধুপ মাতিবে ;
 কবে সে জীবন অর্থা বরে নিবেদিবে ;

বেলা ।

দেখ দিদিমণি—রজরসে পটায়সী
 মাধবীর কথা তুমি তুলিও না কাণে ;
 রমণী কি এতই অবলা,—জন্মেছে কি
 প্রাণের আহুতি দিতে পরকামানলে ;
 পুরুষের মত তারা নহে কি জগতে,
 পরম পিতার তুল্য—আদরের ধন ;
 যদিও তটিনী ষায় সাগরে ছুটিয়া,
 সাগর কি বান ডাকি নেয় নাকো বৃকে ?

সুভদ্রা ।

যথাসত্য বলেছ সজ্জনী—কে বলিল
 নারী-জন্ম কভু অভিশাপ,—প্রকৃতির
 মানস সরসে এক বৃন্তে ফুটিতেছে
 রমণী-পুরুষ-কলি, তুল্য স্নেহরসে ;
 রমণী-সমাজে যে পুরুষত্বাভিমান
 সম্মিত রয়েছে সর্বতঃ, হেতু তার,
 রমণীর নির্ভরতা পুরুষ-পালনে ।
 যে দিন সমান সৃজে, এই নারী নয়,
 সমাজের চালনায় পাবে অধিকার,
 যে দিন সমান গুণে, কর্মের বিভাগে,

অধ্যয়নে অধ্যাপনে পাবে তুল্যাদর—
দাম্পত্যের যৌন ধর্ম অর্গলিত হবে,
গার্হস্থ্যের ক্ষুদ্র আয়তনে ; অন্তঃপুরে,
পত্নীদাস্ত মুঞ্জরিবে সতীর মন্দিরে,
পতির-রজনীবাসে । প্রেমাক্ষল ভ'রে,
মিলন চরিত্র শুধু আনন্দ লুটিবে ।

সে দিন এ মর্ত্যালোকে, ফুটিবে নারীর,
পূর্ণতার সুখচ্ছবি অমিয় পুলকে ।

মাধবী । এ কি ! অসম্ভব কথা কহ প্রাণসম্বি ;
নারি যে চির-প্রার্থিনী পুরুষের স্বারে ;
বাল্যকালে প্রার্থিনী সে পিতার পোষণে ;
যৌবনে পতির গেহে প্রেম-ভিখারিণী !
জরায় সন্তান-সেবা প্রার্থিনী মাজিয়া,
রমণী কি জীব-কাল করে না যাপন ?

প্রতিপাল্যা মোরা, তারা পালক মোদের,
সমাজের ধর্ম এ বন্ধন—এ সমাজে
তুল্যাদর জী-পুংসের, আকাশ-কুসুম ।
বিশেষ ছুঃখিনী কেবা, এই দাসীপণে,
প্রিয়তম প্রাণেশের পদে,—সাধ ক'রে
কেনে নারী পতি-প্রেম-পুলকিতা দাস্তে
বর্দ্ধিত জীবনী—স্বপ্নের সম্বন্ধ-স্থত্রে
স্ববর্ণমণ্ডিত নিলে অলঙ্কার ধরে ।

চিত্রলেখা । সত্যকথা লো সজনি—নারীত্ব মোদের,
 বিশেষত্ব পায় শুধু নরাভিজাত্যের ;
 যেথায় রমণী ধন্য পদ-মর্যাদায়
 সেথায় জানিও স্থির, স্বামীর সমাজ,
 প্রতিষ্ঠিত অতি উচ্চে গৌরব-আসনে ।
 বিধবা, কুমারী, ত্যক্তা, যশস্বিনী কোথা ?
 যেটি হয়, সেটি তার নারীত্বে পতিতা,
 নিশ্চিন্ত পৌরুষটাকা—নিষ্ফলে মণ্ডিতা,
 পুরুষত্বে উপার্জিতা, বিচার প্রতিভা,
 পুরুষ আদর্শভূতা গচ্ছিতা মনীষা ।
 নারী-জন্মে ব্যভিচারে করি আশ্বাদন,
 করি তার চিরশূন্য নারীত্ব-বর্জন,
 পুরুষের মত লভি পৌরুষ প্রকৃতি,
 ছদ্মবেশে মঠছত্রে করে বিচরণ ;
 নারীর মাধুর্য্যভাবে পুরুষহাকার,
 করে না কি নারী-ব্রতে তীব্র কদাকার ?
 সুভদ্রা । কেন তা হইবে সখী ? নারীত্ব নারীর,
 প্রতিষ্ঠিত উচ্চাসনে পুরুষত্ব যথা ;
 ভেদ রাখে বিষয় বিভাগে ; নারী ধরি
 গর্ভাধান—পুরুষের পালনাধিকারে,
 গড়িছে সংসার শিশু দ্বিবা-কলেবরে ।
 পাতিব্রত্য ধর্ম্মশীলতায়,—কে, না বল

দেখিয়াছে,—নিঃস্বার্থের আত্ম-বলিদান ?
 সর্বসংসহা বসুন্ধরা সম, সহশীলা—
 রমণীর বীর-ধন্য দুর্জয় বিপদে ।
 অজানিত, প্রসুপ্ত বেদনা ধরি বৃকে,
 পতি-পুত্র গৃহের কল্যাণে ;—সর্বত্যাগ
 রমণীর নিত্য ঘটিতেছে ।

মাধবী ।

স্বার্থকল্পে

সে মহা বৈরাগ্য সখী,—স্ব দ্বি-পুত্রতরে
 সাধবীর আত্মোৎসর্গতা ; ত্যাগী পুরুষের
 বিশ্ব-প্রেমে আত্মাহুতি নয়—জীবকল্পে
 নহে সর্ব স্বার্থ বলিদান—হঠকারী
 সে বৈঠকী ধরে শুধু বিদ্বাদরী তান ।

সুভদ্রা ।

শুচিস্মিতে, এ হ'তে কি বদ্বীকের স্তূপে
 আপনায় লুক্কায়িত রাখি, অনশনে,
 আত্মভাব অব্যবহিত বেশী ?—প্রিয়ষদে,
 অসিমুক্ত রণভূমে, দুঃসাহসে শুধু,
 বীরত্বের মত্ততায়, শমনে সাক্ষাৎ ;
 অথবা জ্ঞানের ধূর্ত তর্ক-পরিষদে,
 উৎসাহিত শাস্ত্রিকণ্ঠে শাস্ত্র-আলোচনা,
 উচ্চতর প্রশংসার হবে অধিকারী ?
 আত্ম-অন্বেষণ, তর্ক, শমন-দর্শন,
 গুপ্ত গর্বের করে সম্পাদন—আত্মানন্দে,

অথবা অলকানন্দে, চেনে কে কজন ?
 কিন্তু এক গৃহ-অন্তরীণে, অতিদীন
 অভাবের স্ত্রীত্র পীড়নে, অশ্রুস্নাত
 করে নারীকুল—যাগ অসাধ্যসাধন,
 চিন্তার অতীত তাহা ত্যাগী সন্ন্যাসীর ।
 দেখ বেলাদেবী, কে দৌহে অদূর-পথে
 করে বিচরণ ? দক্ষিণে ব্রজের শ্রাম,
 পূর্ণ শশধর ; বামে না হের সজনি,
 সমান বরণ শ্রাম, সমান আকৃতি,
 ষমজ কুমার যেন ; শিরদ্বাণে শুধু,
 অত্রাত্ব্য করে প্রতীকাশ ; শিখিপুচ্ছ-
 মণ্ডিত-মুকুট দাদা পরে চিরদিন ;
 অপরের শিরে শোভে রত্নোজ্জ্বল মণি ।

বেলা । সত্য দিদি, দৌহাকার সারূপ্য বর্ণের,
 বিধাতার অদ্ভুত কৌতুক ; আসে দৌহে
 এই পথে, প্রমোদ-উদ্ভানে ;—চল মোরা
 লতা-কুঞ্জাবাসে, পশি পত্র-আবরণে,
 শুনি গে, ও মিথুনের নিভৃত আলাপ ।

চিত্রলেখা । আমারো বাসনা বড় হয়েছে প্রবলা,
 শুনিবারে অচিনের চোরা সন্তাষণ ।

মাধবী । ততক্ষণ, আমি ওই আধ-মুকুলিতা,
 নব-মল্লিকার মালা গাঁথি গে মোহন,

দোলাতে মাধব-গলে ; তোমরা বিরলে,
চোরের উপরে চৌর্য্য কর আশ্বাদন ।

সুভদ্রা । যদিও কুশিবে দাদা—তথাপি এ সাধ
না পারি রোধিতে, নারী স্বভাবে দুর্ব্বলা,
আমিও নিকুঞ্জবনে রহিব গোপনে ।

[সুভদ্রা ও সখীদ্বয়ের অন্তর্দ্বান ।

(শ্রীকৃষ্ণ ও অর্জুনের প্রবেশ)

শ্রীকৃষ্ণ । আয় পার্থ, বসি দৌহে—মাধবী-বিতানে,
কহি গুহ্য মর্শ্বকথা অতি সদোপনে ।

অর্জুন । বাসুদেব,—হে বিশ্বপালক, বিশ্বেশ্বর,
পরম-পুরুষ,—অভ্যাগত দাস ভক্ত,
শ্রীচরণে মাগিছে আশ্রয় ;—অর্জুনের
যা কিছু সম্পদ, প্রেম-ভক্তি-ভালবাসা,
হৃদয়ের যা কিছু বৈভব—নরোত্তম
কৈবল্য-পদারবিন্দে—মর্শ্বালা ভরি—
পুষ্পাঞ্জলি দিহু উপহার ; আত্মাঞ্জলি
পূর্ণাহতি নেবে না কি যজ্ঞেশ্বর হরি ?

শ্রীকৃষ্ণ । এ কি পার্থ, অসম্ভব কেন হেন ভাব ?
চমকিত কেন মোরে করিছ পাণ্ডব,
মহাবংশে লয়ে সূজনম—সন্তমের
উচ্চতম অলভেদী চুড়ে—শোভিতেছ

সুদূত আসনে ; হেন দৈন্ত দাস-ভাব
শোভে কি তোমাতে ? বিশেষ ক্ষত্রিয়-বটু,
শিষ্য ভাল নয় ? আত্মীয়-স্বজনবর্গে,
গুনিলে প্রলাপ, নীচ জ্ঞানে কুকথায়,
নিদ্রিবে তোমায় ।

অজ্জুন ।

তাহে কি তোমার ক্ষতি,

কমলারঞ্জন ? মহাবংশে সৃজনম
হয় যদি অপরাধ বিষ্ণু-সমাগমে,
চাহি না জাত্যভিমান—কৌলীগ্র-গরিমা ;
এ বিম্বজগত্ বক্ষে,—কে এমন আছে,
হরি-উচ্চারণে কুণ্ঠা প্রকাশিতে পারে ;
তাই না গোলোক দোলে সপ্তাকাশ-চূড়ে ।
নম্বর এ জগতের কীর্তি ছায়াময়ী,
বিবেকের গুত্রজ্যোতিঃ করি কুয়াসিত,
পথভ্রান্ত করায় পথিকে ; দিব্যালোকে
পুলকিত হৃদয় আমার,—ঋষিদত্ত
দিব্যাননে দেখিতেছি, হে শ্রামসুন্দর !
ব্রহ্মজ্যোতি পীযুষিত অধৈতাবতার ;
ছলনার বেড়াজালে ফেলিও না আর,
কৃপা ক'রে দীনাদমে দাও পদরজঃ ।

ত্রিকৃষ্ণ ।

এত যদি বাসনা তোমার—ক্ষিপ্তপ্রায়
আপনায় করিতে বিক্রয়—যাও তবে

দাসবিপণিতে—প্রচুর মিলিবে সেথা
বহুমূল্যে দাস্ত্রামোদী—যুবরাজ ক্রেতা ।
কোরবে বরিয়া দাস্ত্রে নিকোঁধ যাদব,
দেবরতে না ভেটিবে সমর-আহ্বান ।

অর্জুন । নারায়ণ ! বলভদ্র-রক্ষিত যাদব,
ভীত কি কিনিতে পার্থে দাস-পদবীতে ?
লুপ্ত হোক বংশ-অভিমান—কুলমান
অতল সাগর-গর্ভে নিমজ্জিত হোক ;
লোকনিন্দা কুকুরের চীৎকারের মত,
আত্মচ্ছায়ে করুক তাড়না ; শ্রীমাধব,
ভেবেছ কি কাচখণ্ডে করি প্রতারণা,
সুবর্ণের দীপ্তচ্ছবি লুকাবে তোমার ?
ক্ষুর যদি হয় প্রভু, নিতে দাসখত,
তোমার দাসহুদাস্ত্রে বর প্রভুপাদ ।

শ্রীকৃষ্ণ । কি লজ্জার কথা পার্থ,—প্রলাপের মত
নিরর্থক বাক্যাবলী তব ; দাসখত—
যাদবে কোরব দেবে ? দাস্ত্র-ব্যভিচারে
কে কোথা যশস্বী মজে ?—গৌরীশৃঙ্গ-চূড়া
পড়ে কোথা বিদ্যুচল-পদতলে লুটে ?
মহাব্রাহ্মি অর্জুন তোমার,—ব্রাতৃগণ
শ্রবণিলে উদ্ভট প্রলাপ, বৈষ্ণবহস্তে
অচিরে দানিবে তোমা চিকিৎসা-বিধানে ।

। চিকিৎসার প্রয়োজন হয়েছে তোমার ;
 পাতি ঐলুজালিকের জাল—ভুলাইবে
 স্বয়ং দ্রষ্টা গুরুদেব-প্রদর্শিত পথে ;
 মানবে দিয়াছ হরি পূর্ণ স্বাধীনতা
 নিজকৃত সদসত্ সংশোধন প্রথা
 তবে কেন দত্ত ধনে করিছ বঞ্চনা ?
 স্বেচ্ছায় অর্জুন দাতা, আত্মদান করে,
 দেবতার সর্ববিধ গুণাষা সদনে,
 অথবা নির্দেশমত দাসত্ব-পালনে ;
 রাখ বা ফেলিয়া দাও, যাহা প্রাণে জাগে ।
 ফেলিলে জঞ্জালে যাব—রাখিলে চরণে
 এ হ'তে অনেক উদ্ধে—প্রেমানন্দে রব ;
 আরো কত অভাজনে সঙ্গে ক'রে লব ;
 জ্যেষ্ঠ-অনুজায় তাই এসেছি হেথায় ।

শ্রীকৃষ্ণ । এতক্ষণে ধরি সূত্র সদভিপ্রায়ে ;
 ক্ষান্তনীতি-শাঠ্যে তুমি হয়েছ প্রেরিত,
 যাদবে বাধিতে অগ্রে স্নেহ-সত্যপাশে ;
 অথবা সখ্যের জালে মৈত্রের বাঁধনে ;
 কহ পার্থ, অন্ধরাজ পাণ্ডবে কি আজ,
 পিতৃস্নেহে নহে পক্ষপাতী ? জ্যেষ্ঠ যবে,
 ফিরিবে দ্বারকাশ্রমে পর্য্যটন-পথে,
 নিবেদিব বারতা তোমার ; সহকারী

হেরিবে যাদবে সখে,—যদি রণভূমে
পাণ্ডবে কোরব ডাকে ভাগের বণ্টনে ।

অৰ্জুন । কৃতার্থ হইল দাস—ব্যর্থ প্রলোভন,
মোহচক্রে ঘুরাতে পাণ্ডবে ; মায়াময়
লোহচক্র-জাল বিশীর্ণ কি কর নাই
তীক্ষ্ণ-ধার ঋষির দশনে ? প্রেমময়
ফেলিয়া মায়ায় কুণ্ডা, প্রেমচন্দ্রালোকে,
অৰ্জুনের দগ্ধ প্রাণ কর স্তবীতল ।

শ্রীকৃষ্ণ । ধন্য পার্থ ভাবনিষ্ঠা তোর ; প্রেমার্গবে
বাহিছ কেশবতরী কল্লাস্তর হ'তে ;
সখ্যস্থত্রে আজ হ'তে বদ্ধ হ'লু পণে,
প্রেম-কেলি করিব হুজনে—বন্দী রব
আমরণ প্রেমকণ্ঠী প্রণয়ালিঙ্গনে ।

অৰ্জুন । নতজানু—দাস-ভক্ত ফুকারে প্রার্থনা,
শ্রীগুরু-পদারবিন্দে, ওগো বিশ্বতরু
প্রেমের নিগূঢ় স্বার্থে শিক্ষা দাও মোরে ;
আত্ম-কাম ভস্মীভূত যাহে, যে আলোকে
জ্ঞানাজ্ঞান প্রেমাম্পদে দেখে বিশ্ব ভরে,
অভিমান, মাথা খুঁড়ে বিশ্বের ছয়ারে,
নিখিল স্নেহের উর্দ্ধে প্রেমামৃতে দেখে ।

শ্রীকৃষ্ণ । প্রেম-পত্নী রে পাণ্ডুনন্দন ! প্রেমাপ্লুত
ওরে স্বর্ণপোত ! বিশ্ব শোকার্ণব-কূলে—

একমাত্র প্রেমতরী বাহে গুল পালে ;
 প্রেমের চাঁদিনী প্রাণ—পঞ্চ মহাভূতে,
 অণু-পরমাণু হ'তে সবিস্ত-মণ্ডলে,
 স্নিগ্ধতার সুধাংশু-আকরে, সন্ধিবিয়া,
 অমরত্বে লভিছে বিশ্রাম । স্পর্শে তার
 কদর্য্য পরমানন্দে হয় সুরভিত ।

কি আর কহিব সখে, প্রেমষাটুকরী,
 প্রতিষ্ঠিত করি এক বাজীকর গড়ে,
 জীবাশ্মার বীজাঙ্কুরে পরমাশ্মা গ'ড়ে ;
 লয়ে ষায় জীবাশ্মায় আশ্মার শিবিরে ।
 প্রেমিকের চিরগুল উন্মুক্ত উদার,
 মহাপ্রাণ তপস্বিছে নিত্য মূল্যধার ;
 দিগ্বিজয়ী প্রেমের নিশান, প্রতিষ্ঠিত
 সর্বময় বিরাটের মন্দির-চূড়ায় ।

অজ্জুন । তবে মোরে দিন দীক্ষা পরম প্রেমিক,
 প্রেম-মার্গে গাজায়ে পথিক ; প্রেমগুরু !
 দাও শিরে শ্রীচরণ-রেণু, দাও অঙ্গে
 দিব্যাজের হিরণ্য-স্বরভি—বক্ষে দাও
 স্পর্শ প্রেমিকের । প্রেমাক্তিত করপুটে,
 ভিক্ষাবুলি প্রেমাঞ্চলে বেঁধে, প্রেম-ভিক্ষু
 মাগিছে, প্রেমাবতার ! শ্রীচরণামৃতে ;
 প্রেমময় ভিক্ষা দাও ? সে প্রেম সমাধি,

যেন আর ভাঙে না গো, রেখে এ মিনতি ;

এ প্রেম-সঙ্গম যেন রহে আমরণ ;

স্বতঃসিদ্ধ ক'রে দাও প্রেমাস্পদ ধ্যান ।

শ্রীকৃষ্ণ । কে পারে ভাঙ্গিতে প্রেম—তন্ময় সমাধি ?

কত বিদ্যা জানে সে মন্থ ? প্রেমিকের

যোগভঙ্গ মহামায়াভীত ; বিশ্ব-শক্তি

লুকাইত প্রেমিকের বাহর কুলায় ।

হের পার্থ, আসে দূরে, প্রেমিকা মাধবী,

ভগিনীর শিষ্টা সহচরী ; গাঁথি মালা,

দোলাতে শ্রীকণ্ঠে অনুরাগিণী সংশীলা ।

অজ্জুন । তুমিও ত আদরিতে আগ্রহে আকুল ;

আসি তবে কমললোচন—থাক্ অলি !

প্রেমিকার পুষ্প-অনুরাগে ।

শ্রীকৃষ্ণ । কেন সখে,

ব্যতিব্যস্ত হেরি তোমা ভাজিতে আমায় ;

আছে কি এমন কেহ স্মরিয়া বাহায়

রোমাঞ্চিত নবীন কৈশোর ?

অজ্জুন । পার্থ নহে,

নিমজ্জিত কৃষ্ণ-সম রমণীর প্রেমে ;

তোমার মোহন সঙ্গ, হুল্লভ যদিও,—

যদিও অমৃতাজন, তথাপি হুঃসহ ।

(দূরস্থ হওন)

শ্রীকৃষ্ণ । বুঝা যাবে সময়ে সকল ; কেন সখে
এত তিরস্কার-বাণ হানিছে নয়ন ?

মাধবী । অদ্ভুত আচার তব :—গুদাস্তঃপুরের
অবরুদ্ধ এ প্রেমোদোদ্যানে, লয়ে এলে
অবিজ্ঞাত কুলশীলে ; না হের ভগিনী
লাজ-ভরে লুকায়িত কুঞ্জবাটিকায় ।

শ্রীকৃষ্ণ । কেমনে বুঝিব সই—প্রতিফল এর,
হয় ত ভুঞ্জিতে হবে, সময়ে আমার ;
দোষ শুধু কি আমার ? ছিল ত সময়,
চ'লে যেতে অন্তরালে পরপুরুষের ;
রমণীর অশিক্ষিতা বুদ্ধির টিপ্তনী,
হানিয়া সহযোগিনী কটাক্ষে বিজলী,
মাঝে মাঝে করে বটে পুরুষে বিস্মিত,
অকস্মাত্ সাময়িক ভাবে ;—কিন্তু তার,
অসারত্ব রহে না অজ্ঞাত—অগ্নি ভদ্রে !
নহে হীন অজ্ঞাত পথিক ; বিশ্বখ্যাত
কুরুক্ষে জন্মাগার যার—সখাখ্যায়
সন্তোষণ করে যে আমার,—তারে ভয়ি !
কি হেতু করিছ লাজ ? কহ শুভাননি !

অৰ্জুন । আসি তবে, বাসুদেব নমি শ্রীচরণে ;
বিস্মরণ বহির্দ্বারে রেখ না হৃদ্দিনে ।
ভেটিলে স্বয়মাগত, দিও পদরঞ্জে । [প্রস্থান ।

শ্রীকৃষ্ণ । এস সখে, শিবময় হ'ক্ দীর্ঘপথ ।
 মাধবী ! কাহার মালা গোঁথেছ মালিনী ?
 কে বা সেই ভাগ্যবান—তোমার সোহাগে
 প্রফুল্লিত হবে যার সংসার-কুটীর ।

মাধবী । বিনা তু মাধব,—মাধবীর প্রাণমধু
 কে করিবে পান ? কহ বিনা দিনমণি—
 কে পারে পঙ্কজ-মধু ফুটাতে পদ্মার ।

বেলা । চতুরা মাধবী ধনি ;—ভাষার কুহকে
 জানাল প্রাণের গুপ্ত রমণ-বারতা ;
 আর কেন ! মালাগাছি দাও গলে তুলে ;
 মন-সাধে পূর্ণ কর মাধব-মিলনে ।

সুভদ্রা । চল সখি, ঘরে যাই,—সন্ধ্যা করণীয়া,
 মাদলিক-ক্রিয়া সব রয়েছে পড়িয়া ;
 বউদি কুপিতা হয় ; তোরা ভাই আয়
 যাই আমি ত্বর ক'রে বেলা ব'য়ে যায় । [প্রস্থান ।

মাধবী । গোঁথেছি, মোহন, গলে পর মালাগাছি ।

শ্রীকৃষ্ণ । কুসুম, কস্তুরী, হেম, অগুরু, কুঙ্কম,
 বসন্ত, বসন্তসখী, পঞ্চফুলবাণ ;
 একটি রাধিকাকান্তে শাস্তি-বিনোদন ;
 বিশেষ কুসুম-মালা-চিহ্নিত ভূষণ ।

[মাল্যগ্রহণ ও সকলের প্রস্থান ।

পঞ্চম সর্গ

স্থান—রঙ্গমঞ্চ

ভীষ্ম, দ্রোণ, ধৃতরাষ্ট্র, সভাসদগণ, ও মহিলাগণ

আসনোপরি উপবিষ্ট

ভীষ্ম । রণ-উপাধ্যায় ! ধনুর্বেদে কৃতবিত্ত,
পারদর্শী শস্ত্র-ব্যবসায় ! কুরুছাত্র-
সম্প্রদায়, কিরূপ অধীত-শস্ত্র, কত
ক্ষিপ্ত-হস্ত শস্ত্রচালনায় ? রঙ্গমঞ্চে
পরীক্ষা হউক তার : যে ভারত-সেনা
দিগ্বিজয়ী যযাতি-চালিত, পেতেছিল
ভূমণ্ডলে একাধিপত্যতা, সৈন্যপত্যে
সে বিশাল বলে, দেখান কুমারসভ্যে
আছে কে স্নাতকবলী নিতে সচো ভার ।

দ্রোণ । ভীষ্ম, আসে নাই স্বিজ, ক্ষত্র-ব্যবসারী,
রাজশিষ্যে অধ্যাপনা জীবিকা-সংগ্রহে ।
আসিরাছি হেথা আরো, উগ্র প্রলোভনে
প্রশমিতে পাদস্পৃষ্ট ভুজঙ্গ হিংসায় ;

অটাই ব্যবস্থা তার করিব গাঙ্গেয়,
 দেখাব কতটা বিদ্যা দিয়াছি কোঁরবে ;
 বিশিষ্ট ছাত্রের শিক্ষা-প্রদর্শনী ভূমে,
 দেখিব তৃতীয় পার্থ, কি গুরু-দক্ষিণা,
 দানিবে শিক্ষিত করে ? যে শাস্ত্র-বিদ্যায়,
 পার্থে করেছি দীক্ষিত—সে বিদ্যা-প্রয়োগে ,
 কতটা চমকপ্রদ করে সে দেখিব ।

ধৃতরাষ্ট্র । শাস্ত্রের সর্বদা-বিদ্যা, শুধু কি অর্জুনে
 দেছেন কুল-শিক্ষক ? এ পক্ষপাতিত্ব
 কি হেতু করেন দ্বিজ ?

দ্রোণ ।

এ পক্ষপাতিত্ব,

শিক্ষকে অপরিহার্য ; হে শাস্ত্র-প্রবীণ !
 ধীমান্ মেধাবী ছাত্র, যথা অধ্যাপক,
 করান বেদাধ্যাপনা, তথৈব সে জড়ে,
 করান ব্রহ্মোপদেশ—কিন্তু সূচিকণ
 স্ফটিক-দর্পণে, বাহা আঁকে চিত্রপট ;
 মৃন্ময় পাষাণে রহে অপ্রতিবিম্বিত ;
 অবশেষে গুণবেত্তা সে শাস্ত্রাধ্যাপক,
 প্রোজ্জ্বল ধীমানে তার বর্ষে অমুরাগ ।
 এ নয় দৌর্বল্য—গুরু-ভাগ্যের লিখন ;
 আসি নাই মহারাজ, কোঁরব-দ্বয়ারে,
 লোভনীয় বৃত্তি-ভোগাশায় । রামশিশু

আসিয়াছে—যথা বিশ্বামিত্র, অব্যেষিতে
 প্রবল ভারতবীৰ্য্যে ছুষ্টের দমনে ।
 গুন ভীষ্ম কুলাধিপ ! যে ক্ষণে হেরিহু,
 কৌরব-কুমারদলে, কূপে নিপতিত,
 ক্রৌড়নক উদ্ধারে উন্ননা—ওই পার্থ
 প্রথমতঃ জিজ্ঞাসিল মোরে, ক্রৌড়নক
 পুনরুদ্ধারের পথে, ছিল কি উপায় ;
 তখনি সহাস্ত্রে বাণে, বাণ পৃষ্ঠোপরি,
 বাঁধিয়া তুলিহু চক্রে, দিহু পার্থ-করে ।
 ক্রৌড়াজ লভিয়া সেই শিশু-সম্প্রদায়
 মাতিল ক্রৌড়ায় পুনঃ ; পার্থ—পদতলে
 নমিয়া, প্রার্থিল বাণ-প্রয়োগ-সন্ধানে,
 সোৎসাহে দেখিহু তাহে, আজানুলম্বিত-
 বাহু, শ্রীব্যঞ্জক,—মানস-কল্লিত ছবি ।
 যাকু, যে বিছার চর্চা করেছি রাজন,
 তোমার চণ্ডীমণ্ডপে, সে গুণ-দর্শনী
 কিঞ্চিত্ পরীক্ষা নিব কুরু-বৎসদের ।
 যাও কূপ, প্রথমতঃ জ্যেষ্ঠ যুধিষ্ঠিরে,
 রত্নমঞ্চে কর আনয়ন ; অতঃপর,
 স্নয়োধন, ভীম ; দলে দলে অস্ত্র অস্ত্র
 কৌরব-কুলজ—শেষে পার্থ ও আত্মজ ।

[কৃপাচার্য্যের প্রস্থান ।

ধৃতরাষ্ট্র। রুষ্ট না হবেন ; ক্ষণভঙ্গুর বিশ্বাসে,
 দেই নাই গুরুভার দ্রোণাচার্য্য-শিরে ;
 রূপাচার্য্যে করি অবনত,—তবাস্বীয়
 গুরুবংশগত ; এ পক্ষপাতিত্ব নয়,
 জিজ্ঞাসা আমার। বৃদ্ধের অন্তর-প্রশ্ন,
 কে মোর সন্তানে এই শিক্ষার সুযোগে
 প্রতিবন্ধক ঘটাল ? এ বীর্য্যোদ্দীপক
 শিক্ষা যে সম্পূর্ণ পেলে, সে শিক্ষানবীশে
 ভারতের ছত্রাসনে বঞ্চিত কে করে ।

ভীষ্ম। সে দোষ শিক্ষার নয়—হৃদৈব ভাগ্যের ;
 যে দিন হইতে দ্রোণ এল হস্তিনায়,
 সে মুহূর্ত্ত হ'তে দেখ, নিশ্চিন্তে কোথায়
 অজ্জুন অনুপস্থিত ; আহারে, বিহারে,
 স্নানে, নিদ্রাগমে, গুরুর সান্নিধ্যচারী ;
 এ শিক্ষা সৌখীনে, যদি না বিজয়-লক্ষ্মী
 বরে রত্নাসনে—তবে ত শিক্ষাই বৃথা ।

দ্রোণ। কিন্তু এ উদীয়মান রবি হস্তিনার,
 রাজস্থানে আবদ্ধ রবে না ; সিংহ-বীর্য্য
 কোথায় ভিক্ষান্ন-পুষ্টি ? এ সভ্য জগতে
 সমগ্র গ্রাসিবে ওর বিজয়বর্ধনে ;
 ওই জ্যেষ্ঠ পাণ্ডব আসিছে, দেখ সভ্যগণ
 কিরূপ আচার্য্য দ্রোণ শিক্ষা বাটরাছে ।

(যুধিষ্ঠিরের প্রবেশ)

যুধিষ্ঠির । প্রণমি, গোস্বামী গুরো, নমি পিতামহ,
নমি জ্যেষ্ঠতাত, আজ্ঞা দিন ত্রাতৃমুতে,
দেখাতে বিদ্যা-নৈপুণ্য ক্ষত্রবীর-ভুজে ।
এ অকৃত্যধমে, শিক্ষার পরীক্ষাহবান,—
সৌভাগ্য হ'লেও, আজ আতঙ্ক অজ্ঞের ।

দ্রোণ । দেখাও কুমার, বাণের বিদ্যুত-গর্ভে
আছে কি অনল—যে ঐন্দ্র-অশনিপুঞ্জে,
সমগ্র এ রজমঞ্চ করে বল্মল ।

যুধিষ্ঠির । হের গুরো—এড়িলাম বিজলী জন্তকে,
দীপ্তিতে হস্তিনাপুরী—পৃথ্বীবাণে ওই,
পুনরায় শান্তিলাম জালা ; গুরুদেব !
আর কি আদেশ আছে বলুন অধমে ।

দ্রোণ । সাধু, বৎস—পুরীর প্রাচীরে, কোন্ দ্বারী
রহিবে প্রহরী ?

যুধিষ্ঠির । দুর্গ-দ্বারী ।

দ্রোণ । কিসে ভেঙ ?

যুধিষ্ঠির । অন্তর্ভেদে ।

দ্রোণ । রাজস্থান অভেদ্য কি বলে ?

যুধিষ্ঠির । পৌরজনে রামরাট-প্রজানুরঞ্জনে,
নিকটাত্মীরে স্নেহ-বন্ধন-বন্ধনে ।

ভীষ্ম । অতু্যন্তম । নীতিজ্ঞের নিরাপত্তিকর
 সর্ববান্ধিসম্মত উত্তর ; ব'স বৎস
 মঞ্চোপরি—পরীক্ষার্থী ভ্রাতৃমণ্ডলের
 নিরপেক্ষ কর নিয়ন্ত্রণ । সুবোধন,
 আসে সহ ভীমসেন ; এ বাড়বানলে
 একটা কষায়-তিক্ত রস বিগলিবে ।

(হর্ষোদ্যনের প্রবেশ)

হর্ষোদ্যন । সভাস্থ কুটুম্বাশ্রয় মহিলালঙ্কৃত !
 অভ্যাগত, লহ মোর শিষ্টাভিবাদন ;
 মহাগুরু-স্থানীয় গাঙ্গেয়, দ্রোণ ! লহ
 প্রণিপাত, দাও পিতঃ মন্তক-আত্মাণ ;
 যে বিদ্যা-প্রসঙ্গে, রঙ্গমঞ্চাভিনয়ের,
 অসময়ে পূর্ণাধিবেশন ; যথা তত্তে
 ছুরভিসন্ধি সে । কার্যাস্তর-ব্যপদেশে
 ব্যস্ত রাখি অনাগ্র কুমারে ; রণগুরু
 গোপনে দৈবাস্ত্র-বিদ্যা দেছে যা অর্জুনে,
 পূর্ণাঙ্গে আত্মজে ল'য়ে ; সে বিদ্যা-দর্পণে
 মোদের কলঙ্কারোপ বুদ্ধিহীনতার,
 যেন লক্ষ্য অন্ততম উদ্দেশ্যসিদ্ধির ।
 হেরিয়া, পক্ষপাতিত্ব বিদ্যার মন্দিরে,
 আচার্য্যে ছরপনেয় কলঙ্কদূষিত,

আমি এ কয়েক বর্ষ, হলী-বলরামে,
বরি গুরুপদে, গদায় সময়বিদ্যা
আয়ত্ত করেছি ; যদি কেহ গদায়ুদে
থাকে সমাধারী, সতীর্থে আহ্বান করি ।

(ভীমের প্রবেশ)

ভীম । আভূমি প্রণামাঞ্জলি দিয়া মাত্রবরে,
এ যুদ্ধ-আহ্বান ভীম করিল স্বাক্ষর ।
আচার্য্য দ্রোণ—শিক্ষিত গদা কোশলের
দেখাতে বজ্রাগ্নি-মন্ত্র । গুরুনিন্দা-পটু,
আয় রে হলীর বটু ! দেখি ও গদায়
কতটা হলীর বল করে কোলাহল ?
কটু নিন্দাবাদ, সর্বসমক্ষে সভোর—
বিখ্যাত গুরুর, আত্মভীক—অযোগ্যের
ক্ষীণ আর্তনাদ ।

ভীম । পিতা পুত্র সমন্বরে,
আচার্য্যে দোষিছে ।—গুরুদত্ত-প্রেরণায়
স্বয়ংকৃত—অভ্যাসের অভ্যাস-সাধক,
বৈজ্ঞানিকে অনভিজ্ঞ ভীমের দক্ষতা,
অচিরে বিপদগ্রস্ত হবে মল্লরণে,
গদায়ুদ্ধ-বিশারদ হলি-ছাত্রকরে ।
হবে হোক ; কর যুদ্ধ ভীম-সুযোধন ;

একটা নিপাত যাও, যে হও অধম ।

এ কলঙ্ক মুছ ; কিংবা কর সমর্থন ।

সঞ্জয় । আজন্ম বিদ্বेषাপন্ন ভ্রাতৃব্যযুগলে,

নিরঙ্কুশ সমরাজ্ঞা দান, নিরর্থক

সন্দেহখণ্ডনে ; অপরিণামদর্শিতা

হবে না ত' নীতি অজ্ঞতার ?

বিহর ।

অসম্ভব

নীতিভ্রষ্ট হবে ভীষ্ম, এটা কি সম্ভব ?

(ভীষণ যুদ্ধ)

ভীষ্ম । এখনো অফলোন্মুখ যেহেতু সমর,

অচিরে বিরতি হোক ; কৰ্ম্ম-তালিকার

এখনো অনেক বাকী । রাখ যুদ্ধ-ভান,

ওহে ভীম, সুষোধন, ক্রম-ক্রুদ্ধমান্ ।

ধৃতরাষ্ট্র । ক্ষান্ত হও, ভীষ্ম-বাক্য শব্দে পালনীয় ।

ভীষ্ম । কিন্তু কুরুরাজ, আচার্য্যে কলঙ্কারোপ,

ভীমের যুদ্ধ-কোশল করে প্রতিবাদ ।

ভ্রাতৃদ্বয় কর গে বিশ্রাম ; বিদ্যাপীঠে

রোষ-নেত্র অসভ্যতা করে প্রতীকাশ ।

তোমরা উভয়ে হেরি গদা-পরীক্ষায়,

সসম্মানে উত্তীর্ণ সম্যক্ ; অধিকন্তু,

তোমরা উভয়ে হ'লে পরস্পর-জ্ঞাত,

কে কার সমরে ন্যূন, বল তুলনায় ।
এবার অর্জুনে আজ্ঞা দিন রণগুরো,
দেখাতে দ্রোণের শিক্ষা কৌরবীয় ভূজে ।

দ্রোণ । তথাস্ত, প্রবেশ-পত্র দাও অর্জুনের
নামাতে কলঙ্ক-বোঝা ; এ কৌরব-বীজে,
ভারতাত্তিরিক্ত কোন নাইকো বলায়ুঃ
অর্জিতে পারদর্শিতা ভার্গব-বিধানে ;
স্বপুত্রে দিয়াছি বিদ্যা—কিন্তু কুলরবি !
সে-ও এ পরীক্ষা দিবে চর্কিত-চর্কণে ;
কিন্তু পার্থ ক্ষণজন্মা শিক্ষিত তরুণ,
এ হস্তান্তরিত জ্ঞানে উর্ধ্বরতা দিবে ।

(ধনুর্কোণ-হস্তে অর্জুনের প্রবেশ)

অর্জুন । নমোস্তু কৌরবমধ্যবর্তী সার্কভোম,
মহামানুস্বর গাঙ্গেয়, ভার্গবাচার্য্য !
নমোস্তু মাতৃমঙ্গল প্রতিভা-প্রদীপ্তা,
বীরাজনা কুরুনারীসম্ভব ! নমো নমঃ,
তথাগত সমাহৃত ব্রাহ্মণ-মণ্ডলী ।
অপর সভ্য যে আহ নমস্ত পার্থের ।
নমঃ জ্যেষ্ঠতাত, সর্কানুমোদনে মোর
অনুমতি-পত্র দিন যোদ্ধাজীবনের ;
দর্শিতে গুরুপদটি, ধনুর্কোণ-গুণে ।

দিন সে সহানুভূতি, যে পৃষ্ঠপোষণে
 অর্জুন আত্মপ্রতিষ্ঠা করে শত্রুপাতে ।
 হোক রাজাজ্য মোর প্রবেশনির্দেশ ।
 দ্রোণ । আয়ুয়ন, কোরবচক্র-চন্দ্রমণ্ডলে,
 প্রলয়ের প্রথরাংশ দেখাও সত্বরে ;
 উঠাও সে ভবিষ্যের প্রলয়-ঝটিকা ;
 গ্রাসিবে না ঘনীভূত কাল-মেঘমালা ;
 শুনাও সে কান্মূর্কের বিজয়-নিনাদ,
 দিবে যা কাল-মণ্ডলে, ঘন বজ্রাঘাত ;
 নির্মেষ অশনি-শেল হান, সে ধ্বংসের
 করিবে যা জনাকীর্ণে কঙ্কালাবশেষ ;
 সে দৈব মানুষী বিদ্যা দেখাও সত্বরে,
 গুরু অপরাধী আজ তোমার কারণে ;
 দেখায়ে অনগ্রসাধারণ গুণবত্তা
 তব, অগ্রথা অখণ্ডনীয়, নিন্দাবাদ
 মুছ এ গুরুর । এই পরীক্ষামণ্ডপে
 দিয়ে অশ্রান্ত প্রমাণ তার, পক্ষপাতে
 দোষহুঁষ্ট অধ্যাপকে, রক্ষা কর পাপে,
 উদ্ধত অভিসম্পাতে ।

অর্জুন ।

ক্ষমা কর গুরো,

ক্ষমা কর শিষ্য-পরিবারে ; দ্রোণ তুল্য
 কোথা গুরু আর ? হেরি কেন শুভ্রানন

মনস্তাপে রক্ত কোকনদ ? কে হুঁতগা
 বুদ্ধসিংহে করে গুপ্তাঘাত ? জানে নাকি
 গলিত সে নখ-দন্ত-তলে, হিংস্র শিশু
 নরখাদক রহে কে ? আজ্ঞা দিন গুরো,
 বহুল শস্ত্রশাখার কি গুণাকর্ষণে
 অর্জিব বীরেন্দ্রোপাধি ; এই ঐন্দ্রবাণে
 সৃজিলাম কাদম্বরী-ঘটা—ক্ষণপ্রভা
 গ্রাসিল দিগন্তরালে ; অহো বিদরিছে
 নভঃস্তল শত বজ্রাঘাতে । বায়ব্যাজ
 এড়িলাম নিবারিতে আসন্ন প্রলয়ে,
 প্রকাশিল মুক্ত ভানু ওই নীলাকাশে ;
 হের শ্বেন পক্ষী, পক্ষপাটে বেগবান্,
 ধায় মুক্তপথে ; সন্ধানি অব্যর্থ বাণে
 নিপাতিত শূন্য-মমালয়ে ; ধনুর্বেদে
 ঔষধি-ইষু সন্ধান, মৃত বিহঙ্গমে
 দিহু মৃতসঞ্জীবনী ; পুনঃ শ্বেন ওড়ে ।
 হের এ কালামি-শেল ; মহাজ্ঞ কিরীচ,
 মন্ত্রপূত ছোটে বহ্নিমুখ, দাহ্যমান
 পর্বত-বিদারি ; হের এ কোশিক-শূল,
 বিদীর্ণ নরকাসুর শোণিত তৃষালু ;
 হের শবভেদী, জীবনে অক্ষতিকর,
 দিলে যা আচার্য্য মোরে, একলব্য

গঠিত নিভৃত তপে গুরু-অর্চনায় ।
 হের এ ব্রাহ্মিকা, অমর-প্রাণঘাতিকা ;
 হের বিস্মটিকা, কুপিতা শীতলা দেবী ;
 ছোট্টে বিষধরী, হের এ বাড়বানল ।
 যে কেহ সভাস্থ আছ, বিনা ভীষ্ম-দ্রোণ,
 কুপ, শ্বেতাশ্রজ ভীম, দ্রাতঃ সুষমজ ।
 অর্জুন-প্রতাপাদিত্য ক্ষান্তবীর-বলে
 করে আমন্ত্রণ ; একা বা সজ্জের বলে
 অর্জুন বল-পরীক্ষা চায় সবাকার
 যে কেহ বীর্য্যাভিমानी হও অগ্রসর ।

(কর্ণের প্রবেশ)

কর্ণ । কে রে ! অর্কীচীন হুঃসাহসী রাজপুত ।
 মিথ্যা-দন্তে উদগার প্রলাপ ; যে বিদ্যার
 কর বাহাহরী ; বাগাড়ম্বরই তার
 যথেষ্ট ইঙ্গিত ; তুমি যে শস্ত্র-বিজ্ঞানে
 প্রতিদ্বন্দ্বী কর আকিঞ্চন—সে বিদ্যার
 একান্ত অপরিণামদর্শী তোরে হেরি ;
 উচ্চাঙ্গ শিক্ষার, একান্ত অল্প-শিক্ষিত,
 অপাদপে এরও-পাদপ ! মদোদ্ধত,
 রে নব্য পুরুষাবতার, আশ্রয়রী, মূঢ়,
 দেখি ও ভারত-বংশে পুরুষকথার

এখনো কতটা বয় ; অন্ধ-শিক্ষিতের

দুঃস্বস্তি-চালিত দন্তে কিছু শিক্ষা দেই।

অর্জুন । যে কোন সমর-তন্ত্রে, যে কোন আয়ুধে,

সসৈন্যে বা বথাক্রুত হয়ে, আর বন্য

মিটাই ছুরাশা তোর ; বিচিত্রবীৰ্য্যের

শোণিতবাহ্যার গুণে যা রে আগন্তুক ;

শোনোনি যা জীবনে কখনো ।

କର୍ମ ।

শুনি নি যা,

সে শব্দ অন্বরে নাই ; ওরে অকিঞ্চন !

আমি যে ধনুকে শিক্ষা করেছি শস্ত্রের,

বিজয় তাহার নাম ; সে গুণ-টঙ্কারে

মুর্চ্ছিল একবিংশতিবার ক্ষত্র-যুগ ।

আয় তোর বুধা দন্তে করি বজ্রাঘাত,

যেমনও ভেঙ্গে দিই শিক্ষা সাহসের !

ତୀର୍ଥ ।

কে রে রস-ভঙ্গকারী, প্রকৃতি অদ্ভুত !

সত্তা-কক্ষতলে, অশিষ্ট বাদানুবাদে,

করিস্ সোয়াস্তি ভদ্র ! ওরে নবাগত

কিবা নামধেয় তুমি, কোন্ কুল-জাত ?

ব্রহ্ম-বিশ্ববিদ্যালয়ে, কার অস্তিত্ববাসী

হয়েছিল সমরে স্নাতক ! ওরে নব্য

ନାଓ ମତ୍ୟ ପରିଚୟ ? ଅତଃପର ବୀର୍ଯ୍ୟ

তব হবে দর্শনীয় ।

কর্ণ।

জন্ম-পরিচয়ে,

হতপুত্র আমি গাজেয়। ছাত্র-জীবনে,

রণবিদ্যা বৃহস্পতি পরশুরামের,

শিষ্য অন্যতম ; পরিচয় এ নবোন্নত

আরো কিছু দিবে অন্য স্থানাম কর্ণের।

বীর্যের সাহস বলে, নিম্ন অজ্ঞাতের,

পরীক্ষা আগ্নেয় স্তূপে ; কুস্কুলদীপ !

পরীক্ষার্থী আমিও সভ্যের ; আজ্ঞা দিন

দণ্ডিও অত্যন্ত শিক্ষা-উদ্ধত যুবকে।

কৃপাচার্য। আরে তু সারথি-পুত্র, ভারত-সম্রাট

পুত্রদের প্রতিদ্বন্দ্বী হ'তে, মূর্খ, চাস্ ?

রঙ্গমঞ্চ নহে এ মল্লের, ক্রীড়াক্ষেত্র

এ নহে বাল্যের ; তুমি যে আত্মগোপনে

লুপ্তিলে ভার্গব-ধনে, দুরদৃষ্টক্রমে,

আজি তা বঞ্চিত হয়ে এগেছ এখানে।

বিনা রাজপুত্র কেহ এ রঙ্গমহলে,

হয় না নাট্যাভিনেতা—বুঝ রে অস্বভাব।

ভীষ্ম।

ওরে মূর্খ, পাশেও বঞ্চক ! সার্কভৌম

রণাচার্য্যে করেছ বঞ্চনা ; দণ্ডযুখে,

আসিয়াছ লোকালয়ে নিতে বাহাহরী

সেই চৌরাজ্জিত ধনে করি ভোজবাজী।

দ্রুপদ্যোজন। এ কি অন্যায় নিয়তি ; শিক্ষা-প্রতিষ্ঠানে,

সবাই তুল্যাধিকারী । আশ্র-প্রতিষ্ঠায়,
বর্ণগত বৈষম্যের প্রয়োগ নিষেধ ।

কুসংস্কারে মোহাচ্ছন্ন হ'লেও প্রাচীন,
ঈদৃশ পরীক্ষা-ক্ষেত্রে অধ্যক্ষের যুখে,
বীরের অস্ত্যজ সংজ্ঞা নহে সমীচীন ।

বীর যে, সেই ত মান্যে রাজ্যের প্রধান,
জাতির শীর্ষস্থানীয় ; উচ্চ-নীচ-ভেদ,
নিকৃষ্ট সামাজিকতা, বলীর বিক্রপ ;
বিদ্যালয়ে মানদণ্ড নহে যোগ্যতার ।

কর্ণ ।

ক্ষত্রিয় স্বভাবে এই স্বজাত্যভিমান,
এত যে নিয়মধর্মী, অগ্রে কে জানিত ।

গুণিতাম বিশ্বামিত্র ব্রাহ্মণ্য-ধর্মের
জন্মি বহির্ভাগে, তবু দ্বিজের নিষ্ঠায়,
পালিয়া স্বভাব-ধর্ম হইল ব্রাহ্মণ ।

কিন্তু এ ক্ষাত্র-কৌলীণ্ডে কুল-নিষ্ঠাচার,
দেয় না নীচ-জাতিকে স্বযোগ্য আসন ;
সেটুকু সম্মান, প্রাপ্য যা গুণানুসারে ।

এ ক্ষাত্র সভ্যের দাতব্য প্রণতসাপত্রে,
কি হবে আমার ? ওই আশ্রমস্তরী দণ্ডে,
রাখিব স্মরণ-পথে, দেশে বা বিদেশে,
যখনি দেখিব কোথা, ওই নপুংসকে
তখনি ভাজিব ওর নির্ঝিব দশনে,

চলিলাম রেখো মনে কর্ণের শপথ ।

ও কৃপমণ্ডকে আমি দেখাব জগত ।

হুর্যোধন । কেন এ বৈষম্য হবে ? নিশ্চুকুট শির,
যদি না আতিথ্যযোগ্য, তবে অভ্যাগতে
মুকুটের দিহু অঙ্গীকার । যাও বীর
এবার সঙ্কল্প-সিদ্ধ হও ধনুর্ধর ।

ভীষ্ম । বৎস, এ কোরব-গৃহে শিক্ষিত কলার,
একটা নাটকমঞ্চ—এ রঙ্গভূমির
কুশীলব দ্রোণ শিষ্য কুরুসম্প্রদায় ।
দেবেন্দ্র হ'লেও কেহ ? এ রঙ্গমঞ্চের
হ'তেন অযোগ্য নট ! তোমার ইচ্ছায়
তথাপি দ্বিতাম আজ্ঞা, যদি না অশুচি
আনিত চৌর্যের বুলি দস্তে মাথে করি ।

অর্জুন । দিন গুরো ইঙ্গিত অনভিপ্রেত ! দাহ !
দিন তুচ্ছ প্রত্যাদেশ—দেখি ও দস্যুর
কত শক্তি পাশব-বলের ; দ্রোণ-শিষ্যে
ভাবে যে অল্পশিক্ষিত—সে ভ্রান্ত-বুদ্ধির
নিশ্চয় মস্তিষ্ক উষ্ণ । এ রঙ্গমঞ্চের
প্লেবোক্ত অভিসম্পাত নহে মার্জনীয় ।
আয় বগ্ন নবাগত, মাতৃঘাতকের
কতটা বল-বিক্রম পেয়েছ দেখিব ;
যা নিরে কোরব-গিহে তুচ্ছ মনে ভাব ।

রূপাচার্য্য । স্থানান্তরে হতে পারে, এ রঙ্গ উৎসব ;
এ ক্ষেত্রে সম্ভব নয় ।

ভীষ্ম ।

অরে সূতাত্মজ !

যে শিক্ষার কর তুমি এত অহঙ্কার ;
সে শৌর্য্য কোরব-রক্তে নহে অজানিত ।
গেছে সে যুগান্তরালে, অস্তারুণ-লোকে ।
ষেটুকু রক্তিম। ছিল—এই ভীষ্ম-করে
হয়েছে তা কালিমাচ্ছাদিত । সে গরিমা
এখন প্রাগৈতিহাসিক—সে ভুল-বিভ্রমে—
মতিচ্ছন্ন হয়ে যদি হেথা এসে থাক,
এখনি অস্পৃশ্য সূত ! দূরীভূত হও ।
কর্ণ । হাঁ যাই ! যাবার পথে ভীষ্মে ব'লে যাই
এ বংশ করিব ধ্বংস ।

[প্রস্থান ।

দুর্য্যোধন ।

জাতির দোহাই

দিলেন গাঙ্গেয় আজ আতিথ্যাপমানে ;
যাই “দাছ” সভাস্থল স্নেহে অন্ধ আজ ;
বিচারে কার্পণ্য বড় ।

[দুর্য্যোধনের প্রস্থান ।

কেন দাছ হ'লে,

সংশয়ে বিক্লিপ্ত চিত্ত, আড়ষ্টাভিভূত ?

নাহি কি কেহই কুরুপাণ্ডব-মহলে
 সমরে অকুতোভয় হত' যে কর্ণের ।
 ভীষ্ম । তুমিই একাকী শক্ত ; ভাব কি কুমার,
 রণবিজ্ঞা শাঠ্য-অনুগতা ; বঞ্চকের
 বিলাস-নর্তকী ; জয়শ্রী স্বয়মীশ্বরী ।
 সে তার ভক্ত-বাৎসল্যে অক্ষয় বরের
 দেয় ঢেলে আশীর্বাদী মালা, যশোহার ।
 সে চায় নৈতিক বলে রক্ষিত দুয়ার ।
 দ্রোণাচার্য্য, আর কিছু আছে অতঃপর ?
 দ্রোণাচার্য্য । আছে আত্মজের প্রদর্শনী বাকি, আরো
 অবশিষ্ট কুমারের ; কিন্তু আমি আর,
 পারি না সময় ক্ষেপ করিতে অসার ।
 সভাস্থ গুহুন, আত্মনিবেদন আজ ;
 শিক্ষাব্রত-দক্ষিণাস্থ উত্থাপনযোগে,
 আছে যা যাচিঞা-যোগ্য ; বৃত্তি রাজকীয়,
 দেহ যা অভিভাবকস্থানীয় গাঙ্গেয়,
 পারিশ্রমিক হিসাবে, সামান্য সে সব ।
 মোর মন্ত্রশিষ্য যত গুরুদক্ষিণার,
 একটা বিলি-ব্যবস্থা কর অচিরাতঃ ;
 যে লোভে এসেছি আমি এই দীর্ঘপথ ।
 অজ্জুন । গুরুজী, কি আছে দেয় ? যদি সাধ্য হয়,
 শিবোন্নত প্রাণাস্ত চেষ্টা, শত্রুশীলতার,

এখনি তা করণীয়। অবিলম্বে দাস
 প্রস্তুত মহত্‌গুরু প্রাপ্য নিবেদনে।
 দ্রোণাচার্য্য। স্নেহাশিস্ লহ পুত্রাধিক ! প্রিয়তম !
 এ দিনের প্রতীক্ষায়, দশম বৎসর
 দীর্ঘ, রহি কুরু-বৃষ্টি-ভোগী। দ্রোণভূজে,
 ছিল যা ভার্গব-ওজঃ, নিঃশেষে তোমায়,
 করেছি সমস্ত দান। শিক্ষিত তরুণ,
 একবার জাগ রে ভারত ; ক্ষত্রবন্ধু
 তিরস্কৃত ব্রাহ্মণ্য-ধর্ম্মের ; হেয় জ্ঞানে,
 প্রবলের প্রভুত্ব-দাপটে ; মুহূর্ত্ত
 কশাঘাতে কর প্রতীকার ! গুরুদ্রোণ
 তবে, ম'লে মুক্ত হবে ; নতুবা ফিরিবে,
 পুনশ্চ নব-যৌবনে মস্তকের সাধনে।
 অর্জুন। কে সে, বন্ধুদ্রোহী ক্ষত্রাধম ? বিজ্ঞাতম
 দ্রোণে যে হিংসিল ব্যভে ;

দ্রোণ।

পাঞ্চাল-ভূপাল,

ছিল সহপাঠী মোর গুরু-গৃহবাসে।
 হ'ল বন্ধুত্বে প্রণয় ; দিল অঙ্গীকার,
 যদি সে পাঞ্চাল-ভাগ্য-বিধাতৃপদের
 কভু অধিষ্ঠাতা হয়, তবে সে রাজ্যের
 অর্দ্ধাঙ্গ আমায় দিবে মূল্য প্রণয়ের।
 মোর কুটচক্রে, আরো কত কুমন্ত্রণা—

শাণিত বিস্তায়, যবে সে দ্রুপদ-যুবা
 রাজমঞ্চে পেলে স্বাধিকার ; প্রতিদান
 দিল সে, চিন্তের অদ্ভুত পরিবর্তনে,
 নিদারুণ ব্যথা ; কহিল ঘৃণিত ব্যঞ্জে
 “ওহে, চীরবাস দ্বিজ ! এটা রাজগৃহ ;
 যথেষ্ট আকাশ-স্বপ্ন বিলাসে উল্লাস-
 করণে বাক্যের মূল্য হেথা কারাবাস ।
 দারিদ্র্য রাজসম্পদে কোথা মৈত্র-রাগ
 সম্ভবে, জান না দ্বিজ, এ বড় বিক্ষোভ” ।
 বৎস—তাই এ দ্রোণের গুরুদক্ষিণার,
 এত প্রয়োজন ; নিরোধি পাঞ্চাল-বলে,
 যে বন্দী দ্রুপদে, মোরে দিবে উপহার ;
 সে গুরুদক্ষিণা দিয়ে হবে সোমভাক্ ।

অৰ্জুন । করি এ প্রতিজ্ঞা গুরো ! স্বভ্রাতৃমণ্ডলে
 পরিবৃত্ত, অথবা একাকী, নিরপেক্ষ,
 এ চাত্তপক্ষের মধ্যে দানিব দক্ষিণা ;
 নতুবা অভক্ষ্য ভক্ষ্য হবে অৰ্জুনের ।

দ্রোণ । এ দৃঢ় শপথ-পত্র অর্হেক পূরণ,
 দ্রোণেচ্ছার । পরিতুষ্ট হলাম কুমার ।

ভীষ্ম । কোরব-কুমারসজ্জ ! এখনি সৈন্তের
 কর গে পরিচালনা পাঞ্চালাভিমুখে,
 দিতে পৃষ্ঠপোষকতা পার্থ অভিযানে,

কৃতসঙ্কল্প পালনে । মোরা বুদ্ধগণে,
 নির্লিপ্ত রহিব, স্পষ্ট বিশ্বাস লভ্বনে
 সন্ধিপত্র সততায়—যাও অরিন্দম !
 ভবিষ্যত ভারত-প্রদীপ ! পরীক্ষার
 রঙ্গমঞ্চ হ'তে রক্ত-সমরমর্দনে ।
 এখনি তৈরব-বীৰ্য্যে হও আগুয়ান,
 অদ্যকার মত সভাভঙ্গ হ'ক তবে ।

[সকলের প্রস্থান ।



ষষ্ঠ সর্গ

স্থান—হস্তিনাপুর রাজপথ ।

সময়—মধ্যাহ্ন ।

(কর্ণের প্রবেশ)

কর্ণ ।

ওই দর্পে, কোরবের বিলাস-মন্দির,
কাল-তেজে উদ্ভাসিত, বীর্যের ভূধর,
যশস্বীর পুণ্য নিকেতন ! ওই হর্ম্যে,
বর্জিত হইত শিশু, আসিত যতপি,
সীমন্তিনী গভিনী দোলায় । তুঙ্গ-শৃঙ্গ,
প্রত্যেক সৌধের চূড়ে, গর্জিত কেতনে,
বাখানিছে পূর্বতন পুরুষ-গরিমা ।
উচ্চাকাঙ্ক্ষা জলে চারিভিতে ; রে হস্তিনা !
কর্ণেরে দিয়াছ তুমি যে অবমাননা,
সে দিনের রঙ্গালয়ে, তার প্রতিশোধ,
কি হ'তে পারে তা জান ? ও স্বর্ণ-পুরীর,
প্রধান বরিষ্ঠ ভীষ্মে শ্মশানস্থ করি,
বংশনাশ করিব পশ্চাতে ; পুতিগন্ধি—

মশানের নথ ছবি, ফোটাব নগরে ।
 তবু মণ্ডলাধিপতি স্মৃতি-সোধতলে
 অগ্নি দিতে প্রাণ নাহি চায় ; কি করিব,
 ক্ষমা ক'রো বীর্যের সমাধি ! কর্ণ আমি,
 জাতিচ্যুত হত ; লাজিত, পতিত আমি ;
 দীন আমি, দম্য আমি, অশান্তি বিপ্লব,
 সংসার চাহে না মোরে, চাহিল না মায়ে,
 প্রিয়-শিষ্যে বিভাড়িল রাম ; তুমিও ত
 চাহ নাই কোন দিন, রে সুন্দরী পুরী,
 কর্ণের স্বদেশ-সেবা ? তবে কেন আমি,
 ক'রে যাব প্রাণপণে সবার পোষণ,
 পরক্ষণে করে যারা রৌদ্র উপহাস ।
 না না, আমি লব এর তীব্র প্রতিশোধ,
 কুরুক্ষেত্রে বসাব শ্মশান । ওই পিতা
 ভগবান জগত্-প্রসূতি ! রক্ত-চোখে,
 করেন ভৎসনা ; সূর্য্যপুত্র ডরিবে কি
 বালক অর্জুনে—যদিও গাঙ্গেয় থাকে
 পৃষ্ঠপোষণে তাহার ? কে আসে অদূরে,
 বামন ব্রাহ্মণ-বটু । ক্ষিপ্ৰপদভরে,
 অগ্নি-শিখা বলসে শরীরে ; শ্যামকান্তি-
 নীলকান্তমণি ; কিবাদের দ্বিজবর ?
 ব্রাহ্মণ ! স্বয়ম্বাগত পদে নমস্কার ।

(বালকবেশী ব্রাহ্মণের প্রবেশ)

ব্রাহ্মণ । হে বীরভূষণ ! পার কি বলিতে মোরে ?
রাজগৃহ রহে কতদূরে ? ভিক্ষাবুলি,
জীবিকা-সম্বল ; দান লব রাজগৃহে ।

কর্ণ । ভিক্ষার্থী ব্রাহ্মণ ! প্রতিগ্রাহী হও যদি
দাতৃ-ভরসায়, নাহি ইতস্ততঃ কর ;
তবে জন্ম-সহজাত স্ববর্ণকুণ্ডল,
স্বতপুত্র দানিছে তোমায় ; লহ দেব ।
এ ভিক্ষাবৃত্তির দৈন্তে করিতে নির্লোপ,
যত্নপি অসত্-প্রতিগ্রাহী হও বিজ্ঞ ।
পার্শ্বে ওই রাজগৃহ শোভে স্বর্ণচূড়,
বিস্তৃত যোজন-পথ, যমুনাগুলিনে ।

ব্রাহ্মণ । উচ্চদান বটে ! কিন্তু যে ভিক্ষার বুলি,
বৈদেহিন্ন ব্রহ্মচর্য্যে তপ্তুলকণায়,
তাহাতে স্ববর্ণদীপ্তি, রত্নোজ্জল ভাতি,
সন্দেহী চক্ষের বালি হবে, জনপদে ;
দেখি সে কনককাস্তি কক্ষাট কোটাল,
তখনি ধর্ম্মাবতারে—দিবে উপহার ।
ব্রাহ্মণ-সেবায় রত্নদানে ইচ্ছা হয়,
চাই আমি ধরণীর প্রকৃষ্ট নীলায় ;
পার কি হে দিতে মোরে, স্বতের তনয় ?

কর্ণ । কিন্তু সে যে প্রতিজ্ঞায় করিয়াছি দান ।

হে ব্রাহ্মণ ! যদি কভু স্মৃতির নন্দন,
ভার্গবের শিক্ষা-তপে, পারে অর্জিবারে
সে মণি-কাঞ্চন, রাজপুত্র সুষোধনে ।
তদ্ব্যতীত আর কিছু থাকে চাহিবার,
কর্ণ তোমা দেবে স্তনিশ্চয়, বিজোতম !
সদ্বিচ্ছা দাসের প্রতি করুণ বিধান ।

ব্রাহ্মণ । দান-বীর ! আপাততঃ প্রয়োজন আর
নাহি দেখিতোছ, অথ আছে চাহিবার ;
ব্রাহ্মণের করি বাক্যদান, একদিন,
আতিথ্যসংকার কিছু করিব গ্রহণ,
দানেঙ্গুর গার্হস্থ্য সেবার । যা যাচিব
চাই কিন্তু মোর ; অস্বীকারে ব্রহ্মতেজে
ভস্মীভূত হবে । এ বহুক্ষতির পথে,
স্বল্প পুণ্য-লোভে, আছ কি প্রস্তুত হত ?
অদ্বকার মত তবে যাই রাজগৃহে,
দেখি অভুক্তের ভোজ্য ছোটো কি কপালে !

কর্ণ । আমন্ত্রণ নিবেদিতু তোমায় ব্রাহ্মণ ।
যে দিন যে ভাবে যাবে, চিনি বা না চিনি ;
আমরণ হস্তিনায় রব যদবধি ।

[ব্রাহ্মণের প্রস্থান ।

(স্বগতঃ) কেবা ওই তরুণ ব্রাহ্মণ ! শরতের

চান্দ্রভাস, শ্রীমুখের সুধাংশু বিতরে ।
 দ্বিজপুত্র ! অথচ কপোল-চুমে কেশ-
 বিনায়িত ; জয়গলে ভঙ্গী মাতোয়ারী ;
 বিজলী-উজ্জল বপু, বন্ধিম চাহনি,
 ব্রহ্মচর্য্য-পরিচয় দেয় না কোথায় ;
 অথবা সে কাঠিগের রেখা উঠে নাই !
 যত্নে অভ্যাসিত, যেন শৈশব বয়ানের,
 অতর্কিতে মৃদুমন্দ হাস্তক্ষুণ্ট হয় ।
 সহজে চলিয়া গেল, কিন্তু মোর বৃকে,
 ঢেলে গেল বিজিতের স্নানীর্ঘ নিঃশ্বাস ।
 জানি না কতই হেন, ব্রাহ্মণ-বন্ধলে,
 ঘুরিতেছে ভগ্নদূত, ছুরভিসন্ধির ;
 কর্ণে করি উপহাস, কে তুমি ব্রাহ্মণ !
 অজ্ঞাত নিগূঢ় স্বার্থ, করিলে সাধন ?
 কর্ণে প্রতারিয়া কে রে গুণী বিষহরী,
 গোখুরায় করিলে প্রহার ; ফেনায়িত
 বিক্ষুব্ধ ভুজঙ্গ গর্ভে করিলি প্রবেশ ?
 হে অজ্ঞাত, মহিমামণ্ডিত । যদি পাই
 তোমারে আবার ? ভিক্ষুকের চীরবাসে,
 অথবা সে তন্মাত্রার নিগূঢ় স্বরূপে,
 বুঝাইবে কর্ণ তোমা, কারে প্রতারিতে,
 এসেছিলে শ্রামরূপ ! কে তুমি রমণী ।

(কুন্তীর প্রবেশ)

কুন্তী । কে তুমি রমণী ! ওই শুন রে জগত্,
জিজ্ঞাসিল পুত্র মায়ে, কে তুমি রমণী !
আমি কিন্তু দূর হ'তে সারূপ্য স্মরণে
চিনেছিহু পুত্র-পরিচয়ে । এ দুর্ভাগ্য
মায়েরা পাইনি কেউ কুন্তী রাঁড়ী বই ।
পুত্র মায়ে সন্মোদিত কে তুমি রমণী !
আয় মা'র কোলে, আরে-রে অবোধ ছেলে,
মায়ে তোর চাহ না চিনিতে ? জ্যেষ্ঠাত্মজ,
অকালে আসিয়া ভুলে গর্ভের কারায়,
লজ্জার জঞ্জাল হ'লি, কৌমার-হিয়ায় ।
বালিকা-স্বলভ ভয়ে করিলাম ত্যাগ,
অজানায়—জানিতাম সূর্য্যের তনয় ।

কর্ণ । হাঃ ! হাঃ ! দেবী ; স্মৃতিভ্রংশ ঘটেছে তোমার !
আমি যে সূতের সূত, ক্ষত্রী মহাদেবি !
অৰ্জ্জুনের আমৃত্যু অরাতি ; জানি, আমি
পৃথা-গর্ভে সূর্য্যের তনয় ; আরো জানি,
পরিত্যক্ত গর্ভধারিণীর । যে জননী
করে ত্যাগ শিশু স্নকুমারে ; যে মাতৃহ—
ভুলে যায় স্নেহের নির্য্যাসে ; নবক্ষীরে
উজ্জ্বলিত, স্তন-যুগ্ম হ'তে প্রতারিত,

করি সদ্যোজাতে—যে প্রস্থতি শিশু মারে,
 আপনার কুমারীত্বে রাখিতে বজায়—
 অভিজাত-বংশ-বধু-পদ-লালসায় ;
 সে শীলায়, कह দেবি, কেমনে সন্তান,
 মাতৃপূজা করিবে বোধন ? সে মাতার
 মাতৃযুক্তি ফোটে কি কোথায় ? কে কোথায়,
 এরূপ হৃৎস্বপ্ন-বার্তা করেছে শ্রবণ ?
 মাতৃ-কোল সন্তানেরে দেছে বিসর্জন,
 স্বেচ্ছায় মরণে তুলে ; ফিরে যান গৃহে ।
 শুনে যান, শুধু মাত্র মায়ের দোষেতে,
 অবিমিশ্র মাতৃ-অপরাধে, কর্ণ আজ
 জগতের ঘৃণ্য, নগ্ন, ত্যক্ত, অনাহৃত !
 অং কি কহিব মাতা, নহ কি লজ্জিতা ?
 মাতৃকণ্ঠে ত্যক্তপুলে করিতে আহ্বান ।
 কিস্তী । কি বলিব পুত্র তুই মোর । কুরু-বধু
 করে কি আহ্বান কারে হৃৎখিনীর বেশে—
 তার লজ্জা-সন্ত্রমে দায়িত্ববহনে ?
 কি করিবি কর্ণ তুই ? এখনো শ্মশুর—
 গাঙ্গেয় জীবিত আছে—অভ্যুদয়শীল
 অর্জুনে, অভয়-রক্ষা কবচ-বেষ্টনে ।
 এখনো পুত্রের শিরে দেই নাই ভার,
 সজীব শ্মশুর-শাখা রক্ষিতেছে দ্বার ;

তবে মাতা আমি তোর ; পূর্ব অপরাধে
কুণ্ঠিতা পুত্রের দ্বারে । আয় কর্ণ, আয়,
ভুলে যা রে মাতৃকৃত ভীকু হুস্কিয়ায় ।

কর্ণ : মা গো ! কর্ণ তোর এত কি হৃদয়হীন ?

এত কি নিশ্চয় স্নেহশীলতায় ? সে কি
হৃৎকলতা জননীর পারে না বুঝিতে ?

কিন্তু তোর পুত্রদের রক্তমাগ্নে মা গো,
ওই ভীষ্ম মোরে, নিতান্ত দুর্ব্যবহারে,
রুক্মশ্বরে গড়িয়াছে নিশ্চয় পাষণ ।

দেখি তো মা পুত্র তোর, বীজ ভার্গবের,
ভীষ্মে না কর্ণের শীলে অঙ্কুরিত বেশী ?

ভাগ্যের হৃদৈব-চক্রে ভায়ে করে অরি,
এখন অনগ্রোপায়—বন্দী শপথের,
কি করিতে পারে কর্ণ, সংকল্প ব্যথিছে ।

কুন্তী : কিন্তু এ কি অদ্ভুত কাহিনী ? মিথ্যাশ্রমে

নিতান্ত অস্বাভাবিকী—জ্ঞাতি-শত্রুতায়,
ভীষ্ণবাণে ভ্রাতৃত্বভে করিবে দোহন ?

যেই ভাই শোণিতে অর্ধ-অংশীদার,

যে ভাই আশ্রম-মৃগ ভিক্ষু করুণার ;

বাল্যের সহজ-স্নেহে প্রবিভক্ত ব'লে,

সেই ভায়ে শত্রুভাবে করিবি নিধন ?

আর আমি মা'র চক্ষে করিব দর্শন ?

বীর-পুত্র প্রসবের এই ত সুসার ;
 ক্ষত্রী যাহা শিবপদে বর মেগে লয় !
 কর্ণ মোর জ্যেষ্ঠ সূত, ভীষ্মে যে অভীরু ;
 ধর্ম্মের নিগূঢ় পন্থী, মধ্যম কুমার ;
 তৃতীয় গর্ভজ ভীম, হরস্তু ক্ষত্রিয় ;
 সর্বোত্তম কৃষ্ণসখা কনিষ্ঠ দুলাল ।

আরো দুটি স্নেহের শাবক, নারীজন্মে
 অক্ষয় স্রবর্ণ-গৃহ গড়েছে আমার :
 বল কর্ণ, এ দর্পিতা পুত্রবতী নারী,
 রবে কি পরের ঘরে লাক্ষিতা যবনী ?
 অদিতি ছিলেন যথা দিতিজ-বন্দিনী ।

কর্ণ । শুন মাতঃ ! আজি মোর মস্তিষ্ক বিকৃত ;
 প্রতিজ্ঞায় অন্ধ আমি, তুমিও জননী,
 মাতৃ-বাক্য ত্যজি বা কেমনে ? মহাপাপ
 স্পর্শিছে আমার ; দুই গিরি-সঙ্কটের
 মালভূমে তুলিয়া প্রাচীর ; কর্ণ রথী,
 আপন বৈশিষ্ট্য মাতঃ করিবে রক্ষণ ।
 শুন মা গো, এই মনঃসকল এখন ;
 পঞ্চপুত্র-মাতা তুমি রবে, হয় জ্যেষ্ঠ,
 নয় তোর সর্বোত্তম জীবনান্ত হবে ।
 গিয়াছে জনৈক সাধু, এই অল্লক্ষণ
 ব্রাহ্মণের দ্বাদশী-ভিক্ষায় । যাও মাতঃ !

হুয়ারে স্বয়মাগত মঙ্গল উদ্ভিত ।
 চলিল সন্তান তোর মন্ত্রণা-আগারে,
 কতক্ষণে হস্তিনায় রক্তনালা ভরে ।
 কুন্তী । এই তোর শেষ বাণী নিশ্চয়-সন্ততি ?
 মা'র কাছে শ্লেষকণ্ঠে করিলি উদ্‌গার,
 একপুলে যমপুরে পাঠাবি নিশ্চয় ।
 শোন্ মাতৃ-অভিশাপ, কর্ণ রে নির্দয় !
 নিজপুলে নিজহস্তে করিবি হনন,
 তবে এ কুন্তীর প্রাণে হবে শান্তিলাভ ।
 যাই ফিরে ; ভেবেo কিন্তু বিশ্রামাবসরে ।
 কর্ণ । কি আর ভাবিব মা গো ? অভিশাপ-রোগে,
 রাধেয় ভাবে না আর মস্তিষ্ক-পেষণে ?
 ওটা হয়ে গেছে মোর চক্ষের দোসর,
 জন্মাবার দিন হ'তে, রব যদবধি,
 তদবধি অভিশাপ রহিয়া পশ্চাতে,
 কর্ণ অভ্যাদয়-মুখে সিংহদ্বার তুলি ;
 বিজ্ঞার অর্জিত বীর্য্যে করিবে নিষ্ফলা ;
 উন্নতি-প্রতিবন্ধক হয়ে প্রতিপদে,
 মানুষের অমরত্বে রাখিবে বঞ্চিত ।
 জানি মাতঃ, শেষ নতি লহ অভাগার ।

(নমস্কার)

কুন্তী । আয় কর্ণ, নে রে মা'র ব্যথিত আশ্বাস ;

মাতৃকণ্ঠে অভিষাপ দেছি যা সন্তানে,
হোক তা নির্মালাভূত আশিস্ মঙ্গলে ।

[প্রস্থান ।

কর্ণ । রে বিধাতঃ ! নিশ্চয় দারুণ ! কর্ণে কেন
গড়িয়াছ তিক্ত উপাদানে ? স্নেহাশিস্
জননার দিলে না আশায় ; লোকে যাহা
আকর্ষণ কর্তব্য লয়ে, ভুঞ্জিছে জগতে ;
ভ্রাতৃ-প্রেম কেড়ে নিলে, বিচ্ছেদ ঘটালে,
বিশ্বজয়ী শ্রীকৃষ্ণের শ্রীচরণান্তে ।
তোমার ভাঙারে আছে যত অভিষাপ,
কুটিল, কুৎসিত, কূট, বিষাক্ত, বিষাদ,
কর্ণে তা ভরিয়া দেহ । শুধু এ হৃদয়
কেন রাখ অচল অটল ? মেরুবক্ষে
কেন বা ভাতিছ তুমি, পাষণ কঠোর
কর্তব্যের স্বাধীনতা রক্ত-মবনিকা ?
এস সখে ! পথযাত্রী তোমারি মন্দিরে ।

(হৃষ্যোধনের প্রবেশ)

হৃষ্যোধন । শুনি সমাচার এক ব্রাহ্মণের মুখে,
আসিয়াছ বজ্রবর ; এসেছি ছুটিয়া ।
অশান্তি বেড়েছে বড় তোমারে লভিয়া ;
না পারি থাকিতে একা আর গৃহকোণে ।

সমগ্র কোরবসেনা পাঞ্চালাক্রমণে
নগরবহিঃস্থ আজ ; প্রাচীর-বেষ্টনে,
এ সময়ে নিরুৎসাহে থাকে—মর্শাস্তিক
নিঃস্বার্থপরতা । তাই তব সঙ্গাশায়,
ছিলাম উদ্বিগ্ন-চিত্ত ; এসেছ যখন,
চল শোর গৃহেতে ধীমান্ ; অতঃপর
কর তব বাসাগার মন্দির আমার ।

কর্ণ । আয়ুয়ন্ ! অজ্ঞাত-স্বভাব-শীলে—আর
জান না কিছুই যার রহস্ত বীর্য্যের ;
অযুক্ত অপরিচিত্তে করি বাক্যদান,
পারিবে কি অন্ধভাগ্যে করিতে বরণ ?
নির্বিচারে মোরে যদি চাহ নররায়,
তোমার গৃহেতে গৃহী রহিব ধরায়,
যতদিন দুঃসঙ্কল্প স্থসিদ্ধ না হয় ।

দুর্যোধন । আমি যে তাহাই চাই ; দুঃসঙ্কল্পালয়ে,
হুয়াশা হৃদমর্শীয়া সমাদর লভে ।
যেক্রমে থাকিতে চাহ, থাকিবে সেরূপে ;
শুন সখে ! চাই শুধু সখ্য প্রণয়ের ।
তোমার রঞ্জন যদি হয় প্রয়োজন,
তাজিতে স্বভাবান্বীয়ে, তখন তাজিব ।

কর্ণ । তবে শুন সখে, অন্ধ অন্তরের কূপে,
লুকায়ে বা রেখেছি দুর্নীতি ; যে উদগার,

একদিন ভস্মিবে নগরী । গুন সখে,
 সে ধ্বংস আশ্রয়-তুপে ধাতুদিগরণের,
 প্রথম বর্ষণ দিবে ভস্মিতে পার্থের,
 উদ্ধত কৈশোর তহু ; সে ভস্মাবশেষে,
 ভীষ্মের স্তবির অস্থি দিব গঙ্গাজলে ।
 প্রথমাক্ষে শত্রু ওই তৃতীয় পাণ্ডব,
 উহার দমনাকাজ্ঞা, কর্ণের উৎসব ।
 চল সখে, যাই তব গৃহ-আচ্ছাদনে ।

দুর্যোধন । আমরাও ওইটি লক্ষ্য, মন্ত্রের সাধনে ;
 চাই সেই অতিকায় ; যে পুরুষাকার
 সম্পূর্ণ নিযুক্ত রয় পার্থের দমনে ।
 উহারি হুশ্চিন্তা চিন্তে নরকাগ্নি জ্বালে ।
 উহারি বিজ্ঞেতা ভাগ্য-বিধাতা এ ভালে ।

কর্ণ । হুয়াশা হুর্নীতি আজ মিলিল সঙ্গমে,
 বাহিতে পুণ্যের তরী বৈতরণী পারে ।
 আমাতেও হুঃস্বপন স্নঃস্বপন হবে ।

দুর্যোধন । চল সখে, যাই মেরা পাঞ্চালভিমুখে ;
 ভীষ্মের আদেশে স্পষ্ট অমান্তকরণে,
 জনক পড়িবে বড় নিন্দিত পীড়নে ।

কর্ণ । চল সখে, বিশ্রাম-আগারে । অতঃপর
 সর্কদিক্ রক্ষা করি হব অগ্রসর ।

• [উভয়ের গ্রহান ।

সপ্তম সর্গ

ভীষ্মের বিশ্রাম-কক্ষ ।

সময়—পূর্ববাহ্ন ।

ভীষ্ম-উপবিষ্ট ।

(অর্জুনের প্রবেশ)

অর্জুন । গাঙ্গেয়,—অর্হত্-সজ্জ—স্ববির পুণ্যায়ঃ,
কৌরব-গৌরব-রবি ; নমঃ পূজ্যপাদ !
এনেছি জয়নৈবেদ্য দিতে উপহার,
পাঞ্চালরাজমন্তক গুরু-অর্চনার ।

ভীষ্ম । এস নবীন স্নাতক ! যথা গুক্রাচার্য্য-
অধ্যাপিত গুরুপুত্র কচ। গুরুদীক্ষা
প্রত্যক্ষ ফলদা করি, এস কুরুক্ষেত্রে,
চন্দ্রবংশ-গুণধর ! শতাস্থমেধের,
ক্ষত্রোক্ত ঘটস্থাপনা করিলে কুমার !
এ ক্ষুদ্র হৃদয়ে বাহা আশীর্ব্বাদী আছে,
নিঃশেষে দিলাম তোরে । যে কুরু-পাঞ্চাল,
শতাব্দী উপযুপরি, রণ-কোলাহলে,
নিয়ত রয়েছে ব্যস্ত, সে যৌমাংসা-ক্ষেত্র

তুমি উদ্ভাবিলে আজ । রণ-বিজ্ঞাপীঠে
 শত্ৰু-উপাধিলাঞ্ছিত ; জাত্যভিমানের,
 স্বর্ণ-মিনাকে চিহ্নিত ; ধনুর্বেদাচারে
 রে বিস্ত ! সর্বাদিসূত্রে ! প্রয়োগবিজ্ঞানে
 আছে যা গুহ্য রহস্ত, কৌশিক-বিশ্রুত,
 আদ্বিরসি ইষু-চালনার, সে শত্ৰুদে
 হুল্লভ তত্বোপদেশে দিব দীক্ষাদান ।
 ভারত-সন্তান-সংজ্ঞে তুমি বীর্যবান ।
 কিন্তু মামকীয় দান, রেখ সাবধানে,
 জামদগ্ন্য রণবিজ্ঞা হ'তে ও উত্তম ।

অর্জুন । হে কুলদেবতা ! পাঞ্চাল-জয়ের মান,
 এইবার হ'ল ফলবান্ ; যশোমালা,
 কি হবে আমার ? যদি না সে জয়ত্রীর,
 যোতুকে আনুষ্ঠানিক থাকে বিজ্ঞালাভ ;
 যে ধন, মরণে সঙ্গী, জীবনে অক্ষয়,
 উহাই পরম লক্ষ্য । স্নেহাক্ষুণে সব
 ভুল-ভ্রান্তি ঘুচায়ে আমার, করিমদে
 পূর্ণ কর মোরে । জনশ্রুতি শুনিয়াছি,
 আত্মজ্ঞানলভ্যঃ কভু নহে দুর্বলের ।
 দাও সে বলায়ুঃ সত্ত্ব, যে বীর্যরোপণে
 সৎচাবী তুমিই দাছ এ পৃথ্বীমণ্ডলে ।

ভীষ্ম । দিব তা ষড়ঙ্গ জ্ঞানে । কোথায় রেখেছ

প্রবল পাঞ্চালরাজে ? সে হুরন্ত বলে
 ক'রো না মাৎসর্য্যে প্রতিহিংসা-পরায়ণ ।
 গুরু-স্বার্থোদ্ধার শিষ্টের উৎসাহক্রম,
 বুঝায়ে পাঞ্চালে ; নিজস্ব দায়িত্ব কোন
 বহিও না শিরে । পাঞ্চাল নবাধিকৃত,
 কোরবে, জয়-গৌরব-সংশ্লিষ্ট নহেক ।
 করেছ গুরু-আদেশে দ্রুপদে বন্ধন,
 অবশ্য কর্তব্যজ্ঞানে ; নিঃসঙ্গ স্বয়ম্
 জয়োল্লাসে, নির্বিরোধী রবে সমস্তায় ।
 দ্রোণ ও দ্রুপদ যাক্ নিজ-মীমাংসায় ।
 অর্জুন । তাহাই করেছি দাছ । পাঞ্চাল-বারিধি
 কেনিলে তুরঙ্গবলে ; নিষৃত যোদ্ধার,
 গর্জ্জিলে তরঙ্গ-বোষ ; কোটি গজধ্বজি
 ছুটিলে বস্ত্রার হাঁকে ; দেখিলাম যেন
 সর্ব্বগ্রাসী সিঁছু কড়কড়ে । আমি একা,
 তটস্থ কোরববলে, মন্থনদণ্ডের
 অদম্য মৈনাক দেহে, ছিন্ন উচ্চশির ।
 ক্রমে স্তব্ধ করি সে পয়োধি, জয়ত্রীর
 লভিল স্বর্ণ-গাগরী সুধাসজীবনী ।
 নাগপাশে প্রথম বঁধিলু, মহামাত্ত
 দ্রুপদ রাজার যেই ; চকিত বিশ্বরে,
 কহিল ভৎসনা-স্বরে, কেন রে পাণ্ডব

পাঞ্চালে শত্রুতা কর ? ক্রম-ঘনায়িত,
 আগামী গৃহবিচ্ছেদে, এ পাঞ্চালরাজ
 হইত পৃষ্ঠপোষক, অন্যথ পাণ্ডবে ।
 যুক্ত করি বন্ধন তখনি, অপ্রতিভ,
 যেন কি অজ্ঞানকৃত পাতিহে, কহিহু,
 “হে বীরপুঙ্গব—মোর বাল্যচপলতা,
 ক্ষমাই গুরু আত্মীয়ে ; কিন্তু এ আমার,
 গুরু-দক্ষিণার কড়ি, পাঞ্চাল-বিজয়,
 হ’লেও অসত্-কৃত, আমি নিরুপায় ;
 কিন্তু ওই আত্মীয়তা চিরস্মরণীয় ।”

ভীষ্ম ।

করেছ নীতিসঙ্গত । আজি এ কক্ষের
 অন্তরালে ক’রে দাও দ্রোণ ক্রপদেব,
 শুভঙ্করী মীমাংসা ভুলের । দৌত্যবাহি,
 যাও দ্রোণ ক্রপদ-সমীপে ; আপ্যায়ন
 জানায়ে আমার, সমাদরে ল’য়ে এস
 জীর্ণ-ভীষ্মের কোটরে ; ব’ল, উভরায় ;
 বিপ্র-রাজ আভিষেের ভীষ্ম সেবানায় ।

অর্জুন ।

এ যেন নিষ্ঠুর ব্যঙ্গ দাছ মহাশয় ।

ভীষ্ম ।

গান্ধেয় কৌতুকপ্রিয় নহে কদাচিত্ ।

তবে স্পষ্ট বল তারে ; পূর্ব-চুক্তি-মতে
 বাধ্য তিনি দিতে দ্বিজে অর্দ্ধ-রাজপাটে ।
 অন্তথায় দ্রোণে দেখি বহুপরিকর,

বুঝিয়া লইতে প্রাপ্য ; এই মীমাংসার,
দায়িত্ব তাদেরি পরবর্তী ভূমিকায় ।

অর্জুন । গ্রাম্য কথা ; এই বার্তা দানিবে পাঞ্চালে ;
ইহাতে যে ছিদ্র দেখে, নৈতিক ভণ্ড সে ।

ভীষ্ম । সে ছিদ্র অপরিহার্য্য । বলীর নির্দোষ,
প্রমাণসাপেক্ষ নয় । যাও প্রাণাধিক
এ জরাজীর্ণের ষষ্টি ! বিভক্ত সখ্যের,
মিলাও সংঘট্রযোগ । দেখিবে অচিরে,
তুইটি প্রবল শক্তি হবে পাণ্ডবের,
করিতে বলবন্তর কোরবীয় হ'তে ;
যে রণ-সাহায্যে, বজ্রবান্ধব বলের,
অনতিকাল-বিলম্বে হবে প্রয়োজন ।

অর্জুন । এ কি ভবিষ্যৎ-বাণী, দিলে পুরাতন ?
এ বক্র হেঁয়ালি ছিল কণ্ঠে ভূমিকার—
প্রথম স্নেহবিস্থাসে, যে দিন কেশব,
ছলিল ভক্তের প্রাণ । অখণ্ডনীয় কি,
ভ্রাতৃ-কলহের ওই ভেদ-পরিণতি ?
জ্যেষ্ঠতাত আছেন জীবিত ; এ স্বন্থের
পরোক্ষ-সহানুভূতি রবে কি তাঁহার ?

ভীষ্ম । পরোক্ষ দূরের কথা, প্রত্যক্ষ থাকিবে ;
আত্মজ ও ভ্রাতৃপুত্রের বিস্তর প্রভেদ ।
সেই যে কটাক্ষপাত গুরু-পক্ষপাতে,

করিল পুত্রবৎসল হিংসা-তাড়ণায় ;
 তাহা যে সংশয়-মুক্ত, স্বার্থপরতায়,
 এ কথা বলি বা কি সে ? এবার স্বার্থের
 শিয়রে জলেছে বহি ; কুপরামর্শের
 উঠেছে বৈশাখী ঝড় ; এ বাড়বানলে,
 প্রত্যেক ফুলিঙ্গ তোরে অতিষ্ঠ করিবে ।
 তাই ও পাঞ্চাল-রাজ্যে দ্বিজ-তুষ্টি-কোপে,
 তোমাদেরি ইষ্টানিষ্ট । এ বাণ্য-বেলায়,
 যতপি গৃহ-ঝঙ্কাটে পড় একবার ;
 সমূহ শিক্ষা-স্বযোগ হবে হারথার ।
 তাই কোনমতে, পাঞ্চালে মৈত্রতা পাতি,
 গুরু-দক্ষিণাস্ত কার্য্য কর উদ্গাপন ।
 মস্তের গূঢ়ার্থ ভেদে, পরার্থ প্রসব,
 যত না ইত্যবসরে ঘটে তা মঙ্গল ।
 প্রথমে আচার্য্য দ্রোণে, এই কক্ষতলে
 নিঃশব্দে দেখাও পথ ; অতঃপর যেথা
 আছেন পাঞ্চালরাজ ; সে বনিশালায়
 অভিব্যক্ত করি মনোভাব, জাতভেদে
 লয়ে এস অন্তরে আমার । এ গোপ্যের
 আর কোন অন্তরঙ্গ রেখ না তোমার ।
 অজ্জুন । আর অন্তরঙ্গ কোথা পাব ? অকথ্যামী
 বিনা সে অন্তরঙ্গম । সে ত বহুদূরে

আছেন নির্ভাষনায় ; হৃদয়ে যে বীজ
 সন্মোপনে করিলে রোপণ, সে অকুরে
 জগত দেখিবে ফুলে আর ফলভারে ।
 সাক্ষী কেহ রহিবে না ক্ষীণ অন্তঃসারে ।
 ভীষ্ম । নিশ্চিন্ত হলাম । কোরব-মন্ত্রণাপারে,
 একটা নব পদ্ধতি হতেছে সূচিত,
 জ্ঞাতি-শত্রু নিপাতনে । পিতৃব্য বিহরে,
 নিরুদ্বেগে শ্রদ্ধা দিয়ে রেখ ; ভগ্নদূত
 কোরব-মন্ত্রণা-ভেদে রবে সে উৎসুক ।

[অর্জুনের প্রস্থান ।

(স্বগত) একটা প্রতিভা বটে ! কুরুবংশ-নাশ,
 হলেও রহিবে বেঁচে স্মৃতির নিঃশ্বাস,
 রাষ্ট্রভূমে ভারতের, বীর ভূমিকায় ।
 এ জরাগলিত দেহে, রক্ষণাবেক্ষণ,
 পিতৃহীন অনাথ বাল্যের, প্রাথমিক
 কর্তব্য হলেও মোর ; কর্তব্যপালনে
 দেখি না তিসার্কি আছে কার্য স্বাধীনতা ।
 জ্ঞানতঃ অধর্মরক্ষা ভীষ্ম শিরোনামা,
 ঘোষিবে হুঁত্যাগ্য মোর প্রয়াণ প্রাকালে ।
 পাণ্ডব-ধ্বংস-মন্ত্রের, দুর্ব্বার নিয়তি,
 একটা পথ নির্দেশ করেছে কোরবে ;
 তাই এ পাঞ্চাল-জয় বীর বালকের,

আতঙ্ক দিলেও ক্ষত্রে, অশ্রাব্য অন্ধের ।
 যে বিশাল জয়বার্তা কোরব-কুলের,
 আনিল কুমার পার্থ ; কেহ না দেখিল,
 উপেক্ষায় রহিল অজ্ঞাত । কোরবের
 গুপ্ত অভিযান, পাঞ্চালে মৈত্রাহুরাগ ;
 ভীষ্মের আদেশামাত্রে নিয়োগি সন্তানে,
 জানাল পাঞ্চালে, দ্রোণ-সংশ্লিষ্ট সে নহে ।
 এ রাজনৈতিক দৃষ্টি অন্ধ যে রাজার,
 তার পথানুবর্তী হওয়া লজ্জাকর ।

(দ্রোণের প্রবেশ)

আত্মন পণ্ডিতবর ! পাঞ্চাল-রাজার,
 অতীত কৃতাপরাধে হ'ক সুবিচার ।
 দ্রোণ । ধর্ম্মাধিকরণ-ক্ষেত্রে থাকিতে গাঙ্গেয়,
 জ্ঞায্যের অর্থানুবাদে—বিচার-বিত্রাট,
 হওয়া সম্ভবে কোথা ? সে কষ্টকল্পিত—
 ইঙ্গিত অনুপযুক্ত । অথবা আমার
 প্রতি সন্দেহ-পোষণ, কেন যে গাঙ্গেয়
 এত করেন নিত্যশঃ, অবোধ্য এখনো ।
 ভীষ্ম । সন্দেহ এ নহে দ্বিজ ; ক্ষত-চিকিৎসকে
 প্রশংসা, অস্ত্রোপচারে নীত আতুরের ।
 পাঞ্চাল করেছে দোষ ; বাগ দত্ত পণে

দ্রুপদ স্বকৃতভঙ্গ ; সত্যদ্রোহিতার,
 না হয় শাসন যদি, না হয় বিচার,
 তবে কি হবে না ছায়-প্রাধাত্তে তুষ্কার ?
 ঘোষিবে মিথ্যাবাদীর জয় জয়কার,
 তুলিয়া সত্যধর্মের পথে নিত্য ঝড়।
 পাঞ্চালে বিচার কর ; আর সে বিধানে,
 করিও, অর্জুন প্রতি কিছু অগ্রদান।

দ্রোণ । পার্থ কি পাঞ্চাল চায় ? হউক নৃপতি
 অর্জুন পাঞ্চাল-ভূমে ; আমি সেনাপতি
 সানন্দে বহিব আজ্ঞা বীর বালকের।

ভীষ্ম । সাম্রাজ্য নগণ্য দ্বিজ—পার্থ-উচ্চাশায়।
 সে চায় মাথুর সঙ্গ ; ভরা সঙ্কটসরে,
 দেখে সে শতেকগামী দ্বারাবতী পুরে ;—
 যেথায় কংসারি কৃষ্ণ নব রাজধানী,
 পাতিয়াছে দ্বারকানগরী ; জরাসন্ধ
 অভিষানে পেতে পরিজ্ঞান। গিরিবন্ধে,
 প্রায়শঃ গোপনচারী পার্থ মথুরেশ।
 নাই তার গুরুপ্রাপ্য-হরণে প্রয়াস ;
 সে চায় পাঞ্চাল মৈত্রী, ওদার্য্যে ক্ষমীর।
 যে সাম্যে অভিভাবক ছিল কোরবের,
 সে কর্ণ-বুদ্ধির, জটিল মন্ত্রণাজালে—
 ঔরসজাতের স্বার্থে হয়ে পক্ষপাতী।

পাণ্ডব রক্ষা-দায়িত্বে, ক্রমে আত্মাহীন ।
আমি ত মরণোন্মুখ, তুমি অর্থবাস,
কৌরব স্বার্থের ; পাঞ্চালের বীরভূমে,
ভেঙে নাকো পাণ্ডবের অনাথ-নিবাস ।

দ্রোণ । পাণ্ডবাস্ত্র প্রাণ ! তব বক্র রসিকতা
সুদূর-প্রসারী যেন । অর্ধরাজ্য-ভাগ
আমি যা লইব আজ, সে বিত্তস্বত্বের
উত্তরাধিকারিস্বত্বে হবে অংশীদার,—
পুত্র আর পার্থ গুণধর । সে প্রাপ্যের
কতটা ত্যজিতে স্বার্থে বল বন্ধুবর ?

ভীষ্ম । কণার্ক বলি না বিজ ! লকার্ক অংশের,
এখনো দ্রুপদে রাখ রাজ-প্রতিনিধি,
জোগাইতে অর্থকোষ । যাবত না দেখে,
তোমার শিশুমণ্ডলী, রাজ্যাভিষেকের,
একটা চূড়ান্ত কৃত্য নিষ্পত্তি করেছে ।

দ্রোণ । যেন কি ভাবনাতুর হেরি, ইচ্ছাময় !
তোমায় ঘনায়মান ভবিষ্যৎ রোধে ?
এত কি বিপন্ন আজ হেরিছ পাণ্ডবে ?
যে ক্ষণে বিজয়লক্ষী করতলগতা,
নিরখি, অন্ধ-শায়িনী অজ্ঞানুবর্তিনী ।
কংসারি সংসদী যার, সে উদীয়মানে
এত কি মেঘাড়ম্বরে ঘেরে অকস্মাত্ !

ভীষ্ম । সন্ধিক্ষণে স্বকর্ণে শুনেছি, অন্ধরাজ
 গুরু-নিন্দা করিল ঈর্ষায় ; অপগণ্ড
 কর্ণের রাখিল মান, ভ্রাতৃপুত্রদের
 করি ভূরি নিন্দাবাদ । এ কয় দিবস
 মত্তচক্রে ঘোরে অন্ধরাজ ; এ লক্ষণ—
 কখন জ্ঞাতি-সম্মানে নহে শুভঙ্কর ।

দ্রোণ । যথাক্রমে ক্ষাত্র-বরিষ্ঠ ; অর্ধ-পাঞ্চালের
 রব আমি ঔপাধিক রাজা ; যাবত না,—
 হস্তিনার সিংহাসন অলঙ্কৃত হয়,
 যোগ্যতম কোরবাধিবাসে ; আর কিবা
 উপভোগ্য হতে পারে এ সন্ধি-স্থাপনে ?

ভীষ্ম । শুধু উপভোগ্য কেন ? এ ত্যাগ-স্বীকারে
 যথার্থ স্বার্থ-প্রতিষ্ঠা, করিলে শিষ্টের ।
 কুরু শিবিরের যত বিনিদ্র রজনী
 কাটিল অভেদ কূট মন্ত্রণা-বিবরে ;
 তোমার স্বকৃত ত্যাগে হবে পাপ-ভোগ ।
 দেখ কে অরুণারুণ উজ্জল মধুর—
 ঐষজ্যোতিষ্ক পশ্চাতে, স্নান শশধর—
 উদিত দ্বিতীয়া যামে । শিক্ক এবার
 শিষ্টের দক্ষিণা লাভে হন অগ্রসর ।
 (অর্জুন ও দ্রুপদরাজের প্রবেশ)

অর্জুন । পূজ্যের অনুমতানুসারে, গুরুদ্বারে

এনেছি দক্ষিণান্তের অলস্ত প্রতীক,

ক্রপদ রাজাধিরাজে ।

ক্রপদ ।

আমি সে বিজিত,

বন্দীকৃত ক্রপদ, যজ্ঞের পণ্ড ; আহি

মৃত্যুদণ্ড অপেক্ষায় খজা-পানে চাহি ।

দ্রোণ ।

বন্ধুবর ! আশৈশব সহপাঠী হয়ে,

দারিদ্র্যের অযোগ্যতা ছিল যে আমার,

তোমার সম্বন্ধ-নাভে ; অন্তর্হিত আজ—

এবার সে অধিকার পেয়েছি আমার,

তোমার সত্যধর্মের । জোর সঙ্গে আজ,

অর্কেশ্বর হয়ে পাঞ্চালের, করি দাবী

বন্ধুত্ব তোমার ? আপত্তি ত্রায়সম্মত,

থাকে কিঞ্চিদপি, জানাও ধর্মাবতারে,

স্বয়ম্ সত্যাধিরাজ পালের আসনে ।

ক্রপদ ।

কৌতুক অস্বস্তিকর ! রাজবন্দী আমি,

যুদ্ধে পরাজিত ; অহুগ্রহ-নিগ্রহের

প্রাপ্যে উদাসীন । আজ্ঞাপক্ষ-সমর্থনে,

অবসন্ন-দান, আর্ন্তে আকাশ-কুহুম ;

ভাবার্থে কলে না কোথা । হয়ে আহান্মুখ,

ও দানের প্রার্থী নই আমি । বশুতার,

অস্ত্র কিছু ব্যবহার থাকে যদি কর ।

রণে পরাজিত নহে বিবেক-বিস্মৃত ।

ব্রহ্মকোপ পেলে অবসর, সহজে যে
ছাড়ে নাক, জানে তা দ্রুপদ ।

ভায় ।

ব্রহ্মমহু

অপেক্ষা রাখে না কার ; পেলে অবসর,
ক্ষমায় দরাদ্র হয় । সে পূর্ব-সখ্যের,
প্রতিশ্রুতি করিলে স্বীকার ; নাটকীয়
বিচার-বিভাগ, রহস্তে রহিয়া যায় ।
অগ্রথা আমার, মধ্যস্থে করিতে হয়,
বিচার-প্রসঙ্গে সব নিষ্পত্তি স্বন্দের ।

দ্রোণ ।

দ্রুপদ, বিশ্বাস কর । বিশ্বাস-ভঙ্গের
যা কিছু প্রতিভূ চাও, দিব তা তোমায় ।
ব্রাহ্মণ কোতুকী নয় ; আকাশ-কুসুম
সম, নহে এ অলীক । রাজনীতিজ্ঞের
হয় ত প্রতিজ্ঞা-ভঙ্গ, নহে দুষণীয় ;
ব্রাহ্মণ্য-সাধন সত্য-বর্জন দ্বিজের
পরন্তু অমার্জ্জনীয় ! প্রলয়-কাটিকা
সমুদ্রযাত্রার পথে । সত্য অপলাপে
শূদ্রত্ব দ্বিজের প্রাপ্য । এস বাল্যসখা,
পুনরায় মিলি ছজনায় ; ভুলে যাই—
অহি-নকুল-বিবাদ ।

দ্রুপদ ।

প্রণয়-বিচ্ছেদ,

একবার ঘটিলে অন্তরে, সে বয়নে

হটিবে নৈপুণ্য মনস্তত্ত্ব শিল্পীর ।
 অর্দ্ধেক পাঞ্চাল তোমা দিহু দ্বিজবর,
 স্বাধীনতা-ক্রয় মূল্যে ধোর । ক্ষত্র কত
 রাজত্বের অঙ্গচ্ছেদ-কৃত সহে নাক ;
 যাবত্ শিরায় তার বহিবে ধমনী ।
 এ ব্রাহ্মণে দান, স্বাধিকারে বিশ্বরাজ্য,
 নহে দান সজ্ঞাট্ হরিশ্চন্দ্রের ; এটী
 মাতৃ-অঙ্গচ্ছেদ মোর, দাসত্বের টীকা ।
 চাহিতে যত্নপি দ্বিজ ? সসৈন্তে পাঞ্চাল
 থাকিত পশ্চাতে তব, যাবত ভূভাগ,
 হত, না নবাধিকৃত ; দ্রোণাভিষেকের,
 যোগাতে চন্দন-মালা । কিন্তু পাঞ্চালের
 প্রত্যেক মাটির কণা আমার জীবাত্ম ।
 দ্রোণ । আমরা ত মাতৃভূমি ; মাতৃ-অঙ্গচ্ছেদ,
 কে কোথা সন্তান করে ? কিন্তু মাতৃধন
 সন্তানে সমান প্রাপ্য । অথও পাঞ্চাল
 থাক রাজা, রয়েছে যেমন । রাজত্বের
 অর্দ্ধেক আমার প্রাপ্য ; দিও তা আমায় ।
 না দাও, বলাধিকৃত-বিষয়ানুরাগ,
 বলীর অবৈধ নয় ; হোক তা তোমার
 যতই অরুচিকর ! এ অর্দ্ধ-রাজ্যের
 রবে তুমি রাজ-প্রতিনিধি ; যোগাইতে

ব্রাহ্মণের রাজযোগ্য ব্যয়-বিলাসিতা,
অর্থকোষে স্বাধীনোপজীবিকার । বন্ধু !
এ আমার জয়-মূল্য, ছাড়িব না কভু ।

দ্রুপদ । তবে কেন জিজ্ঞাসা-হেয়ালী ? যথারীতি,
সহিব দাশের দৈন্ত ; যাবত্ না কেহ,
করে মোর বন্ধন-মোচন । অর্ধরাজ্যে
আমিই স্বাধীন রব, অন্তর্বাহিরের ;
অপরার্ধে তুঁইয়া মালিক, অর্থদণ্ড,
যোগাইব রাজকরে, মুক্তিপ্রতিদানে ।
এই ত দণ্ডানুবাদ ? অথবা তোমার,
সর্বত্র প্রভুত্ব আঁখি বর্ষিবে অনল,
আভ্যন্তরীণ শাসনে ? কহ মহাভাগ !
দণ্ডের সারাংশ ভাগ ! বন্ধুত্বের দাবী,
আপাততঃ অলক্ষ্যে থাকুক । প্রভু-দাসে
মৈত্রতা সম্ভব নয় । হ'লে সমন্বয়,
আমিই প্রথম মান্য দানিব সথায় ।

দ্রোণ । হোক তাই, মহাশয় ! সেবার সন্মম,
দানিতে আপত্তি নাই ?

দ্রুপদ । নেহি তা অগ্রেই,
তোমার শিক্তের ধরে । বিচার-বিবরে,
সুভীক্ৰ ষাত ব্যতীত, বীর-ব্যবহারে,
পেয়েছি প্রাপ্যাতিরিক্ত । পাণ্ডব অর্জুনে,

বাস্তবে যে রণজিত, প্রতিহিংসালেশ
নাহিক কণার্দ্রিমাত্র । বীর্য্যাপমানের
করেছি বিস্তর খেদ ; অন্তরে সহসা
বন্দী হই বীরবালকের—বীরভূজে
হেরে ও বিস্তর স্মৃথ । অরির শিবিরে
কাটে মোর স্নানি রজনী । স্বদেশের
পথযাত্রী হইব প্রভাতে, নতুবা এ
ভীষ্মের আতিথ্য-ভোগ না দিতাম ছেড়ে ।

ভীষ্ম । যান্ তবে সম্ভ্রান্ত অতিথিবর । হেথা
কিংবা আতিথ্য পার্থের, ভীষ্মেরি দে'য়া সে ।
তবে দ্রোণ শাস্তি পেত' বন্ধুসহবাসে ।

অজ্জুন । রাজার বিদায়োৎসবে, আতিথ্যানির্দেশ,
বিশিষ্ট স্নেহের পাত্রে, মানপত্রিকার
বিশেষ-গুণার্থবাদী ; এ রাজ-সম্মানে,
গুরুজী ! নিভুল ঠিক ধারণা শিখের ?

দ্রোণ । হাঁ বৎস ! শিখের গুরু-ভাতব্য সম্মান,
অবশ্যকর্তব্য কৃত্য ; স্নানীতি-তজ্জের,—
যাহা ধারাবাহিক-নিয়মামুর্ভূতা,
তাহে আমি কেন বাদী হব ? কিন্তু রাজা !
এ সুযোগ প্রত্যাখ্যান করি, সবিশেষ,
তুমি যে হইবে স্মৃথী, ভেব না কদাপি ।
এ বৃদ্ধ দ্রোণের টেমতী স্বস্তি না হ'লেও,

বিশেষ অস্বস্তিকর হ'ত না কখনো ;

এ বালাপ্রণয়াতুর হিত উপকার । [দ্রুপদার্জুনের প্রস্থান ।

ভীষ্ম । যাচকের রাজনৈতিক মৈত্রতা,—বন্ধু ।

বুঝে না কেহই ; বিনা বিপদগ্রস্তের

আপাতঃ অনন্তোপায়ী । অকস্মাত্‌ ঘটে

যা প্রণয়-রোগ ; তাই চিরস্থায়ী হয় ।

পূর্বাপর সম্বন্ধীয় প্রীতি ক্ষীণজীবী ।

জুঃখ কি তাহাতে দ্বিজ ; দ্রুপদে বিলায়ে

পেলে আজ ভীষ্মের প্রণয় । এ বার্কিক্য

তোমার সখ্যানুরাগ ভুঞ্জিবে নিয়ত ।

দ্রোণ । জুঃখিত বিশেষ নয় ; শৈশবের স্মৃতি,

বার্কিক্যে অমৃতস্রাবী ; তাই ও মূর্খের

এত অনুরোধপত্র, দিয়াছি সখ্যের ।

এবার মুছিয়া দিমু স্মৃতি কুণ্ঠহের,

তোমার বন্ধুত্বে ভীষ্ম প্রতিশ্রুতি পেয়ে ।

ভীষ্ম । চল বন্ধু ! বাগবিতণ্ডার শব্দ জ্ঞানে,

নাই কোন চিন্তাবিনোদন ! পুষ্পোজ্জানে,

চল বাই, অর্ঘ্য-পুষ্প করিতে চয়ন ;

সায়াকে পুষ্পবাটিকা রম্য-উপবন ।

দ্রোণ । চলুন গাঙ্গের ; অর্ঘ্য-বেলা ব'য়ে যার ;

দ্বিজত্বে সন্ধ্যার তারা, বড় রুদ্ধ হয়,

অকৃত-সায়াকৃতো ; চল শীঘ্র বাই । [উভয়ের প্রস্থান ।

অষ্টম সর্গ

স্থান—থাণ্ডব-বনপ্রদেশ ।

সময়—পূর্ববাহ্ন ।

(শ্রীকৃষ্ণাজ্জ্বলনের প্রবেশ)

অর্জুন । হৃ-হৃ-স্বরে জ্বলে হতাশন ! আর্তনাদী,
আসন্ন মরণোন্মুখী, কৃতান্ত কয়েদী—
জীবন্ত জলনকুণ্ডে, পরিত্রাহি ডাকে—
দিশেছারা জীবকুল । বাণ-খড়্গাঘাতে,
পশ্চাতে কাটিয়া ফেলি, বাঁচে কোনরূপে ।
এও যদি ধর্ম হয় ! অধর্ম কোথায় ?
কোথায় যুগান্তরালে অপেক্ষা করিছে ?
শ্রীকৃষ্ণ । অধর্ম অপেক্ষা পার্থ করে কি কোথায় ?
মানুষের সে যে প্রিয় বড় ; স্বভাবের
আসল নিকটাত্মীয় ; উহার বর্জনে,
মানুষের সুখস্বপ্ন সব টুটে যাবে ।
ধর্ম শুধু ভয়ে-ভয়ে তরুর মত,
কোথায় উন্মুক্ত হার খুঁজে পেতে লয় ।
অধর্ম দেখিতে তুমি পেলেন না অর্জুন ?

ওই যে কুঠার রেখা, অবিদ্যাস-ছায়া,

ওইটি অনর্থকর, অধর্ম-নিশানা ।

ভাব দেখি জীবগ্রাম কে তব ভারত ?

হের আসে ইচ্ছ দেবরাজ ; বজ্রপাণি

স্বয়ম্ রক্ষিবে তার আরণ্য স্থাপদে ।

কিন্তু ওই দ্বিজগুরু বৈশ্বানর রোষে,

অনর্থ কি হ'তে পারে বিচারিও মনে ।

অজ্জুন । কি অনিষ্ট হ'তে পারে, ভাবিব কি সখে ?

আসে বজ্রধর ব'লে শিষ্য কি ভাবিবে ?

গুরু ত রয়েছে কাছে । অধর্ম কোথায়

করেছি বলুন প্রভু চিন্তার ধারায় ?

শ্রীকৃষ্ণ । এখনো বুঝনি সখে ! একে প্রসাদিতে

অন্তের অনংখ্য প্রাণ নিতেছ হিনায়ে ।

ইহা ধর্ম, কহে শাস্ত্রকার ; ধর্ম রয়—

সকল মস্তের, কশ্মে নয়—বিজ্ঞ তারা,

দীর্ঘকাল তপস্তা-প্রভাবে, করেছিল

এ সত্য দর্শন ; মিথ্যা কি হইতে পারে,

ঋষির বিজ্ঞতা ? কিন্তু ওই বাক্‌সিদ্ধ

ঋষি পুরাতন, এত মিতাক্ষরবাদী

ছিল তারা—সাধারণে রহস্যজনক,

পারিল না মহাসত্যে দিতে শব্দ ভাব,

কি চান সে ব্রহ্মহত্রে করিতে প্রকাশ ।

সরল ছিলেন তাঁ'রা, নাহি বুঝিতেন,
 জন্মিবে এমন বাগ্মী, কালের প্রবাহে—
 ওই আশ্র-বাক্যে দিয়ে বিরুদ্ধ অবয়,
 সমাজে অর্জিবে যশ, হবে পূজ্যপাদ ।
 এই ত তুমি না, যথাতত্ত্বে ধর্ম্যব্রতে
 সঙ্কল্প করিয়া, অনলের অগ্নিমা'ন্যে
 খাণ্ডব-বনানী খণ্ড, ভোজ-প্রদানিতে—
 ধরিয়াছে ধনু তব ; তথাপি সংশয়,
 করিতেছ ধর্ম্য কিংবা অধর্ম্য ইহাতে ?
 কর্ম্মেতে রহে না ধর্ম্য রম্ম মনোরথে ।
 নেহার মেঘাড়ম্বরে ছাইল গগন ;
 ডুবে পৃথ্বী অসহায় জলের প্লাবনে ।

(অর্জুনের শরত্যাগ)

অর্জুন । কই, কোথা সখে ! জাগিয়া স্বপন তুমি
 দেখ কি কারণ ? নীলাশ্বর্য যবনিকা,
 সূক্ষ্মতর অন্তরীক্ষে সভয়ে লুকাই,
 দেবরাজে তক্ষকের সনে । দাও সখে
 অনুমতি, ইচ্ছাে বিমুখিতে ? বৈশ্বানর,
 দেছে দৈব মহাধনু কোদণ্ড গাণ্ডীব,
 আয়ুধের একাধিক অক্ষয় তুণীর,
 বৈজ্ঞাতিক ব্যোমযান কপিধ্বজ-রথ,
 শুধু ঐশ্বর্য-পরাক্রমে রোধিতে সম্যক ।

শ্রীকৃষ্ণ । তুমি ত প্রতিজ্ঞাবদ্ধ ইন্দ্রে বিমুখিতে ।
একাই অনল ওই খাণ্ডবে দহিত,
দিত না গাণ্ডীব, যুগ্ম অক্ষয় তুণীর,
অথবা এ মহারথ—যার চূড়াপরে,
শোভিছে বীরেন্দ্র হনু বিরাট শরীরে ।
ওই বজ্রপাণি-অরি ; খাণ্ডব-দাহনে,
উহারে বার্থিলে তবে অনলে তুষ্টিবে ।

অর্জুন । তবে আজ ইন্দ্রজিত হব নারায়ণ ।
যে পদ-লাঞ্ছিত হয়ে, কর্ব্বর-গোরব
মেঘনাদ পেতেছিল একাধিপত্যতা,
বিশাল জগত-রাজ্যে ; যে বীর্য্যনিপাতে,
ত্রৈত্য বনানুগামী ব্রতশীলানুজ
চতুর্দশ-বর্ষ ছিল দিবা-অনাহারে
রজনী বিনিদ্র চোখে ; যার হত্যা-ঘটা
রামায়ণ-কাব্য্যমোদে ক্ষুধ ক'রে গেছে ;
সে মহামহিমাবিত কর মোরে আজ ।
ধরি ও চরণে, আজ্ঞা দিন গুণাকর ;
দেবরাজে পরাজিতে হই অগ্রসর ।

[প্রস্থান ।

শ্রীকৃষ্ণ । (স্বগত) অরে—রে পাগল পার্থ, ইন্দ্রে পরাজিতে,
এতদূর হতেছ চঞ্চল ? তোমর তরে

রচিব যা অমূল্য সম্পদ ; বোধি-ক্রমে
 ধ্যানস্থ পাবে না কেহ । বিশ্বরূপ মোর,
 সমাধি-অগম্য যাহা নিদিধ্যাসনায়,
 দেখিবে প্রত্যক্ষীভূত মদনুকম্পায় ।

[প্রস্থান ।

(ইন্দ্র ও তক্ষকের প্রবেশ)

ইন্দ্র । হের সখে, আসিছে ফাস্তুনি ওই ; যেন
 জয়ন্তীর আদরে ঢলান । পার্শ্বে হরি
 রক্ষিছে ভক্তবৎসল । তথাপি তোমার
 বাঁচাব সন্তানে আমি রোধিয়া অর্জুনে ।

তক্ষক । দেবেন্দ্র ! গুনুন মোর অন্তরভিলাষ ;
 শত্রু যদি অতিশয় বলশালী হয়,
 মিত্র যদি করে তারে ভয়, তবে তার
 উচিত সে স্থান হ'তে করিতে প্রস্থান,
 দূরান্তরে শত্রু যবে রণে ব্যস্ত রয় ।
 গুনিয়াছি কণ নামে আছে মহারথ,
 অর্জুনের আমৃত্যু অবাতি—রাম-শিষ্য
 তার কাছে লইব আশ্রয় ; তবে যদি
 সন্তানে ছাড়িয়া নিজে বাঁচিতে বা পারি ।

ইন্দ্র । .আমারে ত্যজিলে সখে, এখনি মরিবে ;
 ধনুর্কোদে দীক্ষিত ভারত ; বাণ তার

মনের বাসনা-পথে করে বিচরণ ।
সাবধান তক্ষক এখনো, প্রাণ যাবে,
সবংশে মরিবে তুমি দেখিতেছি আজ ।

তক্ষক । সে কি সখে ? তুমি তারে ব্যস্ত রাখ রণে ;
সেই ক্ষণে করিব প্রস্থান । তৎকালে সে
যদি মোরে করে আক্রমণ, তবে তুমি
কি করিতে থাকিবে তখন ? দেবশক্তি
নারিবে কি পার্থে দিতে মুহূর্তের বাধা ?
তবে বল সখে, কেমনে রক্ষিবে তুমি ?
নিশ্চিন্তে যা নারিবে সাধিতে, ভারস্বন্ধে
কেমনে তা করিবে পালন ? যাই সখে ! (অন্তর্দান)
(নেপথ্যে দৈববাণী)

“কুরুক্ষেত্রে পালাল তক্ষক ; কণ্ঠধারে
মাগিতে আশ্রয় ; মিলিবে আশ্রয় তার ।
ভারতের ক্ষাত্র-শক্তি মারিবে তক্ষক ।
অলকায় যাও ফিরে, খাণ্ডব পুড়িবে,
মুরারি এরূপ ইচ্ছা করেছে যখন ।”

ইন্দ্র । বিনা যুদ্ধে পালাব লুকায়ে ; হায় ! হায় !
এরি নাম দেব-ভর্গ স্বধা-সঞ্জীবিত ।

(ইন্দ্রের অন্তর্দান ও অর্জুনের প্রবেশ)

অর্জুন কোথায় বাসব ? দৈবমায়া প্রহেলিকা !
এই ত ছিলেন হেথা, গেলেন কোথায় ?

(শ্রীকৃষ্ণের প্রবেশ)

শ্রীকৃষ্ণ । সখে, ওই ভোগার্থীর ভীকু রাজনীতি,
অমরের মৃত্যুভয় করেছে সৃজন ;
তাই ওরা রণে ভঙ্গ দেয়, অমৃতের
স্বাদ ভুলে, প্রাণ লয়ে স্তূপে পলায় ।

অর্জুন । কহ সখে ! পলায়েছে যদি দেবরাজ,
মোরা আর কি করিব দাঁড়ায়ে হেথায় ?
পবনের শ্বাস, অগ্নিবর্ষণ ছড়ায় ।
আহা এ ক্ষীণার্জুনাদ কোথা হ'তে আসে ?

শ্রীকৃষ্ণ । শ্রীময়দানব শিল্পী, নিপুণ নিৰ্ম্মাণে,
বসে বিশ্বকর্মা-সুত এ খাণ্ডব-বনে ;
উহার জীবন-দানে হ'লে পরাশ্রুত,
সবাই দোষিবে ; অগ্নি হবে না বিমুখ,
কেননা শিল্পের রক্ষা সভ্যতা-সুচক ।

(ময়দানবের প্রবেশ)

অর্জুন । এস ময় ! দিনু প্রাণদান ; যথা ইচ্ছা
বাসস্থান কর বিনিময় ; প্রার্থনার
পূর্ব্বাহ্নেই পেলে পরিভ্রাণ ।

ময়দানব । হে পাণ্ডব,
যেমন শরণাগতে দানিলে অভয়,

ইহার প্রতাপকার পাইবে নিশ্চয় ;
যখনি সৌভাগ্যেদয়ে হবে সুসময় ।

[প্রস্থান

অর্জুন । নূতন সাম্রাজ্যে, ইন্দ্রপ্রস্থ নবধাম,
স্থাপিব বিদগ্ধ বনপ্রদেশে সুন্দর—
এ ময়-শিল্পীর সুস্ব রচনা-কৌশলে ;
দ্বিতীয় অমরাবতী-তুল্য ত্রীনগর ।

শ্রীকৃষ্ণ । হের সখে, আসিছে ব্রাহ্মণ । পক্ষপুটে
লুকায়িত ঋষি ; স্বাধ্যায়ে, যে কৃতবিদ্বৎ,
শুধু জ্ঞানশীল ; আসেন তোমার পাশে,
পেতে ব্রাণ বৈশ্বানর-কোপে ; হে গাণ্ডীবী !
কেমনে ত্যজিবে ব্রত ব্রাহ্মণে বাঁচাতে ।

অর্জুন । ব্রাহ্মণ অবধ্য ভবে ; ব্রাহ্মণ-রক্ষণে
ব্রতভঙ্গ হয় যদি ; সে ভঙ্গ-কলুষ,
ব্রাহ্মণের আশীর্ব্বাদে ধোত হয়ে যাবে ।
বিশেষ এ বেদবিদ্বৎ দ্বিজসম্প্রদায়ে
রক্ষণাবেক্ষণ ধর্ম্মে বাধ্যতামূলক ।
বহিরে তুষিব পরে দ্বিগুণ সমিধে,
যদি বিনিময় তিনি চান্ ব্রহ্মবধে ?
ব্রাহ্মণের বধবর্ত্তা ছিল না ত পণে ।
প্রণমি বৈদিক ঋষি, কিবাদেশ প্রভু !
পালিবে দাসাহুদাস ?

(পক্ষিকল্পী ব্রাহ্মণের প্রবেশ)

পক্ষী ।

নর-নারায়ণ !

বড়ই বিপন্ন মোরা চারি সহোদর ।

পিতা পর্যাটনে গেছে ; পূর্বকথামত,

হতাশন দেবে মুক্তি পার্থ যদি ছাড়ে ;

শপথে সংস্কারি কিছু পার কি রক্ষিতে ?

অজ্জুন ।

ব্রহ্মকল্প দ্বিজরাজ ! পার্থানুকম্পায়

রক্ষে যদি ঋষির জীবন ; সে নির্দয়

সহাস্ত্রে গাণ্ডীবে পারে করিতে বর্জন,

বাচে যদি ঋগুবেদে স্থাবর-জঙ্গম ।

মুক্তি-পত্রিকায় দিহু এখনি স্বাক্ষর,

ধর্মের সর্বস্ব পণে ।

পক্ষী ।

কিবানন্দ দিলে !

হেরি এ মানব-ধর্ম, সমন্বয় ভাবে,

ষৌগিক বেষ্টনী দিয়ে ব্যক্তিত্ব পাসরি,

অধ্যাত্ম আনন্দমঠে বাধিছে সোপান ;

হেরিতেছি পরমার্থে, সচ্চিদানন্দের

সাক্ষ্যপো, আতিথ্য দেন রাজেশ্বরী রসে ;

হেরি রাস-পূর্ণিমার নগ্ন নীলিমায়,

চঞ্জিকা চাতক তৃষা ভরায় চুষনে ।

যে ধনুক ধর্মবুদ্ধি করে ধার্মিকের,

সে জয়ন্তী রক্ষণীয় সদা ক্ষত্রিয়ের ।
 বর্জিলে ও দেব-ধনু অধর্ম্য হইবে ;
 ত্যজিতে যে বলে, সেই বর্জনীয় হবে ।
 করি আশীর্বাদ, রহ এই সাধু পথে,
 এ পথের ডাকে তুমি সর্বোত্তমে পাবে ;
 আসি নীলকান্তমণি—লক্ষ প্রণিপাত ;
 তোমার আশিস্ মেলা বড় বিসম্বাদ ।

[প্রশ্নান ।

শ্রীকৃষ্ণ । সবাই আমার প্রতি কেমন বিরস !
 ভাল ত বাসে না কেউ ? জানে না ত কেউ ?
 কিরূপে বাসিতে ভাল প্রেমাম্পদে হয় ।
 অতীন্দ্রিয়ে অন্ধ হয়ে, জ্ঞানের নেশায়
 সদা কি—নিঝুম মোহে রহিবি ধরায় ?
 দেখ না রহেছে পরপারে মনোহর !
 দিব্য জ্যোতিষ্মান্ কেবা পুরুষপ্রবর !
 স্তূন্দর যে বেদ হ'তে, বেদান্ত যাহার
 অনিন্দ্য পীযুষানন্দ করিছে প্রচার—
 শ্রীকান্তের কান্তি যদি দেখিতে পেলি না ;
 কিরূপে পরমজ্যোতি চিনিবি বল না ?
 অর্জুন । তবে কি ও, ভালবাসা একটি মুকুতা,
 ফুটেছিল অভোজার হৃদয়-পুলিনে ?

জগতের সরোবরে ফোটে না কোথায় ;
 কেবল বৈরাজে দোলে ! বলুন সুন্দর ।
 অথবা সে পঙ্কজা পদ্মিনী—রবি-বধু
 উন্মাদ প্রেমিকা ! যে ভাস্করে প্রাণে ধ'রে
 দেখে তারে বিশ্ব হ'তে সুন্দর মধুর ।
 যদি না বাসিত ভাল, মুদিয়া নয়ন,
 থাকিত কি ভোর নিশা বিরহ-ব্যথায় ?
 চক্ৰমা আলোক-চিত্রে করিত না হেলা ;
 হেরিতে ষামিনী পারে পুনঃ সূর্য্যোদয় ।
 নরে ত বাসে না ভাল ? কয়টি দেবতা
 তোমার প্রণয়-মুগ্ধ বলুন রমেশ ?
 যে পীরিতি-পুষ্পনিধি ফোটে না মরতে ।

শ্রীকৃষ্ণ । কে মোরে বেসেছে ভাল ? প্রণয়-দর্পণে
 কে প্রতিবিম্বিত, যথা অভেদাত্মা শিব ;
 পূজা পুষ্পাধারে বল, কোন্ ফুলবালা !
 রূপ-গন্ধে বিকশিছে যেমন কমলা ?
 বন্দনার মধুকরী কোন বীণা-তারে
 স্কুটায়েছে সামগান—বিনা নারদের ।

অৰ্জুন । উমেশ দেবাদিদেব ! ত্রিগুণাতীতের
 সাধনা লোকসংগ্রহ যোগ-ক্ষেম-দানে ;
 নির্বিকল্প সদাশিব স্বয়ম্ভূর সনে,
 তুলনা করিলে ক্ষণভঙ্গুর জীবনে ?

তথাপি শম্ভুর ওই প্রণয়-আরতি,
 পারাশর-পূজা-সম্ভ্যে, ছাপায়ে উঠে কি ?
 পদ্মমধু-স্বরভির মাদকতা, প্রভু ।
 করে কি পাগল যথা রাধা-কুঞ্জ মধু ?
 প্রেমিকের অগ্রদূত নারদ সূজন,
 সামগান বিলায়েছে বটে ; কিন্তু ওই
 ধ্রুবজ্যোতিঃ নিত্যসাক্ষী ভজনানন্দের ।
 তাই বুঝি ক্ষিপ্ৰগতি সারিতেছ কাজ,
 দেবলোকে যেতে হবে ব'লে ; ভাল সখে !
 যেথায় আনন্দ পাবে, সেথায় থাক গে ।

শ্রীকৃষ্ণ

অমনি বিমর্ষ হলে ; দেখিলে না ভেবে,
 এটি মোর খেদের কাহিনী । পরিপূর্ণ
 নরগণে, রচিলাম আত্ম-অবয়বে,
 তথাপি কুসঙ্গে তারা, রহে আত্ম ভুলে ;
 চিনিল না গোত্রপিতা পরম-পুরুষে ।

অর্জুন ।

হের সখে ! জিহ্বাকৃতি কে আসে বিজলী ?
 ক্রোধ-বহ্নি জ্বলিছে নয়নে ; ফেলিব কি
 কাটিয়া অনলে ?

শ্রীকৃষ্ণ ।

আসে ওই নাগকণ্ঠা

রুদ্ধধ্বাসে ভিক্ষা ল'তে সন্তান-জীবন !
 উল্লঙ্গী উহার নাম ; দিও না আশ্রয়,
 জী-ষোনি ষাচিলে মুক্তি, দিও পরিভ্রাণ ।

(অগ্নির প্রবেশ)

অগ্নি । হের নারায়ণ ! ওই আসিছে উলুপী,
 জালাময়ী বিষধরী ; ভক্ষিলে উহারে,
 বিষাকীর্ণ হবে ধূমরাজি ; কুটস্থাসে,
 পার্শ্ব-বন-ভূমিভাগে মরিবে সকলে ।
 উহার বিষাক্ত দেহ লব না উদরে ।
 সবলে বনোপকণ্ঠে বিতাড় সত্তরে ;
 চলিহু শাবকগুচ্ছে লইতে উদরে ।

[প্রস্থান ।

শ্রীকৃষ্ণ । আমিও চলিহু পার্থ, ডরি নাগিনীরে ।

[প্রস্থান ।

অৰ্জুন । তাই ত সহসা কেন উৎকট কামুক,
 হতেছি নাগিনী-রূপে অত্যন্তবয়সে ;
 যেন কি বিষাক্ত নেশা প্রবেশি অন্তরে,
 করিছে পাগল মোরে ; নাগিনী-নিশ্বাস
 ক্রমশ করিছে কিম্বর্তব্যবিমূঢ় ;
 অন্তরে গিঁথিছে স্থপ্ন কামাঙ্জন-শলা,
 বিধিছে অন্তরতমে ; কেন নারায়ণ
 গেলেন স্তূদরে ? কি গুণের সাহসিকা !
 এল বিদ্যাধরী মদনোন্মাদিনী ! মোরে
 ফেলে বা বন্ধনে আজ ! কে গো কুহকিনী ?

(উন্মীৰ প্ৰবেশ)

উন্মীৰ । নাগকন্ঠা আমি ধনুৰ্কৰ ; পুত্ৰগণে
এখনি অনল-মুখ গ্ৰাসিবে গোপ্ৰাস ;
ফিৰে দাও সন্তান-জীবন ; যাচিবে যা
কৰিব প্ৰদান ।

অৰ্জুন । স্থাবৰ-জঙ্গমাশ্বক,
খাণ্ডব কৰেছি দান হতাশন-ভোজে ;
এবে এক পাৰি শুধু বাঁচাতে তোমায়,
আত্ম-মেদোমজ্জা-বিনিময়ে ; নাগবালা !
পাৰ কি অৰ্জুনে দিতে অঙ্গক্ষুধা-ৰাগ ?
গৰ্ভজাতে সঞ্জীবিতে, স্বদেহ-রক্ষণে,
পাৰ্থেৰ প্ৰেমালিঙ্গনে দাম্পত্য-প্ৰবাহ,
হইবে ক্ষণিকমাত্ৰ । সবংশ বাঁচাতে
পাৰি শুধু আত্ম-মেদোমজ্জাবিনিময়ে,
তুলা-দণ্ডে মেপে দিয়ে স্বমাংস-ৰুধিৰে ;
অথবা অনন্তোপায় ! কাশ-ক্ষুধা মোৰ
মিটাও স্পৰ্শক্ষুধে ; তুষিবে তোমায় ।

উন্মীৰ । মোৰ অঙ্গক্ষুধা শুধু চাহ, বিনিময়ে,
মায়েৰ মুমূৰ্শ্ব স্ততে দিয়ে প্ৰাণদান ।
পাৰ্থ তুমি ! জানে মোৰ আত্মীয়-সমাজ,
যদিও নহেক মোৰ স্ববৰ-স্বজাত,

তথাপি ভরতবংশ ; তোমারে দানিলে,
 আমার যৌবন-মন অঘরে না যাবে ;
 করিব প্রণয়ারতি তোমায় ভারত,
 যত দিন রবে তুমি এ প্রেম-পিয়াসী ।
 কিরাও সম্ভানে মোর, যমদ্বার হ'তে ।
 অজ্জুন । এই শরে, বৈশ্বানরে, আহ্বান করিহু ;
 ওই আসে সর্বভুক হবি-ওজস্বিন্ ।
 ভিক্ষা লব প্রারন্ধের ক্ষণ অবসর,
 রতি দান করিতে তোমায় ; অন্তঃপর,
 ভোজন-ভাণ্ডার ক্ষয় করিব পূরণ,
 দিয়ে আত্ম-বিসর্জন ; এস নাগবালা !

[উভয়ের প্রস্থান ।

(শ্রীকৃষ্ণের প্রবেশ)

শ্রীকৃষ্ণ । স্নাত পার্থ আসিছে অলসে ; ক্রুরহাসি
 হাসিছে দ্বিজিহ্ব-অঁখি ; এখনি দংশিবে ।

(অগ্নির প্রবেশ)

অগ্নি । নিখিলেশ ! এ কি ভব শিগ্গের আচার ;
 আত্ম-প্রাণ দিতে চায় নাগিনী উদ্ধারে ।
 শ্রীকৃষ্ণ । জানি দেব, তিষ্ঠ ক্ষণকাল ; ওই আসে
 ইন্দ্রিয়ের দাস, এখনি বিচার হবে ।

(অৰ্জুন ও উলূপীর প্রবেশ)

এ কে পার্থ, কে মোহিনী সঙ্গিনী তোমার ?

যে রূপ-পঙ্কজে চাহে পাবকে পোড়াতে,

সেই তব প্রেমসার্থী ; ধন্য রে প্রেমিক !

অৰ্জুন । ইন্দ্রিয়-অনলে দেছি, সমাংস-আহুতি ;

শপথে করেছি দান ।

শ্রীকৃষ্ণ ।

দেহ'বলিদানে,

শপথে ক্ষমতা কই ? বিশ্বপরহিতে,

যদি কেহ করে প্রাণদান ; যুদ্ধে নয়,

শাস্ত মনোভাবে ; তবে সেই আত্মহার

দেব-দরবারে হবে নিষ্ঠুর বিচার ।

তাছে যদি রক্ষা পায়, তবেই নিস্তার ।

নতুবা প্রাণের দাগ মুছিয়া যাইবে,

জড়ত্বের অধস্তনে নির্বাসিত হবে ;

দীর্ঘ জীবনের শিক্ষা বিস্মরিত হয়ে,

অন্তকাল সে মরিবে ; তার মরণের

ভবিষ্যৎ কথামালা বড় শোকাকুলা !

ভেবেছ কি পার্থ তুমি ভূস্বামী তোমার ?

তোমার জীবাত্মা তব স্বাধীন স্বরাট ?

পরধনদানপত্রে লিখিতে পার না ।

পক্ষান্তরে, শপথের উদ্দেশ্য ফলিবে,

তোমার সন্তান হবে অনলে বাঁচিয়ে,
উলুপী যা করেছে ধারণ ; কি বলেন ?

অগ্নি । পার্থ-অনুকল্পে আমি করিহু বিধান,
অন্তঃসত্ত্ব। উলুপীর প্রণয়ি-বিচ্ছেদ ।

নতুবা পার্থেয় প্রাণ করিব সন্ধান ।

উন্মূখী । তাতেই সম্মত হ'তে পারি হতাশন,
ভর্তার অনুমতানুসারে :

অর্জুন । মাতা তুমি

সন্তানের ! স্বামি-পুত্র-জীবন-রক্ষায়,
ষোবনের ক্ষুধা-ক্ষিপ্ত বিরহ-মন্ত্রণা,
মনের অনেক ভাল । যাও লো কল্যাণি,
স্বামিপুত্রে রক্ষা কর বিচ্ছেদ-বরণে ।

উলুপী : এত শীঘ্র অঙ্গরসে এসেছে অরুচি ?
 বেশ ত রসিক তুমি ! কাম্যুকের জ্বালা
 মিটাইতে চাহ মূৰ্খ মহিলা-সঙ্গত ।
 তোমরাই বীর বিশ্বে, তোমার শাসনে,
 নাহি কোন শক্তি আজ ; হায় কি অদ্ভুত,
 বিধাতার বাজ এই ! বাঁচুক শাবক,
 অথবা সে পুড়ুক অনলে ; এ নাগিনী
 চলিল পার্থের প্রাণ, করিতে সন্ধান
 যে কোন বিষাক্ত বাণে ; তবে শাস্তি পাবে ।

[প্রশ্ন ।

শ্রীকৃষ্ণ । ধন্যে তুমি হওনি পতিত ; রে ভারত !
 জন্ম-শত্রুতায় কভু হয় কি প্রণয় ?
 উলুপী চাহিল প্রাণ, যা নিয়ে পীরিতি ;
 ম'রে গেলে স্পর্শ কোথা পাবে ? হাড়-ভাঙ্গে
 সাক্ষী দেবে চোরা পীরিতের । পরকীয়া—
 প্রেম ! ওটা প্রহেলিকা ; কচিৎ বাস্তব ;
 যদিও ফুটেছে বিশ্ব, লুকায়ে ঝরিছে,
 কোথায় রয়েছে প'ড়ে তীর অনাদরে ।
 তার জন্য প্রাণ দে'য়া বাক্যে শুধু ভাল,
 ভাবার্থ রেখ'না তার ; যে প্রীতি-বর্ধনে,
 প্রতিজ্ঞা রাখিতে হবে ; সে প্রিয়া, পিয়ার
 প্রণয়-পীড়িত প্রাণ, পারে কি পোড়াতে ?
 তা হতে শতেক বর্ষ কাটাতে বিরহে ।
 প্রভু বৈশ্বানর—সন্তুষ্ট হয়েছ যদি,
 শাবকে নিও না কাড়ি ; পর্বত-বহ্নিরে,
 কয়টি পাষণ-খণ্ড নিঃস্ব না করিবে ।
 নাহি শত্রু আর তব ; দেবে কি বিদায় ?
 অগ্নি । নারায়ণ ! নমি পদে—সন্তুষ্ট হয়েছি,
 যথা ইচ্ছা করুন গমন ; হে পাণ্ডব !
 কপিধ্বজ দেবযান করেছি প্রদান,
 গাণ্ডীব অক্ষয় তুণ ; আর এই দিন
 আশ্বেয় মহাজ্ঞ, যাহে মরিবে ফণিনী ।

আদি পর্ব]

কেশবাজ্জুন

[অষ্টম সর্গ

অজ্জুন । প্রণমি সহস্রজিহব ! মস্তক-ভূষণ,
হইল এ দেব-দান ; বিদায় এক্ষণ ।
উভয়ে । চলিলাম মোরা তবে, নমি হতাশন ।

[অজ্জুন ও ত্রিকূষের প্রস্থান ।

অগ্নি । এ এক অদ্ভুত লীলা ! দাসের চরণে
প্রণমিল মহাপ্রভু ; রহস্ত বিরাট ।

[প্রস্থান

আদি-পর্ব সমাপ্ত ।



